

河洛理數

第一冊

上海文書局印行



數理洛河

# 序

易逆數也。數盡之矣。註易家紛紛。此謂數。此謂理。此謂理先於數。此謂理數合一。何舛乎。夫當期之數。凡天理之數。當萬物之數。不聞又有期之理。天地之理。萬物之理。反對也。天一地二天三地四天五地六天七地八天九地十。如斯而已矣。不聞又有自天一至地十之理。爲成變化行鬼神之樞紐也。數起天地。天地之數起參兩。參兩之人極起易。易者何。卽元堂元氣云。故圖書中五。五卽數也。建用皇極。建之者人耳。然則數何爲而逆。理何爲而順。極數知來。不逆惡乎。順也。不數惡乎。理也。今天下非無理之患。而無數之患。何也。天尊地卑。內健外順。理如故也。數非其數矣。奉無數之理。則不尊。陽畏其有理。陰欺其無數。亂是用長。理者數而已矣。奚遁焉。史大夫念翁爲刻希夷書也。堯夫註希夷。二程心折矣。程言理。邵言數。得無分道角乎。惜未有以數合併之者。雖然相見在午正。難求在子中。惟反復道乎。道有變動。故曰爻。列貴賤齊小大。變易之妙推移。卽大數乾元之爲上中下元也。陽爻陰爻之定於有生也。諸卦之隨時更換也。可定理執耶。歲月時爻各稟承。可私智殺亂耶。所貴乎先天者。爲其超然屈伸之外。惟變所適。

也。此天地之數。異於讖緯之數也。是故得中數。當爻位。應時合節。吉莫大焉。數與時偕行。不以意益損。而有援得勢。必因之矣。黃龍晦堂曰。人托陰陽以生。豈有逃其數者。予雖學出世法。能免形累乎。富鄭公書本身卦。戒子弟曰。予今年爻象不吉。汝等切勿生事。夫世外之人。與世法同。其謹畏士大夫之身。與士大夫子弟。同其修省。庶幾无咎哉。范文正公得大有之九二。以天下爲己任。溫公曰。圖南此數。大有於益吾輩。可謂存心養性之書。知言哉。念翁清貞持己。教訓正俗。思與吳民共臻寡過。而約以儉。以柔以義。三言三者數而已矣。易以定吉凶。而大書以衍忒。而信乾坤以易簡。而貞一。皇極以好德而錫福。生天下生萬世生我。吳中父老子弟。不出此書。以卜筮小吾易者。誰敢哉。崇禎壬申季春朔日。通家治生陳仁錫書於介石居。

## 凡例

- 一刻內用直豎丨者乃數中一定之名目
- 一刻內用連○○者乃數中綱領之所存
- 一刻內用連點、者乃數中切要之所在
- 一刻內用止畫┌者恐上下有混淆之所辨
- 一刻內或用空豎口或用方圈□皆醒發眼目之處學者自宜詳審

河  
洛  
理  
數  
凡  
例



# 河洛理數目錄

## 卷一

序大易源流

周易卦爻象象辨

河圖

說河圖篇

洛書

說洛書篇

八卦取象

八卦所屬

六十四卦歌

廣八卦象

總取八卦象

八字天干配卦例

天干定局

地支定局

八字干支數

八字內天數地數例

依洛書取卦例

八卦相盪成卦例

五數寄宮例

寄宮詩

詳三元甲子例

遇十不用例

詳元堂爻位式

起元堂訣

陰陽六爻元堂式

換後天卦例

三至尊換卦不同例

論元氣

逢元氣訣

論元氣相反

元氣反訣

反中有救訣

論化工

逢化工訣

化工反例

化工反訣

正對反對體

演八字圖式

小象陽爻運行列

小象陰爻運行列

月卦從世應例

起月卦定式

起日卦定式

定時刻法

定節候卦說

候卦定局

卦氣歌

論六爻

貴命十吉

賤命十不吉

年月日時相同辯

日居月諸坎離消長

乾坤闔闢

坎離相連雷風相與

論日月盈虧

換卦詳說

厲潛夫釋化工元氣

重論先後天納音相生

釋卦義

論蹇解二卦

論否泰二卦

損頭益尾

論卦名吉凶之變

三才之道

月令非時論

釋卦合數合時當否例

有悔

有尤

論所得卦數吉凶

大易數妙義

論應其用合其時

論天數二十五

論地數三十

論天數至弱

論地數至弱

論天數不足

論地數不足

論陽數太過

論陰數太過

論得中數

論三等數與時損益

論不及太過得中

論孤陽不耦數

論孤陰背陽數

論孤陽自耦數

論孤陰向陽數

論陽偏數

論陰偏數

論以強伏弱

論以弱敵強

論安和自寧數

論天地俱得贏數

論陰陽戰勝數

論五命得卦

論互體四體八體

論卦變爻變

論貴顯變化順時格

論時令定數

假令例

推賤命法

先儒論數印證

論陰陽消息例

論內卦出外例

六十四卦互體

論出後天六合要旨

詳說伏體要旨

卷二上

上經三十卦

卷二下

下經三十四卦

卷三

六十四卦詩訣

卷四

流年

卷五

月卦

卷六

參詳秘訣辨

起大運例

釋明金鎖銀匙歌訣

卷七

起八字法

定時刻訣

河洛參評例

起流年例

起大運訣

起太陽出沒

金鎖銀匙歌

釋明用算盤打數定局

起小運訣

起大運訣

起小運訣

定寅時訣

定小兒生時訣

難產夜啼克應

知人形體論

詳論合婚吉凶數

推八字世應所在法

三刑例 六害例

三垣六墓例

女人地掃星

天干相合例

地支相合例

地支相衝例

會局例

太陰合朔之度

太陽氣朔躔度

太陰晨昏

吉凶神殺例

合婚法

陰錯陽差歌

新增辨論合婚

河洛理數 目錄



# 河洛理數 卷一

宋 華山希夷先生陳搏著  
康節堯夫先生邵雍述

明覃懷史應選念冲甫校訂

## ○序大易源流

一八卦之書。始於伏羲。有畫無文。先天之易也。  
一六十四卦。重於文王。卦下有辭。後天之易也。  
一爻象無文。則易道不顯。故繫之者周公也。  
一繫辭十傳。乃吾夫子所著。兼先後二天而總括之。  
至是謂中天之易也。乃若乾坤文言。則穆姜常稱之。而夫子引之。以爲二卦之發揮者也。

## ○周易卦爻象象辨

易始羲皇。獨名周易何也。蓋以易更四聖。至周而始大備。故名曰周易。  
易者。陰陽之變。從日月字。會意成名耳。  
易有二義。交易者。陰陽之對待。變易者。陰陽之流行。

卦者掛也。如懸掛物象以示人也。

卦必六畫。法天地之氣各六也。

畫必始於下。獨陰陽之氣從下而生也。

爻謂彼此相交而後成。又爻者效天下之動者也。

文王卦下之辭。謂之曰彖。何也。蓋彖象犀。猛獸之名。豨神是也。犀形獨角。知幾知祥。其牙最堅。能嚼物。故取以爲決斷卦義之名。


周公繫辭謂之大象小象者。何也。蓋象大荒之獸也。象備百獸肉。有分數如爻。備百物之理也。象有十二種肉。配十二辰。如爻配十二月也。象膽不附肝。隨四時之月。變動不一。如爻趨時而至變也。

已上皆爲初學未讀易者設也。若經生學士家。則詎庸喙。

○河圖運行次序

河圖之序。自北而東。左旋而相生。然對待之位。則北方一六。水。尅南方巳午火。西方四九金。尅東方三八木。而相尅者。寓乎相生之中。蓋造化之理。生而不尅。則生者無從而裁制。其河圖生尅之妙。有如此乎。

河圖



天一生水。地六成之。地二生火。天七成之。天三生木。地八成之。地四生金。天九成之。天五生土。地十成之。

○說河圖篇


龍馬負圖之初。有點一白六黑。在背近尾。七白二黑。在背近頭。三白八黑。在背之左。九白四黑。在背之右。五白十黑。在背之中。羲皇與大撓氏。定以一六在下。合於北而生水。亥子屬焉。二七在上。合於南而生火。巳午屬焉。三八在左。合於東而生木。寅卯屬焉。四九在右。合於西而生金。申酉屬焉。五十在中。為土。而辰戌丑未屬焉。此八卦地支之數。

所由始也。續自圖南先生。慨易道之不明。乃以人生年月日時支干。配同洛書取數。而後知天地所賦之厚薄。大易之道。燦然復明。誠可謂有功於先聖者。後之學者。苟視爲玩具。幾何而不流於自暴自棄也哉。

○洛書運行次序

洛書之序。自北而西。右轉而相尅。然對待之位。則東南四九金。生西北一六水。東北三八木。生西南二七火。而相生者。已寓乎相尅之中。蓋造化之理。尅而不生。則所尅者。有時而間斷。其洛書生尅之妙。有如此乎。

洛書



戴九履一。

左三右七。

二四爲肩。

六八爲足。

五十居中。

○說洛書篇

夫河龜負書者。非龜也。乃大龜也。其背所有之文。有一長畫。二短畫。一點白。近尾。九點紫。近頭。二黑點在背之右。四碧點在背之左。六白點在近足之右。八白點在近足之左。三綠點在脇之左。七赤點在脇之右。五黃點在背之中。凡九而七色焉。於是則九位以定方。因二畫而生爻。以一白近尾為坎。二黑在右肩屬坤。左三綠屬震。四碧在左肩屬巽。六白近右足屬乾。七赤在右屬兌。八白近左足屬艮。九紫近頭屬離。五數居中。以維八方。八卦由是生焉。此神龜出洛之表象也。

○八卦取象

乾三連☰ 坤六斷☷ 震仰盂☳ 艮覆碗☶ 離中虛☲ 坎中滿☵  
兌上缺☱ 巽下斷☴ 初學畫卦。必觀此象。庶幾易曉。

○八宮所屬

乾宮屬金 與坤地相對 无水雷澤

乾為天☰ 天風姤☱  
火地晉☲ 火天大有☲  
天山遯☶ 天地否☷  
風地觀☱ 山地剝☶  
天四 月五 天六 月七  
天八 月九 天十 月正

坎宮屬水 與離火相對 无天山風

坎爲水月十 水澤節月七 水雷屯月六 水火既濟月正 澤火革月二 雷火豐月九

地火明夷月八 地水師月七

艮宮屬土 與兌澤相對 无水雷地

艮爲山月四 山火賁月十一 山天大畜月十二 山澤損月七 火澤睽月三 天澤履月三

風澤中孚月八 風山漸月正

震宮屬木 與巽風相對 无天山火

震爲雷月十二 雷地豫月五 雷水解月十二 雷風恒月正 地風升月八 水風井月三

澤風大過月二 澤雷隨月七

巽宮屬木 與震雷相對 无地水澤

巽爲風月四 風天小畜月十一 風火家人月六 風雷益月七 天雷无妄月八

火雷蠱月九 山雷頤月八 山風蠱月正

離宮屬火 與坎水相對 无雷地澤

離爲火月四 火山旅月五 火風鼎月十二 火水未濟月七 山水蒙月八 風水渙月三

天水訟<sub>二</sub> 天火同人<sub>正</sub>

坤宮屬土 與乾天相對 无山風火

坤為地<sub>十</sub> 地雷復<sub>十一</sub> 地澤臨<sub>十二</sub> 地天泰<sub>正</sub> 雷天大壯<sub>二</sub> 澤天夬<sub>三</sub>

水天需<sub>八</sub> 水地比<sub>七</sub>

兌宮屬金 與艮山相對 无天風火

兌為澤<sub>十</sub> 澤水困<sub>五</sub> 澤地萃<sub>六</sub> 澤山咸<sub>正</sub> 水山蹇<sub>八</sub> 地山謙<sub>九</sub>

雷山小過<sub>二</sub> 雷澤歸妹<sub>七</sub>

○六十四卦次序歌

乾坤屯蒙需訟師比小畜兮履泰否同人大有謙豫隨。蠱臨觀兮噬嗑賁。剝復无妄大畜頤。大過坎離三十備。 (右上經三十卦)

咸恒遯兮及大壯。晉與明夷家人睽蹇解損益夬姤萃。升困井革鼎震繼。艮漸歸妹豐旅巽。兌渙節兮中孚至。小過既濟兼未濟。是為下經二十四。 (右下經二十四卦)

○廣八卦之象

乾為天。為圓。為君。為父。為玉。為金。為寒。為冰。為大赤。為良馬。為老馬。為瘠馬。為駁馬。為

木果。團音圓，駁邦角反。

坤為地。為母。為布。為釜。為吝嗇。為均。為子母牛。為大輿。為文。為衆。為柄。其於地也為黑。

釜房浦反，菑音色。

震為雷。為龍。為玄黃。為旉。為大塗。為長子。為決躁。為蒼筤竹。為萑葦。其於馬也。為善鳴。

為馵足。為作足。為的顙。其於稼也。為反生。其究為健。為蕃鮮。馵音孚，筤音郎，葦音丸，馵主戌反，蕃音煩。

巽為木。為風。為長女。為繩直。為工。為白。為長。為高。為進退。為木果。為臭。其於人也。為寡

髮。為廣顙。為多白眼。為近利市三倍。其究為躁卦。

坎為水。為溝瀆。為隱伏。為矯輮。為弓輪。其於人也。為加憂。為心病。為耳痛。為血卦。為赤

其於馬也。為美脊。為亟心。為下首。為薄蹄。為曳。其於輿也。為多眚。為通。為月。為盜。其於

木也。為堅多心。輮如九反，亟紀力反，曳以制反。

離為火。為日。為電。為中女。為甲冑。為戈兵。其於人也。為大腹。為乾卦。為鼈。為蟹。為蠃。為

蚌。為龜。其於木也。為科上槁。乾音干，蟹口買反，蠃力禾反，蚌步項反。

艮為山。為徑路。為小石。為門闕。為果蓏。為闢寺。為指。為狗。為鼠。為黔喙之屬。其於木也

為堅多節。麻力火反，黔其兼反，喙況發反。

兌爲澤。爲少女。爲巫。爲口舌。爲毀折。爲附決。其於地也。爲剛。鹵爲妾。爲羊。鹵音魯。

○總取八卦象

八卦萬物屬類。並爲上卦。所屬之方爲下卦。乾西北方。坎北方。餘當類推。皆可起卦。

○八字天干配卦例

壬甲從乾數。乾之數六，壬甲屬乙癸向坤求。坤之數二，乙癸屬庚來震上立。震之數三，庚屬震故亦下六數。辛在巽方游。巽之數四，辛屬丙於艮門立。艮之數八，丙屬己以離爲頭。離之數九，亦下戊須坎處出。坎之數一，戊屬丁向兌家流。兌之數七，丁屬九數。亦下

○天干取數定局

戊一乙癸二庚三辛四同。壬甲從六數。丁七丙八宮。己九無差別。五數寄於中。

初學入門。不可不識此。

○地支取數定局

亥子一六水。寅卯二八眞。巳午三七火。申酉四九金。辰戌丑未土。五十總生成。

○八字天干地支數例

男命

庚三	庚三	丁七	甲六
辰十五	申四	卯八	子六
辛四	壬六	丙八	丁七
丑十五	寅三	午七	巳七

女命

乙二	己九	戊一	庚三
亥六	酉七	戌五	午七
辛四	甲六	壬六	癸二
未十五	申九	戌五	卯三

此四命格。爲初學入門之法也。各有八字。不論男女。就此八字之中。查單數者共算多少。則爲天數。雙數者共算多少。則爲地數。照後所開定之。

○八字內天數地數例

天數二十五。地數三十。乃河圖之數也。今演八字。例以天干佈前洛書戊一乙癸二之數。地支佈前河圖亥子一六水之數。然後將干支所得之數。單者聚爲天數。雙者聚爲地數。看天數所得多少。除天數二十五之外。以所餘之數爲卦。倘止有二十五。則除二十不用。止用五。倘不滿二十五數。則除十不用。只用零數爲卦。看地數所得多少。除地數三十之外。以所餘之數爲卦。倘止有三十。則遇十不用。只作三數起卦。倘不滿三十。則遇十不用。只用零數起卦。此用數定例也。

單止一三五七九雙止二四六八十

○依洛書取卦例

一數坎兮二數坤。三震四巽數中分。五寄中宮六乾是。七兌八艮九離門。

假如前甲子丁卯庚申庚辰。天數得三十一。除二十五還天數外。餘六數屬乾。是天之數得乾也。地數得三十四。除三十還地數外。餘四數。四數爲巽。是地之數得巽也。

假如前丁巳丙午壬寅辛丑。天數二十九。除二十五還天數外。餘四數屬巽。是天之數得巽也。地數四十。除三十還地數外。餘十數。遇十不用。只用一數。一屬坎。是地之數得坎也。

假如前庚午戊戌己酉乙亥。天數三十五。除二十五還天數外。餘十數。遇十不用。只用一數。一屬坎。是天之數得坎也。地數二十四。不滿三十數。除二十不用。只用四數。四屬巽。是地之數得巽也。

假如前癸卯壬戌甲申辛未。天數二十二。不滿二十五數。亦除二十不用。只用二數。二屬坤。是天之數得坤也。地數五十。除三十還地數外。餘二十。遇十不用。只用二數。二屬坤。是地之數得坤也。餘做此。

○八卦相盪成卦例

陽命男	陽命女	陽命男	陽命女	陰命男	陰命女	陰命男	陰命女
甲子	丁卯	庚申	庚辰	丙午	壬寅	辛丑	癸卯
天數乾☰陽命男 當在上	天數巽☴陰命男 當在下	天數坤☷陰命女 當在上	天數坎☵陽命女 當在下	天數巽☴陰命男 當在下	天數坤☷陰命女 當在上	天數坎☵陽命男 當在上	天數坤☷陰命女 當在下
☰	☴	☷	☵	☴	☷	☵	☷
例卦							

此天數地數二卦共成一卦謂之曰盪。陽命男。陰命女。天數在上。地數在下。陰命男。陽命女。天數在下。地數在上。以天地二數相盪而成一卦也。如前天數餘六數。是乾。地數餘四數。是巽。若是甲子生。陽命男。天數

在上。地數在下。演得天風姤卦是也。

○五數寄宮例

凡天地二數所餘之數。得五數者。則寄中宮。蓋五與十數。八方無位。屬在中宮故也。

○寄宮詩曰

上元男艮女爲坤。上元生人。不論陰陽。男得五。女兌男離屬下元。下元生人。不論陰陽。男得五。女兌男離屬下元。  
五爲兌卦。中元陰女陽男艮。中元生人。陽男得五。陰女得五。爲艮。陽女陰男亦寄坤。中元生人。陰命女得五。寄坤。  
詩內所謂陰陽男女者。蓋以甲丙戊庚壬生人爲陽。乙丁己辛癸生人爲陰。

○詳上元中元下元例

如弘治甲子至嘉靖四十二年。是〔上元〕。自嘉靖四十三年甲子至天啟三年癸亥。是〔中元〕。自天啟四年甲子起爲〔下元〕。以後再遇甲子。又是〔上元〕。康熙甲子屬上元。乾隆甲子屬中元。

○遇十不用例

凡遇十則爲棄數不用。蓋遇十則用一也。二十則用二。三十則用三。假如天數三十五。則除去二十五還天數後。餘十數不用。只用一也。如地數三十。則只用三。地數四十。則

除三十還地數後。餘十數。只用一也。若地數六十。則除三十還地數後。餘三十不用。亦只用三也。蓋大易之數。初無所謂五與十。故只用一二三四六七八九。而不用五與十也。

○詳元堂爻位式

凡人命所得之卦。元堂所係最重。得其氣之吉者。爲富貴。爲賢良。爲高壽。得其氣之凶者。爲貧賤。爲下愚。爲夭折。元堂一定。毫釐不爽者也。其取爻之法。專以人之生時爲主。凡一日有十二時。上六時屬陽。子丑寅卯辰巳是也。下六時屬陰。午未申酉戌亥是也。陽時生人。則取本卦陽爻。從子時數起。陰時生人。則取本卦陰爻。從午時數起。但卦有純陰純陽。一陰一陽。二陰二陽。三陰三陽。四陰四陽。五陰五陽。難乎一槩。故又有陰陽之別也。其例詳具於後。

○起元堂詩曰

陰陽一二重而寄。三位雖重沒寄宮。四五無重應有寄。純爻男女不相同。如三陰陽則位則可重。因陰陽各半不同。陰寄陽寄。陰如四五則當就本陰陽位算過再寄他宮。重而寄如三。凡一陽爻之卦。推子丑二時同在陽爻一位。至寅時乃寄陰爻。假如人是丑時生。得地

水師卦。乃一陽卦也。則子丑二時。同在二爻爲元堂。寅時生。在初爻爲元堂。卯時生。在三爻爲元堂。辰時生。在四爻爲元堂。巳時生。在五爻爲元堂也。

一陽爻元堂卦式

師 一 巳 辰 卯 子 丑 寅 巳 庚

凡一陰爻之卦。惟午未二時。同在陰爻一位。至申時。乃寄陰爻。假如人是陰時生。得風天小畜卦。乃一陰卦也。則午未二時。同在四爻爲元堂。申時生。則以初爻爲元堂。酉時生。則以二爻爲元堂。戌時生。則以三爻爲元堂。亥時生。則以五爻爲元堂也。

一陰爻元堂卦式

小畜 一 亥 午 未 戌 酉 申

凡二陽爻之卦。必於陽爻重數兩次往復。方寄陰爻。假如人是陽時生。得澤地萃卦。乃二陽卦也。則子時在四爻爲元堂。丑時生。則以五爻爲元堂。寅時生。復以四爻爲元堂。卯時生。又以五爻爲元堂。辰時生。則以初爻爲元堂。巳時生。則以二爻爲元堂也。

陽爻兩次往復看二陽卦式子丑寅卯四字便顯然

二陽爻元堂卦式

萃 一 丑 子 巳 辰 卯 寅 巳 庚

凡二陰爻之卦。必於陰爻重數兩次往復。方寄陽爻。假如人是陰時。生得天雷无妄卦。乃二陰爻也。則午時在二爻爲元堂。未時生。則以三爻爲元堂。申時生。則以二爻爲元堂。酉時生。又以三爻爲元堂。戌時生。則以初爻爲元堂。亥時生。則以四爻爲元堂也。

陰爻兩次往復看二陰卦式午未申酉四字便顯然

二陰爻元堂卦式

无妄 一一二亥未午  
一酉申一戊

凡三陽爻之卦。只於陽爻往來不寄陰爻。假如陽時生人。得火山旅卦。乃三陽卦也。子時則元堂在三爻。丑時則元堂在四爻。寅時則元堂在上爻。卯時則元堂復在三爻。辰時則元堂復在四爻。巳時則元堂復在上九之爻也。

三陽爻元堂卦式

旅 寅一丑子  
巳一辰卯

凡三陰爻之卦。只於陰爻往來不寄陽爻。假如陰時生人。得水澤節卦。乃三陰卦也。午時生。則元堂在三爻。未時生。則元堂在四爻。申時生。則元堂在上爻。酉時生。則元堂復在三爻。戌時生。則元堂復在四爻。亥時生。則元堂復在上爻也。

三陰爻元堂卦式

節 申 未 午 戌 酉

凡四陽之卦。先於陽爻行完。然後寄陰爻。假如陽時生人。得純巽卦。乃四陽卦也。子時生。元堂在二爻。丑時生。元堂在三爻。寅時生。元堂在五爻。卯時生。元堂在上爻。辰時生。元堂在初爻。巳時生。元堂在四爻也。

四陽爻元堂卦式

巽 一 卯 一 寅 巳 一 丑 一 子 一 辰

凡四陰之卦。先於陰爻行完。然後寄陽爻。假如陰時生人。得純震卦。乃四陰卦也。午時生。元堂在二爻。未時生。元堂在三爻。申時生。元堂在五爻。酉時生。元堂在上爻。戌時生。元堂在初爻。亥時生。元堂在四爻也。

四陰爻元堂卦式

震 一 酉 一 申 一 亥 未 午 一 戌

凡五陽之卦。必先行完陽爻。而後寄陰爻。假如陽時生人。得天火同人卦。乃五陽卦也。子時生。元堂在初爻。丑時生。元堂在三爻。寅時生。元堂在四爻。卯時生。元堂在五爻。辰

時生元堂在上爻。巳時生元堂在二爻也。

五陽爻元堂卦式

同人 一辰 一卯 一寅 一丑 一子

凡五陰之卦。必先行完陰爻。而後寄陽爻。假如陰時生人。得雷地豫卦。乃五陰卦也。午時生元堂在初爻。未時生元堂在二爻。申時生元堂在三爻。酉時生元堂在五爻。戌時生元堂在上爻。亥時生元堂在四爻也。

五陰爻元堂卦式

豫 一戌 一酉 一亥 一申 一未 一午

六陽爻之卦。男女不同。必須詳慎。方無差悞。如男得乾卦。是子丑寅卯辰巳六時生。當依義皇三畫安元堂自下而上。重數下卦三爻。一一一。寅丑子。若女得六陽之卦。冬至後。夏至前。當自上行下。如是子丑寅卯辰巳六時。則重數上卦。如自上而下。女得乾卦而行陰分順時也。故自下行上。重數上卦。巳辰卯。申未午。一一一。亥戌酉。

若女得六陽之卦。冬至後。夏至前。當自上行下。如是子丑寅卯辰巳六時。則重數上卦。子丑寅 一一一 卯辰巳 一一一

若是午未申酉戌亥六時。則重數下卦。一一午未申酉戌亥

若女得六陽之卦。生於夏至後。冬至前。則亦自下行。上照男例也。

六陰爻之卦。男女不同。必須詳慎。方無差悞。如女得坤卦。是子丑寅卯辰巳六時生。當

依羲皇三畫安元堂自下而上。行重數下卦。三爻。一一子丑寅卯辰巳

若是午未申酉戌亥六時生。重數上三爻。一一申未午酉戌亥

若男得六陰之卦。夏至後。冬至前。當自上而行。下如是子丑寅卯辰巳六時。則重數上

卦三爻。子丑寅卯辰巳一一一一

陽卦行陰合道也。故自上。行下。男得坤卦。行陽令。順時。故也。故自下行上。

若是午未申酉戌亥六時。則重數下卦。三爻。一一午未申酉戌亥

若男得六陰之卦。生於冬至後。夏至前。則亦照女例。自下而上。行也。

○換後天卦例

先天之卦既成。元堂既定。却以元堂之爻。陽爻變陰。陰爻變陽。乃移外卦入內。內卦出

外。看得何卦。乃天旋地轉。更革之象。是為後天之卦也。假如前甲子丁卯庚申庚辰辰

時生人。乃陽時也。先天之卦。得天風姤卦。元堂在上九爻。後天之卦。却以先天在外。乾

卦上九爻變而為陰。換入後天在內為兌。以先天在內之巽卦換出在外。仍為巽。是後天之卦為風澤中孚。以三爻為元堂也。

先天換丁卯子天數三十一除二十五外先天姤一元一一一一

後天式庚申辰地數三十四除三十外後天中孚一一一一一一

○三至尊換卦不同例

坎屯蹇三卦。九五君位遭不利之時。遇屯難險阻之世。不可與諸卦六子兆民變重易輕者。同也。蓋九五陽之君。上六陰之主。極高至尊之爻。必當應時而動。不當同小民輕舉移易。故九五陰令變而不易。陽月則易。上六陽月變而不易。陰令則易也。

變者變其卦非變其爻不易者

○論元氣年上看

甲壬戌亥屬〔乾〕。乙癸未申屬〔坤〕。丙丑寅屬〔艮〕。丁與酉屬〔兌〕。戊與子屬〔坎〕。己與午屬〔離〕。庚與卯屬〔震〕。辛辰巳屬〔巽〕。如甲壬戌亥生人卦中有乾謂之有元氣也。

凡元氣自人當生之年。干支上取與日月時不相涉。天干逢者。謂之天元氣。地支逢者。

謂之地元氣。假如甲戌生人。得天澤履卦。則是卦中有乾矣。甲屬乾。戌亦屬乾。是天元氣。地元氣。皆全也。夫元氣專主富貴名譽。謂之官祿星。又謂之誥命星。不論男女遇之。皆主吉慶。更得當生納音之氣。尤妙。

納音之氣如甲子生人納音屬金之類

### ○逢元氣詩

元氣稱爲誥祿星。遇者分明主富盈。氣旺更兼居本位。縱然白手振家聲。

### ○元氣相反

甲壬戌亥逢〔坤〕乙癸未申逢〔乾〕丙丑寅逢〔兌〕巳與午逢〔坎〕丁與酉逢〔艮〕戊與子逢〔離〕辛辰巳逢〔震〕庚與卯逢〔巽〕如天地元氣屬乾卦中无乾而有坤則是相反矣

凡人與元氣相反者。平生所爲。不如意。事多逆蹇。主短壽。尅父母子孫。被妻佚樂中致病。喜處生憂。更加正對反對。多至死亡。輕者痼癰。暗昧不逞之徒。最忌尅制。

### ○元氣反詩

祿星主富誥星名。只在干支元氣尋。倘若一朝相反背。頓教名利化灰塵。

○反中有救訣

元氣雖衝莫作凶。要分節氣淺深中。反處氣虛無尅制。應知財壽亦豐隆。

〔乾〕反。天道失也。主天〔坤〕反。地道殘也。主貧〔坎〕反。多聾耳受病。〔艮〕反。多癱疽氣塞。〔離〕反。多瞽目受病。〔兌〕反。唇齒多缺。〔震〕反。多跛。〔巽〕反。多痼疾。巽爲手肚也。

○論化工月上取

冬至以後春分前。〔坎〕。春分以後夏至前。〔震〕。夏至以後秋分前。〔離〕。秋分以後冬至前。〔兌〕。每序季月。〔坤〕〔艮〕各旺十八日。

凡化工與年日時無干。只在月上取。如人是冬至後生。則水當正旺。化工屬〔坎〕。直管至春分前一日止。若先天後天卦中有〔坎〕卦者。謂之有化工。執此爲例。餘可類推。夫化工專主名譽。士人得之爲科甲。已仕者爲天恩眷渥。女人得之爲賢良貞淑。母儀婦道。

○逢化工詩

當生月令化工逢。名譽芬芳子息隆。縱使衡茅終發達。若居富貴愈亨通。

○化工反例

夏至以後秋分前逢〔坎〕秋分以後冬至前逢〔艮〕冬至以後夏至前逢〔離〕  
 春分以後夏至前逢〔巽〕每季月十八日逢〔乾〕〔兌〕

凡人根基不得化工而有相反者逢災咎橫禍恩變成惱蓋奪造化之權占正伯之位  
 遇此無不應也小象與大象如之輕者訟獄重者橫禍不測最忌剋剝相生則吉也

○化工反訣

當生月令化工違嗣續功名化作灰若是氣虛無尅制縱反還堪着力爲

○正對反對體

正對體

剝 ䷖

渙 ䷺

夬 ䷪

豐 ䷶

反對體

剝 ䷖

師 ䷆

復 ䷗

比 ䷇

凡正對反對之卦本主不吉但內有相生或與月卦元氣相孚則不爲凶最忌尅戰

○演八字圖式

甲 六 子 六 一	正對 天對 姤復	一歲起 元 四十三 三十四 二十五 十六 十歲起
丁 七 卯 八 三	反對 天數三十一 夾	九歲止 五十一 四十二 三十三 二十四 十五歲 年六管交陰
庚 三 申 九 四	地數三十四 正對 小過	先 天六爻共管五十一歲至五十二歲 乃換後天三爻行起至九十九歲止
庚 三 辰 十 五	後天中孚 反數無反對	七十三 六十四 五十八 五十二 九十一 八十二
		八十一 七十二 六十六 五十七 九十九 九十

生值二月十七辰時

陽命男

節值驚蟄後

候值封未定

氣值四陽謂卯月

天元乾遇甲六數屬乾故天元氣

地元坎遇子一數屬坎故地元氣

化工坎冬至起

此盤乃演人八字之梗概。至若變而通之。又在爻者之潤色。何如耳。

○小象陽爻九年運行例

夫探人之休咎氣數。如人必有所適也。蓋卦氣必有所遊。然後見天地運行之象。周流六虛之理。福善禍淫之機。鬼神吉凶之發。日月盈虧之道。四時順逆之布。星辰變易之會。其一年變一卦之法。亦自本卦之爻而始也。其陽爻九年謂之大象。其小象則一年一變。假如人一歲。是同人九三爻坐明堂。二歲。則取應爻。變同人上九爲革上六。三歲。則變革九三爻而成隨六三。然後自下而上。四歲。變隨九四爲屯六四。五歲。變屯九五爻爲復六五。六歲。變復上六爻爲頤上九。七歲。變頤初九爲剝初六。八歲。變剝六二爲蒙九二。九歲。變蒙六三爲蠱九三。此同人九三爻小象。九年游變之法也。再看其人十歲當換九四之爻。是陽是陰。如其人十歲。換同人九四爻。如遇陽年九四。陽爻不變。十歲是同人九四爻。十一歲是應爻。變如前例。其人十歲。若是陰年。則陽爻見陰年必變。則將同人九四爻變爲家人六四。十一歲。變家人應爻初九爲漸卦初六。十二歲。復將漸六四變爲遯九四。十三歲。變遯九五爲旅六五爻。十四歲。變旅上九爻爲小過上六爻。十五歲。變小過初爻爲豐初九爻。十六歲。變豐六二爻爲大壯九二爻。十七歲。變大

壯三爻爲歸妹六三爻。十八歲變歸妹九四爻爲臨六四爻。是陽爻遇陰年遊變之法也。其陽爻遊變極難。切須仔細看初爻之年是陽是陰。方無誤矣。其陰爻六年遊變。但到處自本爻變去。無陰陽之間也。陽爻九年一過運。陰爻六年一過運。蓋乾用九坤用六也。

陽爻九年陰爻六年爲運

○小象陰爻六年運行例

假如元堂得同人卦二爻。此是陰爻也。只管六年。則一歲卽變同人六二爲乾九二爻。二歲變乾九三爲履六三爻。三歲變履九四爲中孚六四爻。四歲變中孚九五爲損六五爻。五歲變損上九爲臨上六爻。六歲變臨初九爲師初六爻。

是一爻變一年。六爻變六年。無陰陽之間也。餘倣此。

又只有六陰爻六年。可以通行陽爻。當加本爻之上一年。次應爻上一年。復還本爻一年。然後行六爻六年。方清九年。

○論月卦從世應起例

陽世還從子月起。陰世還於午月生。欲知月卦真端的。從初數至世方分。

○起月卦定式此法難明必先以陽月辨定然後取應爻爲雙月庶幾易曉

假如其年流年卦月觀卦上爻爲元堂卦年一元二二即將流年觀卦前一位初六爻變爲風雷益卦初九起正月二二二五十次變益卦六二爻爲中孚九二爲三月二二二二次變中孚六二爲小畜九三爲五月二二二五二次變小畜六四爲乾九四爲七月二二二七三次變乾九五爲大有六五爲九月二二九一一次變大有上九爲大壯上六爲十一月二二一十月二二一陽月既定然後却取陽月應爻爲雙月如前正月是益卦初爻二二二二次月則取益卦應爻六四變爲无妄九四二二四二是无妄九四爲二月卦也如前三月是中孚二爻二二二四月四月則取中孚應爻九五變爲損六五二二四一是損卦六五爲四月卦也如前五月是小畜三爻二二五二六月則取小畜應爻上九變爲需上六二二一五是需卦上六爲六月卦也如前七月是乾九四二二七二八月則取乾卦應爻初九變爲姤初六二二三八是姤卦初六爲八月卦也如前九月是大有五爻二二一九是大有應爻九二變爲離六二二二二二是離卦六二乃爲十月卦也如前十一月大是壯上爻二二一三是十二月則變大壯應爻九三爲歸妹六三二二一三是歸妹六三乃爲十二月卦也以此爲例餘可類推

○起日卦定式

其法將月卦爲主。假如萬歷二十三年七月月卦。是既濟二爻。除此一爻不變。只將既濟三變爲屯六三爻。管六日。自下爻行至上交。蓋取一爻一日也。然日卦行起必須按月卦節氣。方不悞。如本年七月初二日午時立秋節。則屯卦初九爻。卽從初二日午時管起。屯卦二爻管初三日。屯卦三爻管初四日。屯卦四爻管初五日。屯卦五爻管初六日。屯卦上交管初七日。是此屯卦六爻從下而上。一爻一日。自初二日至初七日。屯卦六日也。至初八日。又變前既濟卦六四爲革九四。此一卦自下而上。又管六日。則初八日屬革初爻。管初九日。革二爻管初十日。革三爻管十一日。革四爻管十二日。革五爻管十三日。六爻管管此革卦六爻從下行上。一爻管一日。又共管六日也。至於十四日。又變前既濟卦九五爻爲明夷六五。自下而上。一爻一日。又管六日至十九日也。其餘倣此。推上除既濟卦二爻。是月卦不變。其餘五爻變五卦。一卦管六日五六方三十爻管三十日也。隨其爻。斷其吉凶。應如影響。毫無差謬。

起月卦說。當於流年卦元堂上進一位。是正月。如上爻則初爻起。初爻則二爻起。起支以陽月正三五七九十一月先定。然後以二月對正月應爻。而四月對三月應爻。

六月對五月應爻。八月對七月應爻。十月對九月應爻。十二月對十一月應爻。是四五卷上有流年月卦造定。

○定時刻法

每一日一百刻。以十二甲子輪。只有九十六刻。蓋寅申巳亥則用九刻。以金生在巳。火生在寅。水土長生居申。木生在亥。此四時長生。故多一刻。凡起日卦。每日該添一刻七分。大數一年。雖曰三百六十日。實有三百六十五日。其餘五日該坐六十時辰。以其無地可安。故每一月寄五時。十二個月共寄六十時辰。以此推之。則每日該添一刻七分。夫六日坐一卦。數當過一時。若初卦未時幾刻起。二卦便宜申時幾刻起也。餘以類推。

○定節候卦說

年有四時。春夏秋冬。氣有八節。立春。春分。立夏。夏至。立秋。秋分。立冬。冬至。總之其卦四。坎震離兌。候有七十二。五日爲一候。一月六候。一年七十二候。細分之。其卦六十。冬至起頤四爻。蚯蚓結之類是也。

○節卦

坎初爻起冬至 二爻小寒 三爻大寒 四爻立春 五爻雨水 上爻驚蟄

震初爻起春分 一爻清明 三爻穀雨 四爻立夏 五爻小滿 上爻芒種  
 離初爻起夏至 二爻小暑 三爻大暑 四爻立秋 五爻處暑 上爻白露  
 兌初爻起秋分 二爻寒露 三爻霜降 四爻立冬 五爻小雪 上爻大雪  
 已上坎離震兌四卦。謂之節卦。每一卦各管九十日。自初爻而至上爻。每一爻各管十五日也。

○候卦定局

頤六四起冬至 結蜩 中孚初九 解角 復初九 水泉  
 屯初九起小寒 雁北鄉 謙初六 雉始鳴  
 睽初九起大寒 雞始乳 升初六 征鳥厲疾 臨初九 腹堅  
 小過初六起立春 東風解凍 蒙初六 負冰  
 益初九起雨水 獺祭 漸初六 雁北 泰初九 萌動  
 需初九起驚蟄 桃始華 隨初九 蟄始鳴  
 晉初六起春分 玄鳥至 解初六 雷乃發 大壯初九 始電  
 豫初六起清明 桐始華 訟初六 見虹

艸初六起穀雨	萍始	革初九	其鳴鳩拂	夫初九	戴勝降
旅初六起立夏	蜃蝻	出師初六	生王瓜		
比初六起小滿	秀菜	小畜初九	靡草	乾初九	麥秋
大有初九起芒種	種蠶	鄉生	死	反舌	
井初六起夏至	鹿角	咸初六	鳴蜩始	娠初六	半夏
鼎初六起小暑	溫風至	居壁	豐初九	鷹始	
渙初六起大暑	腐草	履初九	上潤	漸初六	大雨
恆初六起立秋	涼風至	白露降	蟬鳴		
同人初九起處暑	鷹乃祭	損初九	天地肅	否初六	禾乃登
巽初九起白露	鴻雁來	萃初六	養羞		
大畜初九起秋分	雷始收	賁初六	戶觀初六	水始	
歸妹初九起寒露	鴻雁來	賓	无妄初九	菊華	
明夷初九起霜降	雀入水	為蛤	剝初六	蟄蟲俯	
艮初六起立冬	水始涸	冰	既濟初六	雉入大	

噬嗑初九起小雪。虹藏不見大過初六。天氣上升地氣下降

坤初六起大雪。閉塞而成冬未濟初六。鷓鴣不鳴蹇初六。辨

已上六十卦。每一卦各管六日。如冬至是二十日。則本日是頤卦四爻。二十一日。頤卦

五爻。二十二日。頤卦上爻。二十三日。頤卦初爻。二十四日。頤卦二爻。二十五日。頤卦三

爻是也。

凡人生時值節卦者。謂之有化。工。生月值候卦者。謂之得月卦。皆為天地間至吉至壯

之氣。但氣候有盈虛。卦爻有超接。一卦分六爻。或三爻在歲底。三爻過新年。是謂超接。

其法當以甲子甲午己卯己酉定二分二至之中氣。分至之爻既定。其餘可推而知之

矣。一年總三百六十四爻。四爻生八節。餘三百六十爻。分三百六十日。每一日各坐一

爻。亦可照月卦上。每日加一刻七分。六日數過一時是也。凡看國運。只演正月初一日

得何卦。便知一年否泰矣。

○卦氣歌

卦氣初起立春節。小過蒙益漸泰發。二月驚蟄及春分。需隨晉解大壯列。三月清明時  
季春。豫訟蠱革夬相親。四月立夏陽位遊。旅師比小畜乾求。五月陰生芒種候。大有同

人并咸婚。六月小暑鼎與渙。豐履遯卦亦相伴。七月立秋流火金。恒節同人損否臨八月白露巽與萃。大畜觀賁相總會。九月寒露霜初落。歸妹无妄夷困剝。十月立冬良既濟。噓嗑大過坤相繼。小雪交來未濟始。蹇頤中孚復而已。小寒季冬遯與謙。睽升臨卦徹手尾。

○論六爻

其初難知。其上易知。初辭擬之。卒成之終。二與四同功而異位。三多譽。四多懼。近也。柔之爲道。不利遠者。其要无咎。其用柔中也。三與五同功而異位。三多凶。五多功。貴賤之等也。其柔危。其剛勝邪。

凡人得卦。只憑生時。元堂定位。可以知人之賦分。亦可以卜人之性情。惟五位爲佳。二則次之。三四又次之。初上又次之。

一、凡得五二之位。卦義佳。二數足。有元氣。化工得其時。此則良賢上貴之命也。

二、凡得五位。卦義佳。而二數不足。無元氣。化工不得時。此則先處艱苦。後大亨奮之命。僧道得此。當主大權。士大夫當從左選。女人決然起家。

三、凡得君位。卦爻皆不吉。又無元氣。化工又不得時。此則自卓立艱苦中得受用之命。

四、若二數足有元氣。又得其時。卦義又佳。而爻位獨不吉。主先富貴而後貧賤。

五、若二數足有元氣。但不得時。兼卦不吉。然爻位却好。此為富足之命。

六、若二數足無元氣。不得時。卦又不吉。然爻位却好。此人常自艱難中建立。先貧後富。

先賤後貴之命。

七、若二數不足無元氣。又不得時。兼卦不吉。又得爻位好。此亦艱難中卓立之命。

○貴命十吉體

一、卦名吉。二爻位吉。如得二五。一三辭吉。四得時。如九月得剝。十一有揆。元堂坐陰

陽爻是也。六數順時。天地陰多須要順時。不當背反。七得體。五卦命得體。斷之。八當位。月生

人元堂在。九合理。庚人得震。春夏是也。如金人雖不得免。亦宜。十衆宗。如五陽一陰。元

陰爻是也。一陽元堂坐。一陽爻謂。得三四者。選曹命。得五六者。知道命。得七八者。卿監侍從。得

九十者。將相王侯。

右此十體。更得化工元氣兼之。則貴極。位極。富極。壽極。五福備矣。亦有德之士也。

○賤命十不吉體

一、卦名凶。二爻位凶。三辭凶。四不得時。五無援。六數逆時。七不得體。八位不當。九違理。

十衆疾。已上十不吉體。大約與前大吉體相反。得三四者。僧道九流。百工技藝。得五六者。吏僮孤獨。得七八者。夭橫凶禍。得九十者。乞丐斬戮。

右此十體。非夭即賤。量其輕重。以定吉凶。或傷時犯忌。有凶多者。乃乞丐之流。斬戮之輩也。或凶多吉少。則九流僧道之命。若化工元氣兼全。則艱難中而獲福。辛苦中而苟安。若或無此。方爲大凶。又在消詳之間耳。

○同年同月同日同時辯

普天率土。兆民夥矣。年月日時彼此相同者。在處有之。而富貴貧賤壽夭。異若白黑。議者類以東西南北方域之殊。上下四刻時辰之別。二者所論。固可以資一時口實之談。予深究之。實非的論。蓋曾見產於同里。而貴賤頓別者。則方域非所限矣。又見同時同刻。產於壁鄰者。而一壽一天。彼此迥異。則時刻非所憑矣。深惟人秉父精母血而生。其受胎之始。所係惟最重。是以古人有河魁占房之語。誠不欲男女之苟合也。兒在母胎。有七月而生者。有八月而生者。有九月而生者。有十月而生者。有十一月而生者。有十二月而生者。其所生年月日時相同。而受胎之初則異。惟其秉胎之始。得其正。則主其人爲富貴榮華壽永。秉胎之始。失其正。則主其人貧賤困苦夭折。斯蓋至當不易之理。

今後倘有以同年同月同日同時八字相較。當究其受胎之月。孰深孰淺。深者為吉。淺者為凶。則萬無一失矣。醒易山人識。

○日居月諸。坎離消長。晝夜窮途。

日 大有 日者天之氣。東方乾中出。  
月 比 月者地之氣。西方坤中出。

○乾坤闔關

關 復 關戶。乃十一月一陽來復之時也。

闔 姤 闔戶。乃五月一陰始生之時也。

○坎離相逮。雷風相與。

水 井 以楊枝取月中之氣為水。楊陰木也。

火 噬嗑 以青色物取日中之精為火。青色。春木也。

○論日月盈虧

陽盈	十三日	出	乾	初七日	出	庚
陰極	廿二日	出	辛	初八日	出	庚
	十八日	出	巽	廿三日	出	丙
				初二日	出	癸
						坤

河圖八卦納甲之妙。其源本於月受日光。蓋陽爲陰主。而陰則承陽以爲進退者也。以象觀之。月之初三爲朏。即哉生明也。一陽下生。月作震象。昏見西方庚地。故震納庚也。月之初八上弦。陽生盈半。月作兌象。昏見南方丁地。故兌納丁也。月十五爲望。三陽盛滿。月作乾象。昏見東方甲地。故乾納甲壬。甲壬者。陽之精也。月十八始虧。一陰下生。月作巽象。且沒西方辛地。故巽納辛也。月之二十三。日下弦。陰生盈半。月作艮象。且沒南方丙地。故艮納丙焉。月之三十日爲晦。三陰盛滿。月作坤象。且沒東方乙地。故坤納之乙癸。乙癸者。陰之精也。戊中央陽土。坎爲中陽。故納戊。己中央陰土。離爲中陰。故納己焉。蓋陰陽各以類從也。

○換卦詳說

聖人畫卦。有象無言。皆法自然之理。使人默識其意。是以謂之精微潔淨之書也。人之命。先天之卦得矣。後天之卦成焉。或有先天之卦至吉。後天之卦至凶。或有先天之卦至凶。後天之卦至吉。在聖人則以理窺。在常人則以言悟。且如有人先天得屯卦。後天得既濟卦。屯難遇濟。則其難可逃矣。如或得比。比者親輔也。屯難非親而莫依。無所輔。則愈屯愈難。如或得隨卦。是謂隨。屯受難未易逃也。如或得節卦。則或甘或苦。豈有全

佳。如或得復卦。復屯而有吉。忽然得益。益而愈增。何時休息。又如有人先天得泰卦。小往大來。亨通可致。後天之卦。如或得升卦。大升而益進。如或得謙卦。大亨可來。既盈之甚。仍欲致謙。謙而又光。偶然得坤。坤先迷而後得反。失陽亨。自泰而坤。全無佳意。如或得大壯。大壯異常。陽進陰退。陽道愈亨。如或得夬。夬決小人。陽道愈亨。有揚於王廷之美。或得需。則飲食宴樂。無爲不遂。如或得大畜。則大亨而有蓄積。雖曰富而亦可以貴。況何天之衢。亨是大通天衢。奚有不富貴哉。此乃先天之吉。後天愈吉之象。舉此二卦。以察先天後天之由。餘六十二卦。先後參詳。以名可曉。後之學者。當以是詳之。其若行年小象消息。取八卦之所爲。以言人逐年之休咎。自然與天地相似而不違。日月運行而不忒。八卦所爲者。如人當年大象。得屯。主有凶撓不寧之咎。而小象得復卦。則屯得復。以免禍。復體有坤震之象焉。坤順而震動。宜順宜動而得吉。震又爲大途。雖屯可進。坤又爲衆進之途。既順而事無不佳。用無不利。震又爲反生。則雖屯而不死。危而不憂。坤又爲布。爲囊。爲裳。主有添衣進帛之悅。獲財積囊之喜。此蓋有凶中履吉之理。其在春冬乎。何以知其。在春冬。蓋屯是冬而雷伏也。復是冬而陽進也。其有與大象正對反對相尅者。多致身亡。若吉象。辭平理順。惟災而已。或有獄訟孝服之凶焉。

○厲潛夫釋先後天化工元氣之旨

先天主體。當依正經。參數消詳。順理則吉。逆理則凶。惟後天之卦。變化移易。理義不同。吉凶爻分。異途異位。所以後天有吉。豈可以不明先天。有化工元氣遇之。富貴榮華。忽換後天。失此化工元氣。福去禍來。尤宜加察。或有先天兩無元氣化工。爻辭與理居位。皆吉。無過溫飽。辭理爻位俱短。必貧賤。忽換後天之卦。元吉俱存乎中。貧賤中忽然富貴。得之若驚。如此消息。始知大易之數。與天地準矣。

○重論先後天納音相生之氣

假如甲寅乙卯水音生人。先後天二卦。如無元氣。若卦中得乾。或得兌。金體。是金能生水。便與元氣流行同。餘五行相生。倣此。

且如二月生人。安身在陰爻。若後卦安身。變陰爻爲陽爻。其理長吉可知矣。

○釋卦義

屯。是卦爲陰求陽也。屯難之世。弱者不能自濟。立必依於強以爲之主。故曰陰求陽也。勿用攸往。馬班如而自不進。蓋不得其主。無所憑也。初體陽爻處首居下。應其所求。合其所望。大得志也。

蒙。是卦陰爻亦先求陽也。夫陰昧而陽明。陰困童蒙。陽能發之。以暗求明之義。故童蒙求我。匪我求童蒙。故六三先倡。則犯於女戒。四遠於陽。則困蒙吝。初比於陽。則發蒙也。履卦曰履不處也。又曰履者禮也。謙以致禮。陽處陰位。謙也。故此卦皆以陽處陰爲美。臨此爲剛長之卦。陽剛勝柔。苟柔有其德。乃得无咎。故此卦臨爻。雖美莫過无咎也。觀觀之爲義。以所見爲美。故以近首爲尙。遠之无咎。遠爲童蒙。近於觀國之光也。大過棟撓之勢。本末皆弱。體已撓矣。而守其常。則見危而不扶。凶之道也。以陽居陰。拯弱之義也。故陽爻皆以居陰位爲美。陽處陰位無係應爲吉。陽得位有應。則凶也。遯。小人寢長。難在於內。亨在於外。與臨卦相對者也。臨卦剛長而柔危。遯卦柔長而剛退。遯以遠時爲吉。上九則肥遯。初六則厲矣。大壯。未有撓謙越禮。能全其壯也。故陽爻得以處陰位爲美。用壯處壯。則觸藩矣。明夷。爲暗室之主。至於上六初最遠之。故曰君子慎行。五最近難而不能溺。故謂之箕子之貞。明不可息也。三處明極。西征而闇。故曰南狩。獲其大首也。睽。睽者睽而通也。於兩卦之極。極睽而合。極異而同。故先見怪而後疑亡者也。豐。以明動之卦。尙於光輝。宣揚發暢者也。小闇爲沛。大闇爲薶。暗盡則明。明盡則星見。

以豐之爲義在乎惡暗也。

○論蹇解二卦

有人得蹇卦。蹇者難也。殊不知蹇終則解。損終則益。豈可不推詳哉。此卦內外有日月之明。藏離在中。春夏不利。秋冬甚佳。坎是冬之化工。離爲夏之化工。月明乎冬。日明乎夏。戊子己午。無一不利。名雖不利。理則佳奇。不明爻義。徒用名推。

○論否泰二卦

有人得泰卦。泰者泰也。其名甚佳。殊不知泰極則否。否極則泰。泰否之數。損益係焉。惟甲乙未申戌亥壬癸乾坤生二卦。人得爲吉。餘得之未妙。蓋泰有春秋化工。藏有震兌。否於四時全無所有。不容不熟參其議論也。

○損頭益尾

損卦宜六五爻安身。益卦宜六三爻安身。

○論卦名吉凶之變

否與泰反對。益與損盛衰。屯盈。坎陷。蹇難。夬決。蠱事。復長。泰通。否塞。剝落。隨喜。晉進。頤養。明夷傷。姤遇。萃聚。豐大。睽離。无妄灾。噬嗑食。大畜時。震起。訟親。歸妹終。大有衆。既濟。

定。未濟窮。下數內得如此諸卦。爻位當無不驗矣。柔遇剛決柔。觀時而察變可也。

○三才之道

立天之道。曰陰與陽。六爻五爻是也。立地之道。曰柔與剛。初爻二爻是也。立人之道。曰仁與義。三爻四爻是也。易有變動。本不拘於一。故能變而動。或剛或柔。或仁或義。或陰或陽也。

○月令非時論

兩儀未立。神用深藏。一氣運用。玄妙隱默。於是河龍負圖。洛龜負書。羲皇畫卦。仰觀俯察。別輕清。分重濁。判八卦宗旨之迷。根源未曉。若非一二三四五六七八九十之數。何以明之。考上聖之模範。爲百世之軌度。彰往察來。遍習研磨。不舍寸陰。學成此數。觀之者。可以經緯天地。探察鬼神。匡濟邦家。非賢明之士。不可與言始終也。學者潛心求之。庶得發明聖經之旨。而趨吉避凶之理。得月令非時之論。列之於後。學者觀之。庶幾有得矣。

春三月。正天施地。生物流行之時。陽數須宜多。不可過盛。二十五以上至三十五策。陰數須宜少。不可過弱。三十以上至三四策。方爲合宜。有火盛者。則木去生火。爲子孫

昌榮有金盛者。則木被金剋。而刑傷破損。有水盛者。則木從水養。而發生無窮。有木盛者。則木爲及時。而名位並隆。有土盛者。則木去相制。而諸事遲留。早皆不固。若辰月。則當令有土。不爲害也。

夏三月。正日中星火。景入朱明之候。陽數宜盛。二十五以上至三十五。四十五。五十五。不爲太過。陰數三十以下。少二三策。不爲太弱。有水盛者。則火被水剋。而頓挫孤別。有火盛者。則火生及時。而快利順達。有木盛者。則火由木生。而豪邁特英。有金盛者。則火去剋金。而殘忍蹇剝。有土盛者。則火去相生。而名利兩全。

秋三月。正萬物告成。金氣肅殺之際。陰數須宜多。不可過盛。三十以上至四十策。陽數須宜少。不可過弱。二十五以上至三四策。方爲合宜。有水盛者。則金去生水。而協力相濟。萬事有成。有火盛者。則金被火制。而勞苦傷害。有土盛者。則金賴土生。而利名顯達。有木盛者。則金去相剋。而憂愁乖戾。有金盛者。則金爲當時。而謀爲順遂。福澤寬洪。

冬三月。正陽氣潛藏。天地閉塞之時。陰數宜盛。至三十以上五六十。不爲太過。陽數宜少。二十五以下。少二三策。不爲不及。有金盛者。則水本金生。而光輝顯越。有木盛者。則水木相合。而志願克遂。有水盛者。則爲當時。而豐亨豫泰。有土盛者。則水被土制。而

貧愁困苦。有火盛者。則水去制尅。而動輒有悔。多殘仁傷義。已上得時順節。則妙。逆時背令。則無用也。又當參諸卦爻。以究其吉凶消長之道。庶幾有準而無差焉。

○釋卦合數合時爻位當否例

陰數盛。卦中陰爻值陰。月令居陰爻。順時也。女命得之。吉。

陽數盛。卦中陽爻值陽。月令居陽爻。順時也。男命得之。吉。

陰數盛。卦中陽爻多值陽。月令居陽爻。逆時也。

陽數盛。卦中陰爻多值陰。月令居陰爻。逆時也。

男子居陽令。位在陽爻。得陽數。順也。

女子居陰令。位在陰爻。得陰數。順也。男女反此。爲逆數也。

男居陰。月令居陰爻。得陰數。其當時得勢。爻有援辭。吉。須男子居之。亦有富貴者也。

女居陽。月令居陽爻。得陽數。其當時得勢。爻有援辭。吉。須女子居之。亦有富貴者也。

此天地四時之理。大概以時而觀吉凶。應時以知動靜。

男子行陰。月令居陰爻。主心氣柔弱。而事無始終。

女子行陽。月令居陽爻。主心性剛強執拗。志過丈夫。

經云。順時者昌。逆時者亡。順時之卦。合時之爻。得時之令。又爻辭吉。卦名佳。得位有援。此富貴雙全之命。逆時之卦。反時之爻。背時之令。又爻辭凶。卦名不佳。失位無援。貧賤乖舛之命。易曰。列貴賤者存乎位。齊小大者存乎卦。辨吉凶者存乎辭。信哉。○陽弱有援。陽雖弱而居陽。月令立陽爻。主有將來之榮。始雖不利。卦名爻辭俱吉。則晚貴也。○陽爻無援。陽既弱又居陰。月令立陰爻。主一生貧賤。永無發達。更卦爻名位凶者。賤而天。在陰令則無妨。當以陰爻辨之。○陰弱有援。陰雖弱而居陰。月令立陰爻。主有將來之福。始雖不達。卦名爻辭俱吉。則晚秀。婦人得之主爲命婦。○陰弱無援。陰既弱又居陽。月令立陽爻。主一生貧賤。永無發達。更卦爻名位凶者。賤而天。在陽令則無妨。當以陽爻辨之。○大凡陽弱陰弱無援者。但陽正居陰令。陰正居陽令。則先窮後利。或陽正居陰爻。陰正居陽爻。則利重名輕。若陽居陰月。又值陰爻。居陽令。又值陽爻。則主貧賤不利。大抵消息。惟在四時。難乎一槩而論也。

○有悔

陰數盛。陽卦中陰爻多。又值陰令。立陰爻。是日有悔。主人貧夭不達而死。

○有尤

陽數盛陰卦中陽爻多。又值陽令立陽爻。是曰有尤。主人災厄形體傷破。若陰陽俱平。依卦中吉凶斷之諸數。惟此數爲最吉凶無差。蓋自大易原委中來。由聖人肺腑中出。不容一毫之僞。其數極定。但恐時有不定耳。如流年禍福不定。當於上下時窮之。蓋冬夏之日夜有長短。爻氣有淺深。不在上卽在下。斷之無一毫差忒。此數一依於易。予病其不易。故作二數以扶翼之。但乘除之內差異耳。事事物物皆存六十四卦。惟人得其正。莊子謂天地與我並生。萬物與我並育。只此三百八十四爻。夫貴賤不同。所受不等。如貴人得一吉爻。卽亨通得志。賤人得一吉爻。只可快意而已。有如霖雨大沛。江湖溪澗。鼓舞澎湃。皆朝宗於海。瓶罌之器。不升斗皆盈。欲以罌瓶而比滄海。決無此理。胸中非有成易。未易言數。畫義不明。何知變通之道。所以互換之機。識者眞少。况正伏參互。四體八體。否泰損益。反對有無。時行時止。動靜陰陽。剛柔取舍。抑揚成敗之理。倘能知權。宜別休咎。識輕重。則百發百中矣。

○論所得卦數吉凶

參天兩地而倚數。觀變於陰陽而立卦。窮理盡性。分割剛柔。蓋自冬至以後。雨水前。至

三陽開泰之時。除天數二十五之外。有奇數之餘。卽君子之合象也。如是偶數。是舍君子。從小人。則斗筭之器。不仁之徒。詭譎奸貪。遇陽年犯時之忌。逢陰盛。必遭兇殘。天橫之禍。死無疑矣。有二四者輕。六八者重。蓋二爲坤。縱有殺。尙存慈母惜子之心。憂民之志。異者順也。入也。有隱忍之心。未爲甚害。六爲乾者健也。剛明決斷。治諸子而無忍。遇陽年陽令。犯之者。必主刑傷之禍。重者主兇橫。八者爲艮也。艮爲止也。則有執法嚴亢之威。必有爭鬪配隸之兆。不然。亦有自縊跌蹶之凶。又恐非橫之咎。暴傷之禍。值此凶者。十有九驗矣。自夏至以後。處暑以前。三陰漸長之時。除地數三十之外。得陽零數者。其禍害之來。亦如前例。但九七者輕。一三者重。蓋一爲坎。坎者陷也。主陷害於人。又爲心病。多憂慮。主血疾。以曲爲直。主多災眚。三爲震。震動也。陰盛之際。小人羣陰。欲想犯分。視死如歸。豈可與之爭鬪。主雷震之禍。如至秋分後。九月十月。惡死橫兇之災。手足股肱。不能保全。犯此數者。凡事宜尊重。恐小輩侵凌。謹避爲吉。七者兌也。兌爲悅。多巧言令色。而懷不仁之心。必有口舌毀折之患。兌正秋也。乃小人寢長。君子退避之時。豈不無反唇弄舌。情僞相感。而利害生乎。九者陽之亢也。值老陰之令。常有剝廬之心。不可與之交處。中有小人害君子之象。多凶少吉。

○大易數妙義

夫大易之數。則陽奇陰偶也。奇則隻。偶則雙。是故陰陽也。繫辭云。天一。地二。至天九地十是也。此數大而天地小。而微塵兼該物理。總括萬情。雖根莖無所不包。卽此數也。成變化。行鬼神。辨四時。理萬物。實與天地同流。雖聖人之道。亦不外乎此也。察安危。知存亡。分窮達。隱奧深匿。無不洞見。以是數辨人厚薄之分。則天下後世。可以前知。孔子曰。不知命。無以爲君子。此之謂也。詳推此數。凡一二三四五六七八九十之數。乃天地四時節氣也。夫天地四時。氣有清濁。有咎有祥。與其吉凶悔吝。當與不當。不容一毫之妄。惟其所得之數。當則萬事隨心。千祥羣集。如其不當。則萬變交生。有無一遂。若所生之時。一順天地四時之節氣。而又成卦。立交之時。皆當。則富貴榮華。名位祿壽定矣。若所生之時。一失天地四時之節。而又成卦。立交之時。不當。則貧薄困苦。愁戚悲哀定矣。所以謂之天命也。經云。天命已定。鬼神不能移。是之謂分定故也。分之既定。則天地不能移。而況於鬼神乎。況於人乎。況於機巧乎。

○論應其時合其用

凡人之生時居位。謂之元堂。入滋元氣之域者。蘭省登科。事事省力。仕路亨奮。官爵崇

高權勢重大。富貴顯達之人。若爻不佳。辭危不順。亦有富貴。但有漏溢高危之咎。或如爻位既佳。辭平而理又順。則爲清顯廊廟之貴。達人亨士必矣。非獨正體得之爲佳。互體得之尤貴。蓋得之互體。有不期之遇。適然機會。或橫發而驟成。得其時。應其用。有不可量而升進矣。雖不得時。不應用。亦必發達。但不能遠大而已。得時者。如壬癸在冬。甲乙在春。定應其用。合其時。所宜者也。合時之宜。謂辛人得巽。在春夏爲長養萬物之風。庚人得震。在春夏爲濟時動物之雷。奚有不悅者哉。若在秋冬得之。則知其不應時也。餘象依此斷。若認爻畫不眞。故難知此。斯其所以爲應其用。合其時之所宜。若更辭佳位當。有援衆宗。未有不顯貴者也。有人得乾卦而居九二之爻。壬甲人得之。莫有不悅。若在春夏之時。於辭云。見龍在田。所謂理吉。應其用也。若夏至後。後天變九二爲離。出乾之外。則是以九二之臣。明德之士。出而輔君。得大有爲之勢。必成伊周之功業矣。其貴顯可知。况夏至之後。生人離爲正。伯斯人心運帝王之籌策。代天宏化。秉鈞持衡。貴顯極矣。有人得坤卦初六爻。乙癸未申人得之。未有不佳。若生冬春之時。則乙春癸冬。爲元氣得時。辭云。履霜。堅冰至。及斯時也。冰泮霜消。有漸亨之美。是知辭雖不佳。理自有益。不失爲顯貴之命。若後天變坤。初六出外爲雷。雷地出奮。則知履霜堅冰之漸外。

而飛奮爲豫悅之主。則必有舜禹伊周之業。貴顯未可量也。況震乃春之化工。互坎爲冬之正伯居位。爲衆所宗。是人君薦賢於天爲天子者矣。非明易理。奚知之哉。出此所以知天地之爲化工之所施。豈在夫爻辭也耶。得非一時之制。可以反爲用者。又知春夏之時。得此尙矣。又有人得坤卦安元位。正在初爻正月節氣內生者。其辭云。履霜堅冰至。于象曰。履霜。陰始凝也。馴致其道。至堅冰也。于辭不佳甚矣。然值正月三陽開泰之時。而在履霜堅冰之地。陰凝寒凍。非佳也。及先天卦定。變後天之卦爲豫九四。震聲一發。冰解凍消。冲融和氣。正合正月之令。設施號令。振榮萬物。其功大矣。爲大有猶豫之臣。卽羣陰之表。衆爻宗之。高下歸之。非貴顯之士而何。其先後天變化之妙理。豈人力所能爲哉。況先天坤卦曰。地道也。妻道也。其卑可知。又爲冬令。乃遭冰霜之苦。乃變後天爲豫。奮然亨發。自卑而尊。自貧而富。自愚而賢。由是觀之。舉一卦而六十四卦均矣。有人得剝卦六二爻位。辭云。剝牀以辨。蔑貞凶。己丑生人。四月得之。不佳甚矣。及後天變剝六二爲坎水出成蹇。以四月之節得蹇。宜無可喜。不知升剝六二出外爲蹇。九五。大蹇朋來。是爲互離。離者日象爲君。况離有日之明。又己人乃離元氣。於君主眼目異顧之賢。坎離亦爲消長之柄。又丑人有艮元氣在內。持成始成終之操。蓋艮爲手。故

操柄也。斯人未有不近清光。異日之貴。乃執消長之權柄者也。豈由爻辭云哉。但觀其變化動止何如。斯可以知其人貴矣。由此觀之。則知卦畫中變化升降。有至奧至妙之理。體認爻辭。卦畫不熟。能知其至者。亦罕矣。大抵在乎深察熟辨爻畫之真。則天地之廣大。化工之巧妙。不難知矣。斯聖人不傳之奧妙。正在此矣。學者深明乾象。則可與言終始矣。夫化工正逢之與互德。皆爲福德。不可不知。又有始得終失。有終無始者。其福亦減半。又且化。工爲本命之象。則必以優。又有獨得化工正伯者。但隨輕重言之。而變化之理。本於自然。不容苟得。又有破元氣爲化工者。此自然之理。惟在學者深求之。與天地同流。則吉凶無不驗矣。非天下之至機。其孰能與於此。

○論天數二十五

天數屬陽。惟利男子。喜值陽爻。夫男子受天之陽氣數而生。所生之時得天數。則爲富貴之根基。男子以陽爲主故也。凡男命陽數多而陰數少。無不爲福。易曰。陽貴陰賤。陽爲君子。陰爲小人。陽尊陰卑。故男子得之爲利。女子得之爲不利。經云。小人而乘君子之器。盜思奪之。女子乘之。未聞有不敗者也。然利於陽者。自十一月冬至後一陽生。至四月終也。

○論地數三十

地數屬陰。惟利女子。喜值陰爻。夫女子受地之陰氣數而生。所生之時得地數。則爲福澤之本源。女子以陰爲主故也。凡女命陰數多而陽數少。無不爲福。易曰。地道也。妻道也。臣道也。故女子得之爲利。男子得之爲不利。經云。陰凝于陽。必戰。戰必傷。故稱血焉。男子犯之。遭刑下賤。事多勞碌。身處艱難。未聞有佳者也。然利於陰者。自五月夏至後一陰生。至十月終也。

○論天數至弱

天數二十有五。正得四五六七八之數。謂之至弱。斷曰。陽數不足。男子不宜。艱辛多。歷事苦多。爲少年碌碌。眷屬睽違。心志卑役。動卽成非。或僧或道。或吏或卑。陰令可幸。陽令非時。陽極則天。陽淺則虧。陰極合節。陰淺須危。陰凝有戰。斯理可悲。男爲盜賊。女爲娼尼。

○論地數至弱

地數三十。只得八九十十一十二數者。是謂至弱。斷曰。陰數至弱。女子不堪。幼無父母。六眷難安。不得其家。或處卑寒。夫宮屢剋。子媳尤難。慳貪不已。處已無寬。壯年虛度。晚

歲孤單。樂則生疾。憂慮多般。患難頻歷。至死無間。陽極尙可。陰盛凶焉。

○論天數不足

天數二十五。如得九或十一二十三十四十五十六至二十四數者。謂之不足。過九是陽之一策。十八已下。爲一策之餘。十八已上。爲二策之餘。須六不足。卽非至弱之比。猶可庶幾也。凡陽數不足。男子得之多損福壽。當先喪父。陽男尤驗。陰女同論。

凡不足之數。亦當看時令之消長盛衰何如。十一月一陽生之時。陽數至弱。理所當然。十二月二陽生之時。陽數不足。理亦當然。是謂合時之宜。吉凶悔吝。何自而生。若三陽交泰之時。陽氣上升。陰氣下降。君子道長。小人道消。萬物發榮。當此之時。若陽數不足。而反至弱。則非所困而困焉。名必辱。非所據而據焉。身必危。是行止非時。動靜非節。凡百機會不投。何所倚恃。若成卦居爻。無援及犯忌者。碌碌貧賤可知。位居不當。而復乘剛。則必遭刑憲橫天。又當求小象參詳可驗矣。

○論地數不足

地數不足。得十八者。是謂不足。如得三策之餘。十八數已上。與至弱之數少差而已。大抵此數。女子得之。福力必減。若子午卯酉日時而生。必主尅母於童稚之年。或父老母

少偏生別土。存養他人。轉育遠鄉。六親疎絕之象。夏至後。立秋前。三陰未盛。則隨時合節。福壽自如。秋分以後。必至夭折。亦必失時淺蕩之人也。凡百不足。又安有全心足意之美。當先喪母。陽男尤驗。陰女同論。〔訣曰〕不足之數亦堪咻。事既成時不到頭。滿溢高危深可慮。是非相絆卒難休。望多得少因茲數。廣求不稱乃其由。每知不足因地數。仁義成乖恩變仇。

○論陽數太過

凡時月合少而多。謂之太過。四十已上。至五六十者。三月至四月生者。無妨得之非時。失之于亢。卽乾之上九。亢龍有悔之象。亢而非時。動靜有悔。當有兇殘天暴之事。值之者必致謹焉。

○論陰數太過

地數三十。必得五六十已上者。皆謂之太過。履霜堅冰。此時天寒地凍。當有屈伏斂肅之象。犯者至刑傷亂。少得善終。如十一月前十月。立冬後未交冬至之前。却爲無害。蓋陰令極盛。與時偕行。又得卦名爻位。吉理有援。居體不入陷地。必至官榮位顯。〔訣曰〕陰陽至太過。過則百事傷。性暴應多狠。福去有餘殃。未滿先添溢。方高危續張。患難時

時至驕倨總難當。狼戾多奸狡。浮躁性剛強。行輕招怨誹。言過恣強梁。

○論得中數

凡陰陽二數。貴合乎時令。而多寡無偏勝之疵。是謂之得中。兼以爻位皆當。則百無不利。而未有不富貴者也。〔訣曰〕爻位名體吉。勢援理優長。爻時數合節。辭理十分良。富貴簪纓列。赫奕自非常。官榮位更顯。撫衆必登堂。

○論三等數與時損益

陽數不足。自十一月冬至後。至正月雨水前。此時陽氣方生。理當不及。陽數得中。自正月立春後。至二月春分前。此時陽氣方亨。理當得中。陽數太過。自三月清明後。至四月小滿前。此時陽氣至壯。理合太過。

陰數不足。自五月夏至後。至七月處暑前。此時陰氣尙微。理當不及。陰數得中。自七月立秋後。至八月秋分前。此時陰氣方長。理當得中。陰數太過。自九月寒露後。至十月小雪前。此時陰氣極盛。理合太過。

凡所生之數。當與時偕行。時益則益。時損則損。月令所值。合多不得不多。合少不得不少。合多而少。名曰不及。合少而多。名曰太過。少而不至於弱。多而不至於強。此爲得中。

也不及之數。主一生百凡不足。太過之數。主一生所爲剛亢。得中之數。必主自然之榮。是以過與不及。皆不若得中爲妙。如數得中。又應時合節。卦名佳。居位當。有援得勢。辭吉。理優。富貴之士。若徒得中而違時背理。乃貧乏下賤之徒。天橫凶頑之輩。其有妄合苟合之數。爻居不當。吏儉之輩也。失位傷時。僧道之流也。困於爻辭。鰥寡孤獨也。數得中。卦名佳。爻辭雖凶。而理吉。亦必八座之貴。但少嗣續而鮮克有終。無援而位不得勢。當居鄉監。其數或至於不及太過。然居位得體。爻得其勢。理又優長。卽曹省署。耶持節。執麾。若無援勢。居位不當。則碌碌常貧。難脫選調。若見一吉一凶相半。得苟合人臣之位。外此十件得一二者。乃一二分福也。

○論不及太過得中

按陽數不及。在十一月冬至之後。十二月大寒之後。此時陽氣未健。而得陽數不及者。宜然也。太過者。陽氣乍至而先盛。謂之暴至。勇來未免有剛折過差之慮。若三陽交泰之後。陽氣有餘。而陽數得其中和之道。謂之中節。若陽數反弱。是謂屈而不伸。何能奮發。若三月四月夏至之前。陽氣極盛。陽數雖多。不爲太過。蓋當時合節矣。得中次之。不及又非可喜之數。未有陽當盛而反以不及爲佳焉。更加爻位辭理無援。則非有福之

人。爻辭縱得福亦減半矣。

按陰數不足。在五月夏至之後。六月大暑之際。此時陰氣未盛。而得陰數不及者。宜然也。太過者。陰氣初至。而先強。謂之驟至。卒臨。未免有柔惡損弊之虞。若三陰漸長之後。陰氣有餘。而陰數得其平施之道。謂之中節。若陰數反弱。是謂懦而不振。何能興起。若九月十月陰氣極盛。陰數雖多。不爲太過。蓋當時合節矣。得中次之。不及亦非可愛之數也。未有陰當盛而反以不及爲愈焉。更加爻位辭理無援。卽非有福之人。爻辭縱得福亦減半矣。

○論孤陽不耦數

天數二十六以上。至四十以下。餘不耦數。陰數只得三十是也。乃陽數有餘。陰數無餘。〔訣曰〕孤陽不耦。本非宜。值者刑妻及害兒。女犯刑夫。更傷子。若非遺腹定孤兒。更有陽爻陽極亢。剛強好辯。是和。非人情。寡合多招怨。浪語狂言。少定期。女子悍淫無婦道。男人鬪狠暗瞞欺。貴賤賢愚均一理。陰違陽極愈乖違。陰爻陽令方爲順。爻吉辭安福壽奇。

凡孤陽不耦之數。有陽無陰。是謂陽太燥。萬物枯槁。如歲旱之狀。似有君無臣。有夫無

婦所以乾之上九亢而有悔也。又云。陽無陰不生。陰無陽不成。生成之理。必藉陰陽。獨無陰。則不生也。得此數者。多至損妻尅子。性多剛燥。好辯是非。女命犯之。操略過於男人。悔吝之招。無所不至。若有陰爻。方爲不亢也。

○論孤陰背陽數

地數三十二以上至五十六以下。餘耦數。陽數只得二十五是也。乃陽數無餘。陰數有餘。〔訣曰〕孤陰背於陽。富貴豈無殃。男子遭妻抑。婦人主夫亡。若非孤獨漢。亦合在離鄉。陰無陽作主。女子守空房。福至終難穩。安榮未必長。陽爻男曉達。陰令女尼媼。爻辭位不吉。安得顯忠良。男子得此數。凡百少安康。夫孤陰背陽。乃陰凝之象。卑弱太柔。陰極之數。霜雪嚴凝。蟄困不伸。所以坤之上六。其道窮也。積陰之數。無陽不成。主損夫傷子。刑害重重。男子得之。多虛少實。見聞寡陋。窒而不通。甚至鰥孤淫亂。若有陽和。方得福矣。

○論孤陽自耦數

天數至三十四五十。地數只得三十是也。〔訣曰〕孤陽自耦也。勞神自立。應難得六親。壯歲艱辛。勤苦後。晚年得勢始榮新。男兒起自卑。微顯。女子從卑漸貴身。陽令陰爻。

多顯赫。陰爻陽令吉凶顯。

凡孤陽自耦之數。本無陰以應之。而陽極自生其陰。是謂陽極陰生。卽剛亢反和之象。此數若陰令生人。多是先難後易。先貧後富。先微後貴。有後無前。六親先離後合。在辰戌丑未時。必尅父於幼年。自孤苦勞。若爻位吉。得時援。辭體優長。必主橫發。必獲妻財。女子得之。必當再嫁。

○論孤陰向陽數

天數二十五。地數得四十至六十是也。〔訣曰〕孤陰獨向陽。令人好是非。妄語不堪信。行短豈宜。狡猾無仁義。憑托必瞞欺。有陽多改過。陰多竊盜隨。女則爲娼妓。男多配徒宜。陰陽相允合。歲晚見光輝。男子猶云可。女子最非宜。若人得此數。未必肯循規。孤陰向陽之數。本無陽以應之。而陰極自生其陽。是謂陰極陽生。卽寒谷回春之意。此數若陽令生人。多至橫發偶成。所獲之財。有小往大來之意。亦主六親孤隔。自成自立。女子得之。恐有奔求之意。蒙卦云。見金夫。不有躬。無攸利。是也。若居陰爻生於陰月令。女子不妨。若居陽爻。生於陽月令。主淫亂風聲。

○論陽偏數

天數二十有五。只得四五六至二十四。地數有三十是也。乃陽數不足而陰數足。此之謂有陰無陽。利女子而不利男子。合大過九五爻是也。枯楊生華。老嫁少夫。亦可醜也。得之者有福無壽。有官無權。有妻無子。有子刑妻。事多勞碌。卦吉爻佳。則爲庶幾。爻凶位失。大凶人也。悖逆起而得震驚之禍。險危之厄。〔訣曰〕重濁輕清禍福微。喜中生怒是和。非名虛利失全無益。福壽妻兒必不齊。男子遇之貧且夭。女人得此尙依稀。陰令得中尤可喜。若生陽令必孤睽。

○論陰偏數

地數三十。只有十八至二十八。天數有二十五是也。乃陰數不足而陽數足。此之謂有陽無陰。利男子而不利女子。合大過九二爻是也。枯楊生稊之象。陽月令得之。多致富貴。陰月令得之。多致貧賤。爻位卦名。不作貧甚之命。〔訣曰〕陽數輕清氣自全。不欺陰耦。獨私偏。男人得此刑傷母。若不刑傷禍患牽。女子犯之須不尅。恐他婚嫁不當年。陽令得之多富貴。陰令逢之百禍纏。

○論以強伏弱。以勢凌民。

如天數三十四五十之類。地數三十以下是也。若逢陽月令則不妨。逢陰月令頗至。

恃勢致凶之象。蓋陽勝陰。本理也。若勝之以理。則民服其治。若勝之不以理。則必恃亢。有此者。雖貴而富。不善終也。〔訣曰〕陽道真君子。勝陰乃治民。逢之無不貴。爻吉廟堂人。陰令如逢此。以勢下於民。爻辭而失位。暴敗也。須貧。

○論以弱敵強。以暴犯上。主於滅頂。

地數三十至四十五六十以下是也。天數只得二十四是也。乃地數太過。天數不足。陰月令逢之。尚可。陽月令逢之。必至滅頂之凶。所謂小人而犯君子。陰順陽困是也。〔訣曰〕陰道爲民下。何堪得勝陽。勞而無寸益。福祿亦難昌。陰令憂危少。陽時有大殃。爻位俱不吉。斬戮在邊疆。

夫一君而二民。君子之道。乃天理也。今反以陰勝陽。下豈容罔上。臣豈容犯君。斬戮無疑。或爲強梁。爲悖逆。甚則爲竊盜。若在陽月令。甚爲可憂。更爻位體理無援。卦名多乖。此禍必及。若在陰月令。爻位體理有援。則任勇武之職。有聲權。或爲健訟濁富之徒。

○論安和自寧數

天數二十五。地數三十是也。乃天地二數。無餘無不足。〔訣曰〕二數無餘無不足。禍不深兮。福不偏。爻位名佳。多富貴。定須遐邇具民瞻。

此二數平和。爻位卦名俱吉。有援合時得體。主富貴榮顯。出羣拔萃。如爻位卦名俱凶。無援失時。亦主安逸良善。斷非兇惡者也。

○論天地俱贏數

天數不滿二十五。地數不滿三十是也。乃陰陽二數俱弱。〔訣曰〕二數俱贏不固堅。須知名利不能全。有官難顯福難尋。又恐天年不久延。

得此數者。主心志卑隘。作爲淺陋。或刑官剋剝。利己損人。男多爲僧道。女多爲尼妓婢妾。若爻位卦名值吉。得時有援。尙可立卓。但忘恩失義。自厚奉養。而不顧人情。非天理也。若爻位無援。失時犯忌。卦名凶。必是配隸之徒。或乖戾天橫。困苦貧窮。而難存活者也。

○論陰陽戰勝數

天地二數。俱多清濁相半者也。〔訣曰〕陰陽相戰必然傷。二親兄弟尅離鄉。妻子難全財不積。人事浮沉福繼殃。貴者遇之多毀折。富人值此訟難防。爻位不佳軍吏輩。爻佳位當却爲祥。

大抵此數得之。皆非全吉。陰陽相戰。則彼此有傷。陰凝于陽必戰。陽勝于陰必亂。戰亂

相會。又安得爲美乎。

○五命得卦

金

〔金〕庚辛申酉〔乾〕旺氣主富貴。〔坎〕浮沉之象。禍福相繼。〔艮〕隱山遁林。雖爲益氣。亦韜光斂彩。〔震〕金入財宮。動而得志。〔巽〕冷風瀟瀟之象。秋冬喜遇。春夏惡之。〔離〕爲尅體之區。先達後窮。〔坤〕抱母從源。多獲福慶。〔兌〕得地之卦。

木

〔木〕甲乙寅卯〔乾〕爲陽健。木盛花繁。多虛少實。〔坎〕陷其根。非可大可久之象。〔坎〕者生育之宮。〔艮〕木人所得。必須合時爲佳。春夏吉。秋冬不利。加風尤甚。〔震〕木類相宜。處身榮華。動作無乖。〔巽〕動搖根枝。〔離〕損其芳榮。〔坤〕根壯而固。有待而發。成功不速。陰數須多。則不達耳。〔兌〕正秋也相。

水

〔水〕壬癸亥子〔乾〕水之發源。抱本從原。無勞碌之苦。〔坎〕山宮也。或行或止。吉凶不定。〔艮〕山下有險。爲巨壑流寒之象。〔震〕水東流。勢極動而不清。〔巽〕風起波浪。秋冬。

可畏〔離〕戰尅相殘。或成或破〔坤〕水順地勢。潤下不逆〔兌〕水之來源。意與源同。

火

〔火〕丙丁巳午〔乾〕起炎好上。光明超越。爻吉則非常人〔坎〕明暗相攻。或消或長。或短或長。反覆之象〔艮〕火焚棄。有木引燄。益已損人〔震〕動火焚燿。動則不久〔巽〕因風以致燎原之象〔離〕炎上大盛。多虛少實。烟焰氣多。喜怒無厭。外奸內虛〔坤〕火抱陰。兩情相得〔兌〕爲疑爲惑。以離位而遇西方之體也。

土

〔土〕戊己辰戌丑未〔乾〕喜怒相參。吉凶各半〔坎〕缺陷而不高厚。復陷之象〔艮〕土成山嶽高厚之勢。生於辰戌丑未月。富而且厚〔震〕傷木益彼。勞落多凶〔巽〕揚塵簸土〔離〕水土相資。陰陽氣備。福不輕薄〔坤〕此爲土實。厚德有物。得之可居侯牧〔兌〕同乾理。

大抵五行有宜與不宜。合時當理爲尙。而爻辭未可爲據。雖辭吉而理有凶者。雖爻凶而理有吉者。無窮妙義。盡在其中。故一卦能變六十四卦。有四體八體奧妙。最爲緊要。若止泥爻辭爲定禍福。猶如萬里之遠。必要四體八卦常在目前。非詳於易。有未易見。

也。乾坤二卦。六爻俱純。自無難見。至如六爻之卦。渾乾坤爲體。剛柔迭用爲象。則變動不居。其情義之妙。周流六虛。如四體八體。不寓目前。不居心內。則難明矣。焦延壽云。一卦有六十四卦。共有四千二百四十卦。而配入十二月。有五萬八百八十卦。而爲一年卦氣。若配入三百八十四爻之中。是有五萬七千六百三十三百八十四爻。若十年至六十年。一千九十一萬一千四十一。其義可謂無窮。故一卦有一義。一爻有一理。一時有一用。吉凶由是而生。悔吝由是而著。豈有一毫之妄。要知無窮之妙。曉然明白。則不違天地四時化工之妙。固當熟認深詳。推至五行互體不足。遂及變。變不足。遂及卦。畫爻義既明。則吉凶悔吝。安危存亡。舉皆知矣。

管輅曰。易有天理。義理。物理。至理。天理廣大。無所不包。義理明白貫通。然物理深邃。辨析當然。至理無窮。報應有準。以此四理。順人性命。洞達聖經。易道大著矣。

○論互體四體八體

假如前例。有人得漸卦。內艮外巽。是艮在下。巽在上。以正體言之。艮巽而已。以四體言之。則艮有伏震。巽有伏兌。以八體言之。九五。六四。九三。互離。六四。九三。六二。互坎。全體對歸妹。移漸之九三出外成否。移歸妹六三出外成泰。是有八體存焉。不深明卦之體。

畫者未易曉也。一卦而具四體八體之妙。又變歸妹與漸十二爻。六十四卦備矣。

○論卦變爻變

乾者健也。天也。爲金。爲玉。爲六白。爲員。爲駁馬。爲士夫。爲龍。居西北方。戌亥之地也。主人性氣剛強。規模廣大。頭額方員。操略洞明。多主英烈之賢。玉潤冰清。精神堅爽。初九曰。潛龍勿用。主人執事多悔吝。奮進退。勞碌汨沒。少得賢明。難得清顯。變爲風天。小畜六四。必主血疾手足之厄。若夏至之後。冬至之前。巳丁酉辛辰巳生人。得之爲佳。餘命主疾。而有折腰之患。九二曰。見龍在田。利見大人。君子得之。胸襟瀟灑。仁義忠信。豁達高明。風姿俊敏。後天變離在外。爲大有之六五。曰。厥孚交如。吉。夏至之後。冬至之前。巳午丁酉生人。得之。必當榮顯。躋公卿大夫之位也。餘得之者。亦能發福。九三曰。君子終日乾乾。夕惕若厲。无咎。主人惻隱知幾之士。剛明英賢。主大貴。有滔天之福。祿位並隆。變後天值夫。上六曰。无號。終有凶。若丁酉生人。秋分後得之。必英烈威顯。廊廟之人也。餘得平常。應遭刑傷。多有毀折。九四曰。或躍在淵。无咎。是重光相遇。上下無常。陰陽多懼。必有因循之咎。无妄之災。時雖貴顯。亦多險難。或因跌蹶。車馬爲傷也。後天變姤。初六爲一陰之主。五陽衆宗。若辛午辰巳生人。在夏至之交。未有不貴者也。此乃監卿耶。

佐之命。九五曰。飛龍在天。利見大人。君主之位。大人之辭。少年俊逸。利達名顯。心純貌美。內外洞明。超羣拔萃。權剛重大。聲音響亮。氣槩宏遠。世間人莫。後天變爲同人六二。巳午生人。若夏至之後得之爲佳也。餘得之者。平常富足。上九曰。亢龍有悔。貴而無位。亢極則動而有悔也。其人性氣剛勇。偏急少情。人多怨謗。有官無權。有夫無婦。有子無妻。主帶頭目疾損。後天變履之六三。履虎尾。咥人凶。冬至後。夏至前。巳午丁酉生人。得之不失貴位。但有高危滿溢之患。亦難全其福矣。餘得之者。竟爲不吉之數。震爲雷。爲木。爲的類。爲鼻足。爲大塗。爲長子。爲龍。居東方。甲乙之炁也。震驚百里。主人聲音響亮。大驚小怪。相貌骨格。或立性異常。易嗔易喜。多不耐心。或營謀商賈。或遊蕩江湖。春夏乃貴。秋冬不利。初九曰。震來虩虩。笑言啞啞。主人有威權。爲衆人所懼。應事接物。先難後易。春分之後。庚卯生人。得之富貴雙全。清顯之士也。變出後天復之六四。中行獨復。以從道也。雷聲入地。不爲佳也。壬癸未申生人。得之却爲美也。乃聰明之士。巨富之人。六二曰。震來厲。乘剛也。主人有威冒妄。心係所欲而不忍。陷虎口而不知避者。若春分之後。庚卯生人。得之必貴。餘得之者。碌碌庸才。足腹心疾。少全清節。變出後天隨之九五。曰。孚於嘉。吉位中正也。若丁酉生命之人。秋月得者。必有仁人之儔。在巽爲長養之。

方。秋分見之。兌爲科甲。丁酉得之。主爲濟世救物之君子。匡時輔世之英賢。庸有不達者乎。六三曰震蘇蘇。位不當也。處位不當。於理不順。主人多妄求苟合。虛僞不實。春分之後。却爲科甲顯赫之人。庚卯命得之。福祿滿盈。餘者變出後天噬嗑之上九曰。荷校滅耳。聽不明也。夏至後生人自生。逢凶反吉。餘者應獄訟口舌。秋分之後。冬至之前。多是斬戮囚禁死者。斷無吉祥。若有孤貧目足之疾。方可解也。九四曰震遂泥。未光也。位居一陰之中。爲上卦之主。若冬至之後。夏至之時。爲富貴明達之士。機謀深遠。處事難以測度。變出後天豫卦初六曰。鳴豫凶。辭名雖不爲佳。秋冬得之。雷乃發聲。乙癸未申生人得之。施爲奮發。福多優恬。餘命不佳。六五曰震往來厲。危行也。在於無援之地。主人性剛。雷霆空霹靂。雲雨竟虛無。心狂膽大。處事不成。作計從謀。更招殃禍。若庚卯命得之。及夏至之前。冬至之後。雖顯煥發福。亦主有疾。防子息之刑尅。變出後天歸妹之九二。眇能視。未吉也。秋分最貴。夏得可喜。春爲甘澤。冬極乖張。非貧則夭。上六曰震索索。視矍矍。崇高無不達。變後天豐之九三曰。豐其沛。折其右肱。不可大事。春夏則凶。戊子己午生人爲益。餘得之。耳目手足之疾。獄訟之災也。舉此二卦。升降變化爲例。引而伸之。宜仔細詳究。無窮之奧。不易之理。可識也。苟學者精思一毫之分。千里之隔。則人

命不差。報應如響。

○論貴顯變化順時格

乾爲馬。嘶風格。午生人。○坤爲牛。悖風格。丑生人。○艮爲狗。爲虎笑風格。戌寅生人。又曰。

春夏秋冬安居位。當看何爻弄風也。又云。虎飲大澤格。又云。虎飲清泉水格。在下爲地澤。

清泉地。最要看何爻飲泉。恐遭陷穽險折之地。又曰。猴飲天泉格。

巽爲雞。曰。附鳳乘風格。又曰。衝天格。酉生人。○震爲龍。曰。雲從龍格。辰生人。又曰。龍躍。

天門格。又曰。雲附青龍格。甲辰飛龍。丙辰潛龍。戊辰見龍。庚辰淵龍。壬辰亢龍。○兌爲澤。上爲天澤。下爲地澤。酉生人。

又曰。天澤承恩格。○離爲雉。曰。朱雀面君格。午生人。○蠱爲虎弄風格。寅生人。

益爲魚化龍門格。辰巳生人。○坎爲豕。曰。玄武當權格。亥生人。○鼎爲馬嘶風格。午生人。

○遯爲馬嘶風格。午生人。○蒙爲虎飲清泉水格。寅生人。○升爲牛悖風格。丑生人。○姤。

爲馬嘶風格。午生人。○觀爲牛悖風格。丑生人。○革爲虎變風從格。寅生人。

○論時令定數

巽爲魚吞舟。魚吞象。蛇格。春分後巳。○中孚爲鶴鳴九臯格。秋分後吉。○恒爲魚化龍門格。

又曰。龍奮天池。三月春分後子時辰。○解爲玉兔翫蟾格。卯生人。雲從龍格。卯辰生人。離子。

己丑生人七月八日神龜宿火格。○坎前生人癸亥生人春分玄武當權格。○大有未生人時生居二陰交名神龜宿火格。○需八月生居九五交日太陰升天格。○夫丁酉時生居八日生居太陽當天格。○天澤承恩格。又曰化鳳面君格。又曰翔天鸞鳳格。又曰衝天格。○屯冬至後生居六日。○兔翫銀蟾格。庚辰三月龍躍天池格。又雲附青龍格。○比居二五爻曰玉兔翫時居九兔翫銀蟾格。生者名曰龍躍天池格。又雲附青龍格。○月格。得地也。又名曰猴飲天泉格。○漸合理名秋風送鴻格。已上諸格主身膺重寄權柄非常。更詳安身爻位得時與不得時也。精考其位以別貴賤深考其數以辨賢愚。

○假令例

如紹興庚午七月廿二日酉時生男命庚午甲申丙申丁酉。趙制置二篇之策。陽數四十四。除天數二十五。剩十九數。除十數不用。而用零九數。屬離卦也。陰得二十八數。無三十地數。而只用零八數。屬艮。以二數推合得火山旅卦。二申二未。元堂其酉時在初爻辭。云旅瑣瑣。斯其所取災象。曰旅瑣瑣。志窮災也。七月廿一日處暑。廿二日生。係處暑後一日生。以離為化工。而月令乃屬否卦。三陰以生。其人所得之卦。有三陰三陽。其九三九四上九皆非得時者。惟初六六二六五得時。其人在初爻。係第一陰卦。其辭不佳。陰居陽位。不當其數。陽多陰少。亦不為佳。然旅卦初爻。獨有九四為援。其九四

乃是離體。爲是化。工九四。乃是大臣地位。初六應之。大臣援也。其貴可知。況離是午。入地支元氣。若得元氣援已。尤爲妙處。四十六年後。換後天而爲重離。升旅之初爻。爲離之九四。大臣之位。皆是化。工元氣。所以貴顯而秉權。然離乃是地支元氣。凡天干元氣好殺。此人純離。皆是地支元氣。故爲威權。是以制置之。秉生殺之權。超封端明殿大學士。莫非其造化之使然矣。

如紹興乙亥年八月初三日申時生。男命。乙亥乙酉戊寅庚申。天數二十六。除二十五數外。零一數。地數二十六。零六數。陰男。天數在內。一爲坎卦。六爲乾卦。故得天水訟卦。三三元午申時。其申時在訟之初爻。爲元氣。辭云。不永所事。小有言。終吉。象曰。不永所事。訟不可長也。雖小有言。其辨明也。論曰。初一是白露。後二日生。尙得乾卦。化。工。月令屬否卦。然三陰已生。四陰將生。其訟卦四陽皆不一。以只有二陰爻得時。合得二陰爲佳。訟卦初爻。是第一陰。爲元堂。上有乾爲化。工。又有乾爲元氣。況坎乾相交。初六有援於九四。是謂元氣化。工。援已。自合貴矣。至四十九歲。換後天之卦。爲夬。夬者決也。以坎水在乾天之上。而爲兌澤。是爲升水上天而內澤。及升先天元堂。居大臣之位。居健剛之地。日侍清光。職爲參政。豈非造化自然之理乎。況五陽互乾爲亥。生人元氣。由是詳之。

其貴不亦然乎。

假如開禧二年丙寅十月廿八日亥時生男命丙寅庚子丙子己亥。天數十八。除十數以八零爲卦。地數得四十二。以零一數爲卦。用二篇之策。合得山地剝卦。一元時一戌一酉也。小人剝廬終不可用也。論曰。十月二十九日子時。交大雪節。人於二十八日亥時生。係大雪前一日也。正陰氣之時。演而爲剝。剝落也。萬物剝落也。其名不佳。殊不知天數得十八。陰數得四十二。陽少陰多。且大雪後。乃陰之至極。而陽豈宜多也。地數至一之時。二數俱是耦體。是氣數與時偕行。人之氣合四時之序。以爲大人君子。數合節氣。其卦名雖剝。自小雪後至大雪。陰氣正隆時。屬純坤。坤則陰氣也。夫月令得剝。正陰之極。而陽將生之位。爲羣陰之表率者。一陽來復之時。尚有半月。此是息後而變者。况衆所推之貴。理亦可知。其辭曰。君子得輿。小人剝廬。若所生非時。而得上九爻辭。必爲世所棄。衆所不服。此小人而合得剝廬之殃。今生得其時。是爲君子。而萬民之所載。其貴可知矣。况丙生人。以艮爲元氣。而生寅地支元氣。天地之氣全中。莫敢不服。是此卦得勢合時。况艮爲手。坤爲柄。此人異日必持權柄也。自合爲宰執。惜無時之化工。亦可爲特

從知州。況後天換艮爲坤。地道也。臣道也。未交冬至半月。正屬坤卦。主權在其人。後天之坤。自從班署蒞帥閩之顯必矣。況以先天剛健純粹之資。而爲後天柔順重厚之德。職居三公之位。位乃陽位。是先天後天。不改其剛健純粹之資。安得不爲之名臣大儒乎。且坤之辭。又有以時發其光大之辭。其顯達又不言可知矣。

假令紹興三年戊子十一月二十三日亥時生。男命戊子甲子癸亥。天數十一而用一。地數三十三而用三。一爲坎。三爲震。二篇之策。合得水雷屯卦。爻甲子論曰。冬至是十六日已交。其人生於二十三日。是冬至後七日生。應冬至七日來復之義。天數得十一。一亦是陽數。數雖不足。一陽來復。未爲弱也。此天數弱而佳者也。地數三十。原無餘剩。亦無不足。一陽微生。其形方露。衆陰俱消。而不敢有餘。以氣數組合。此時節氣。必是貴人之命。然又成卦中之九五成元堂。其辭云。屯其膏。小貞吉。大貞凶。當爲不利。殊不知剛柔始交而難生。動乎險中。大亨貞。冬至後。陽已長。陰已生。此剛柔始交之時。而此卦應其時。九五爲元堂。爲救屯之子。冬至後。坎爲化工。坎又爲戊。人天之元氣。其子爲坎。亦地之元氣。此天地元氣化工同體。又是天數內安元堂。乃爲廟廊之貴。易者相移之義。與時流行。寒往則暑來。暑往則寒來。春去復秋。冬去復夏。生極則殺。殺極

則生。天地之相繼相承。未始絕也。故數之至妙。莫若與時流行。如陰道至極。陽道時生。氣勢得接。陰陽之數。尤妙於是。求其訣旨。斯思過半矣。看數之要。先看天地二數。足與不足。方看爻象。得地與不得地。則禍福定矣。先天爻象不吉。又看後天變得是何卦。若後天卦與爻俱吉。此爲返魂格。當先貧後富。按乾卦有六爻。如十一月冬至生。元堂居初爻之位。爲順時也。乃與天地同其造化。但須得陽數少。不過十八策。無不富貴榮華。如坤卦夏至後居初六爻。陰數不過十六策。女命得之。無不榮顯。但恐子少女多。益夫起家。爲衆之表率。內外欽服。陽數得二十七。爲老陽祿數。一十八爲少陽福數。利男而不利女。陰數得二十四。爲老陰祿數。三十二爲少陰福數。利女而不利男。予嘗經一村野。見一老翁形體如垂死之人。問其平居何如。對曰。予年四十有五。一向羸疾。試得其年月推之。得晉之六二。予甚疑之。必是時之悞也。因取上下二時推窮。得剝之六四。其間休咎。皆與卦合。乃知村野之中。命時多不定。蓋冬夏之日有長短。時刻有先後。若戌亥子丑之時。則尤爲難定。須要眼力之人。若看不至。孰是爲非。大易之理。往往輕易看過。將何以取驗哉。凡人根基如下數不得。化工者災禍尤重。

○推賤命法

凡所得之卦。其名凶。是貧賤命也。此其大略言之。凡卦名不利者。非天則橫。乞丐之人。凶多吉少。僧道九流之命。吉多凶少。強富之造也。如有化工元氣者。艱難獲福。但吉多凶少者。爲強。吉少凶多者。爲弱。全凶者。至災至夭。全吉者。至富至壽。以大易之理察之。則可以通神明之德。知鬼神之情狀。知死生之定數。淺學常流。焉能得此秘也。

反卦在首尾。雖災亦輕。首尾者。初爻。上爻是也。若在中間加數不及。遇陽年尤甚凶。莫能救。卦無元氣。須看互體。如丁酉生人。得小過二卦中。雖無巽兌元氣。然互體中有個巽兌。既看互體。又看彼此相生。爲火人得土卦。金人得水卦。亦謂之相生。凡得水火卦等類。若卦無元氣。流年或有元氣。此年亦主稱意。如土人得巽。金人得離。水人得土之卦。卦雖是凶。但有元氣。亦不甚害。先天後天。若得純離者。多有失明之疾。得蠱大過明夷者。多有宿疾纏身。得噬嗑无妄訟者。多有爭競。若流年小象。得蠱大過者。多招白眼。凡得噬嗑明夷无妄大壯睽剝屯者。多有坎坷。須於流年交接虛實仔細推之。萬無一失。爻位雖佳。不若流年爻象皆佳。未有不應者。若流年多凶。身爻雖佳。亦奚以爲。若行後天。連三爻不吉。必多坎蹇。若過了第四爻。遇值凶爻。十死八九。若流年連三年不吉。本身卦又不佳。可以死斷之。有僧人爻凶。尤極後天之數者。物外人所奉者薄。故能盡其天年。

○先儒論數印證

或謂康節曰。此數不許行至後天五爻。行至四爻。方可斷人生死。今人不滿二十而卒者。亦有八九十而死者。禍福安在。對曰。此人不達物理。貴賤夭壽。吾數已備言之矣。今更熟看。却未商量。伊川晚年。得此數甚喜。却謂門人邢敦夫曰。予平生休咎。毫髮皆見。何必窮陰極陽。推算草率。以爲易之理耶。又謂尹和靖曰。此數極正大。言禍福皆本正經。非尋常談陰說陽之比。誠不輕易傳授。庸俗之輩。輕泄天機。伊川曰。予有一僕。眉宇甚秀麗。以其年月推之。得乾之九四爻。雖天數不足。問之則喪其父。平生休咎。問之皆然。予愛而厚遇。交十九而暴亡。蓋無名野草。生出一枝好花。決非佳物。今味伊川之言。却是陽男無疑。故以天數不足。故先喪父。行乾之九四九五二年。共十八年。交十九。則土不變。正是亢龍有悔。遇極則反。窮則變。變則通。在小人豈當君子之卦。既不變。何能通。正謂窮極之災也。何疑焉。小人得吉卦者。更看爻位何如。如爻位復吉。又看數之足與不足。得時與不得時。以數求之。必得其精。小人得吉卦爻。暴發必死。

君子亦有卦爻皆不吉者。又看其大象。如噬嗑之象曰。雷電噬嗑。先王以明罰敕法。可以用威於小人。如得剝之象曰。山附於地。剝。上以厚下安宅。亦當潛心以應之。

昔東坡行年得賁卦之六二。本朝文體。三蘇爲之一變。豈非文飾之象與。東坡曰。予爻雖佳。行年吉凶相半。不得全美。旣歸復謫。平生多坎坷。以斯數三復而自寬。曰。聖人得我心矣。復何憾乎。山谷謂陳無已曰。黃龍晦堂其長老有道者也。常問易於予。遂授以斯數。未幾退席。問其故。渠曰。予往歲行噬嗑之上九。橫遭官府凌辱。明年復行噬嗑。故着杜門行其志。予曰。公物外人也。何慮乎此。渠曰。人托陰陽以生。豈有逃其數。予雖學出世法。豈能免形骸之累。予曰。公獨不聞棲賢之僧乎。渠曰。間或有此矣。其爲人誠謹如此。山谷初謫涪州。別駕謂邢敦夫曰。予今年得屯之六二爻。將極十年之數。方得歸。及安置容州。謂其子曰。想吾先年得屯之六二。有可得歸之理。今復得上六。曰。迷復凶。吾無歸矣。果卒於容州。

富鄭公以本身卦交流年。大書於中庭壁上。遇一凶爻。卽戒子弟曰。余今年爻象不吉。汝等切勿生事。以累吾。其恐懼修省蓋如此。

李文靖公得坤之六二。曰。直方大。不習无不利。謂友人曰。予平生所得者。要合於聖經。及得離之九四。謂方人曰。予明年必死。至期果然。時當六月。無點穢氣。蓋其平生踐履之驗也。

范文正公得大有之九二曰。大車之載。象曰。積中不敗也。果以爲人。遂以經世爲己任焉。

寇萊公有孤注之禍。是行年得困之六三爻。謂友曰。吾不復反矣。果死於貶所。其得數之應驗如此。

司馬溫公曰。圖南此數。大有益於吾輩。可謂存心養性之書。誠而得之。福可致而禍可避。可不謂之大有益乎。溫公曰。看卦須看其大象。或得某卦某爻。或吉或凶。皆是造物分定之理。有大象辭意依而行焉。如地勢坤。君子以厚德載物。則須厚其德。弘其度以應之。如山下出泉。蒙。君子以果行育德。又須果敢其行。養育其德。小象亦然。

凡辨卦考數。在仔細參詳所得之卦。合得何理。爻居何位。有何吉凶。知是何等人。則卦之吉凶。各從其類。與以名尋數。不若以理尋數。一時之吉。可反而凶。一時之制。可反而用。如否泰之制。反有天衢後喜。復隍係遯。動止無常。屈伸有變。非以理推。固難洞見。

○論陰陽消息例

☰☷ 復卦十一月冬至後。一陽生於子。是時也。萬物有萌動之機。天數不可過多。地數不可有餘。若陽始生而過多。或又至於太過之極。在人必有傾敗橫夭毀折之患。所

謂一行冬令是也。一陽既生。陽當盛於陰。而猶有不足之數。如四五以下者。失之於弱。在人亦豈有健成之理。厚發之福乎。惟有得中。則不失乎天地致中和之氣。其人必處逸樂之中。居崇高之位矣。始生之陽。有得八九以至十一十二者。爲佳。至於八爲太多。十九至二十五爲太過。學者當以時而觀乎動靜。則吉凶悔吝。自不能逃也。

三三三 臨卦十二月。陽生於丑。二陽既生之時。萬物以榮於內。而未泄於外。內實外虛。內榮外辱。藏蟄者翻身。屈伏者少振。陽氣漸健。而陰氣內充。故土內虛而外堅。水氣上騰。故污濁在下。澄清在上。視之而不見。當此之時。陽氣不可太少。亦不可太多也。陽數稍盛。陰數稍弱。若卦中陽爻多。又見太盛。過於二十五數以上者。在人雖吉。終必有禍。雖貴顯。終不永於壽年。雖安逸。終不免於危厲。惟其得中。乃爲順時序之宜也。

三三三 泰卦正月。三陽出於寅。二陽至而泰道成。小往大來。上下交通。草木甲坼。氣清爽朗。當此之時。陽數不可不足。宜健以敵於陰。若陰數多。陽數少。而又所得之數。只有二十四十六十八者。便合成卦位。爻於陰。則是失之於太弱。在人必爲時之所合。或居貴賤。或遭天橫。或爲僧道。富不能安。貴不能久。惟陽數無不及太過之愆。則貴顯清高。豐饒充實。其人必非下流矣。若其數又過於二十五數以上者。而或相倍蓰者。則又

失之於過高。其人必主驕亢傲奢。剛畏淫慾。好勇鬪狠。亦未爲善也。如值陰數太多。必有春寒之兆。百作俱遲。東風解凍之候。尙陰多而陽少。非春寒乎。

三三三 大壯卦二月。陽生於邱。四陽爻曰壯。帝出乎震之時也。仲春之時。氣象暄和。萬物榮華。芳菲巧麗。雷霆電輝。蟄藏者出。屈伏者伸。陽氣壯甚。陰道消殞。仁風暢達之日也。天地發生之候。陰數不宜乎多。陽數不宜乎少。惟得中爲宜。得中者。數不過於九數十數之下。亦不過二十五之餘。不及者九數十數而止矣。大過越乎二十之餘。至二十五三十以上是也。陽數太過者是也。春行夏令。必致大旱。酷氣早來。蟲螟爲害。得此之數。當榮不及。始吉而終凶。先須富貴升達。後必名辱德喪。而有非妄之禍。不及者。陰寒尙多。春行冬令。時物必乖而有傷。始發須華而不實。人生居此。主吉未成而凶已就。事未合而毀已隨。如春利有悅。而和氣勿奪。爻位更佳。辭理居體。更言則富貴榮華。才高業廣。六親有情。萬事和睦。天地至祥之氣數乎。此所以得中之爲貴也。

三三三 夬卦三月。五陽生於辰。五陽旣生。則精氣勇決。英結實成。陰道消而陽道長。君子衆而小人獨。當此之時。陽數雖多。不爲太過。若陰數過多。敵陽必至。傷氣損時。終無久慶之理。苟於此而陽數有不及之偏。亦非應時合節。其爲人不拘士民。皆無成矣。且

爻位卦體。值此時不可援此以自附。蓋陽數既不及。又居陰爻。是君子居於小人之列。名利俱損。非君子之數。必至寒暄相紊。成敗相兼。戰敵交爭。非時所利。貧賤困窮。不必言矣。惟陰少陽多。與時偕行。未有不悅者也。更卦爻吉。體理安。則主人聰明貴顯。無疑也。

☰☰ 乾卦四月。六陽生於巳。乃純陽之月。當此之時。陽數雖多。不約太過。天行健也。得健之數。何不利之有。苟所得之數。既已合宜。又復得位當權。有援不屈。其辭凶而理却吉。不知爲富貴利名之人。若更辭吉理長。則是特達高明。幹旋大順之賢士。經邦濟世之哲人。豈庸常而已哉。於此而陽數或有不及。是失之懦弱。萬事必難成矣。如陽數太過而成卦。名位反勝陽者。又爲強梁黥配之徒。更理凶而體惡。必是反戮斬逆之賊也。陽數至此。雖是可盛。却於立夏小滿前可也。如芒種之後。則太亢非宜。雖辭吉理佳。則富不能久。貴不可長矣。蓋陽極而陰將生。苟不知幾。而災患豈能免乎。

☱☱ 姤卦五月。夏至一陰生。於午後太陽躔度。卽成初刻。陰氣在下漸長。卦名曰姤。陽道漸消。陰道日長。萬物實收。無復有再榮之理。天道左旋。地道右轉。陽氣已逆。陰氣自順。陰陽至此。分奪造化。君子於此。平心息氣。以順天之氣。當此之時。陽數不可太多。

陰數不可太盛。如陰道盛而成卦。爻辭名理又不吉。則必男孤女寡。九族離散。終身困窮。必是輕薄羣小之人。以陰數而不至太過。使陽數而自來援陰。謂二十五之外。餘偶者。必是富貴節要之賢人。若爻位理辭更吉。此尤佳也。必是榮顯崇高之名臣。大概陽數無有餘不足之患。得其中者爲貴也。

☷ 遯卦六月。二陰生於未。二陰既長。溫風盛熱。腐草爲螢。陽道遯匿。所以爲遯卦之令。君子於此。當迴避潛隱。庶可避咎。若縱其奔逐。居其前轍。則悔吝之難免矣。蓋逆天地之常。豈有安慶之理乎。生於此際。而值此卦。若陽數少而陰數得中。又成卦。爻理體皆得其宜。則百爲遂意。萬事稱心。必爲公卿大夫之流。爻位雖凶。亦不失爲豐衣足食之人也。倘陰數太過。而爻位又不得其當。則必是貧窮困苦。賤惡兇險之徒矣。蓋三陰方長之時。未可太盛故也。

☷ 否卦七月。三陰生於申。三陰既長。否道方成。天地不交。萬物蕭索。上下不和。志氣不通。其道乃窮。君子不可榮於祿。當此之時。陽數不可太多。陰數須多。盛亦不可使過於陽。須得其宜。則必爲富貴顯達之士。若陰數反弱。不及於陽。又兼卦體辭皆不能勝於陽。則亦貧賤夭折。鰥寡孤獨之徒。終身禍難災尤。豈能免乎。

三三三 觀卦八月。四陰生於西。四陰既長。是名觀卦。觀其微也。乃求爲之象。故西屬兌而爲肅殺之時。晝夜平均。雷收聲。蟄藏戶。陽日衰。陰日長。而漸盛。百物收斂。草木黃落。水將枯涸。當此之時。陰數須當隆盛。不宜太多也。使陽數多而陰數少。則是秋行夏令。蟄蟲不藏。五穀難結。得此數者。必至乍富乍貧。時發時毀。兼以卦爻理體。又不得其當。則其凶敗。必不能救矣。使陰數多而陽數少。則爲順時適宜。五穀登而萬物實。得此數者。必主顯達豐隆。富貴榮華。兼以卦爻理體。又得其宜。則吉祥不可勝言矣。然陰須當盛旺。終不可過於陽也。若不見機而求大盛。則其爲陰之福。又豈能長乎。

三三三 剝卦九月。五陰生於戌。五陰長而陽剝蕩。鴻雁來而玄鳥去。雀入水化而爲蛤。天地閉塞。霜降水涸。物實歸根。當此之時。是謂老陰之地。陰數不應不足。陽數不應太過。使陽數而太多。而陰數反不足。則是令行失時。而陰生。人必主萎靡不振。不能有爲。其陽生人。必至妄行取困。行險僥倖。乍富乍貧。或作或廢。兼以卦爻理體俱失。則凶害不可勝計矣。俟陰數多而陽數少。則是時序順布。其在人不拘。陰命陽命。皆獲其福。常則必當豐富。顯則必爲公卿大夫。兼以卦爻理體俱吉。則吉祥不可勝計矣。且微陽與陰爲援。亦最清吉。若陰盛反援於陽。斯是苟容安倚。似非正理。有此數者。必是鼠竊狗

儉。兇徒惡隸之輩。亦必要陰陽之數得中爲貴。否則孤陰不自立也。

坤卦十月。六陰生於亥。六陰既長。乃純陰之時。肅殺之氣至此。陰之極也。陰氣成冰。蟄蟲不食。虹藏不見。雉入水而爲蜃。天地不通。陰陽閉塞。當此之際。陰數雖多。不爲太過。使陽數過於陰。又居陽爻。辭凶理短者。必爲淺薄失時之人。終招其災殃。百爲皆不利矣。使陰數多於陽。又居陰爻。辭吉理當者。必爲貴顯馳名之人。終成其事業。凡謀無不遂矣。然數之隆盛。惟宜立冬後小雪前可也。若大雪後冬至將臨。陰數過盛。甚非所宜。何也。蓋陰數至此。勢力極盛。陰極而陽將生。當有戰爭傷血之咎。須宜得中。切莫太過。學者宜深明也。

聖人測度陰陽四時。無不合令中時者。惟大易河洛而已。且不遭秦火之禍。而簡編獨存者。乃天之所致。非人之所能也。其吉凶悔吝。靜動得失。貧富壽夭。窮通利鈍。非聖賢之人。其孰能之。學者慎勿輕泄。必須得其人而後傳。不然。獲罪於天。豈能免乎。

○內卦出外例

乾卦變初九爲巽。爲風。春風融和利物。夏風散雨收雲。秋風物物收斂。冬風寒水成冰。變九二爲離。爲火。春日無處不蒙和煦。夏日萬域畏其炎熱。秋日旱乾。而萬物

枯焦。冬日可愛。而天下皆暴其昭明之德。變九三爲兌。爲澤。春澤有滋息之甘。夏澤有長育之利。秋澤有西成之望。冬澤有寒凝之苦。變初九出外卦爲風。天小畜。四爻以一陰而畜衆陽。本有傷害憂懼。以其與上合志。故血去惕出而无咎也。變初九在內爲姤。初爻一陰漸長。五月之卦也。靜止則吉。往進則凶。陰道須得志。亦不可恃勢妄作。變九二在外爲火。天大有。五爻恩威並行。人情悅服。而百無不遂。變九二在內爲同人。六二同人於宗。交接不廣。利澤有限。變九三出外爲夬。上六三月之卦。黨已盡。無有呼號。若不謹慎自持。難免傾危之殃。變九三在內爲履。六三履虎尾。咥人凶。小則爲剛惡。硬強。大則爲暴君酷吏。惟謙恭自保。則可免禍害之患也。

☷☳ 坤卦變初六爲震。爲雷。雷出地中。奮達疾速。威聲遠赫。有寒木生春之意。萬彙咸亨。品物流行。發榮茂盛。無適不宜。春分以後。夏至以前。得之尤佳。或爲宰輔。或爲憲臺。名位祿壽之兼。隆冬而得此。遇而不遇。舉動必乖。恐成災眚。蓋雷行失令。違時則不利矣。變六二爲坎。爲水。夫坤爲致役。變坎爲勞。是地本平寧。而忽爲崎嶇嶮峻。任重不堪。安中伏危之象。春夏之時。土被陽氣而內攻。浮虛陷害。而怨生恩中。必有崩毀之乖。秋得水而退。土氣不浮。可謂少亨。疑非大安。尤防不測之咎。惟不致傷耳。冬得水乾。培

植焦熬。終多費力。不若無之。終爲美也。冬至以後。是謂化工。主勞役凋敗之餘。有偶然橫發之機。變上爲艮也。地起於山。自下而上。有積小成高之勢。春生夏長。暢茂條達。富有之象也。秋得之。則萬物告成。升雖不足。而內實有餘。冬得之。則草木凋零。隨毀隨譽。驟落驟榮。旋消旋長。而聚散無常。變初六出外爲豫四爻。由豫勿疑。志大意廣。變初六在內爲復初爻。十一月之卦。一陽復生。始進以正。悔吝出而吉祥。集變六二出外爲水地比五爻。治行化美。王業大振。變六二在內爲師二爻。下懷萬邦。上承天寵。變六三出外爲剝上爻。一陽有復生之機。君子有得輿之美。小人有剝廬之殃。變六三在內爲謙二爻。無伐善。無施勞。萬民服而事業盛也。

右舉乾坤二卦升降變化爲例。餘則引而伸之。則了然於心目矣。

三三 震卦變上爲離。爲火。乃雷散日出。晦極生明。主人器識高邁。鑒察深遠。春夏雷興。日熾。損物焦類。樂處生哀。美中不足。春天雷奮。日和。萬類發生。冬天雷隱。日煖。溫飽自足。凡事稱意。變中爻爲兌。爲澤。雷澤交施。春夏震動。滋息之有賴。而萬象直遂。秋則雷澤以濟。枯槁而秋陽不得暴物。冬則雷澤失令。而萬類憔悴。變下爲坤。爲地。雷入地中。雨澤不施也。必致飢荒。主人無識。蕭索乖戾。中生多阻。秋冬得宜。春夏不利。

二二三 艮卦變下爲離。日出於山巔。爲朝爲日。主人升上近貴。洞曉明徹。高下瞻仰。福祿兼備。夏秋酷烈。山水焦損。春冬融暖。山水舒暢。變中爻爲巽。風生巖谷。山虛石出。居高多險。任重多危。春夏生蠹。秋冬損物。不知天風和時爲美也。變上爲坤。舍崇高而從卑下。脫崎嶇而履平坦。土命逢之。溫厚和平。成始成終。春夏土膏肥厚。生物榮華。蓋山中地。地中山。正類謙尊而光。卑而不可踰。無往不利也。

二三四 坎卦變初爻爲兌。水入澤中。內塞不流。終難遠大。秋冬不利。春夏則爲霖爲澤。自盈自滿。橫流充溢。四海有利。必成敗是非。或先難後易。先憂後喜。變中爲坤。水入地中。防浸滲之乖。有壅塞不通之兆。萬事有始無終。而無便快順適之利。春夏暄乾不利。水人得此多夭折。秋冬合理。變上爲巽。水氣乘風。飄逸高遠。類多潤澤。春夏爲露。滋助長養。秋爲湛露。凋零萬物。施毒害人。而人多怨謗。冬爲雷露。主人艱辛勞苦者也。

二三五 巽卦變初爲乾。風收雲靜。寥廓一清。春煖夏炎。秋爽冬溫。四時俱美。萬物咸亨。吉無不利。風恬浪靜。人物繁華。風塵不動。日月昭明。星辰榮耀。尊卑永隆。始終太平。變中爻爲艮。風勢入山。動搖山嶽。命令上行。人多敬畏。春風入山。草木榮茂。人多賢豪。入則可以把麾揚節。夏風入山。巽木成林。峰巒蒼鬱。貴顯非常。秋風入山。風藏山谷。草木

漸洞。有始無終。先達後窮。人難久耐。冬風最冷。果落枝枯。蕭索憔悴。先困後達。難中獲易。變上爻爲坎。風入水面爲浪爲波。飄汨勞碌。小人尤畏。亦爲混濁之乖。少全清節。有摧岸覆舟之虞。春風入水。水穀成紋。人多奇巧。繁鮮榮華。夏風入水。水漸日乾。人必慳貪。悔吝。秋風入水。水浪滔天。岸摧舟覆。有不戒之虞。有不期之禍。人當思患預防。冬風入水。水竭流遲。結水成凍。物象寒苦。艱辛貧乏。隱伏阻滯者也。

三三三 離卦。離爲火。爲日。吐酸發耀。光照天下。太陽之象。長育之君。萬象資明。百物附麗。變初爲艮。日入於山。光輝晚照。早年蹇剝。老景亨泰。春日明暗相攻。喜怒多頓。夏日入山。草木成林。遮陰有賴。不致酷熱。秋日入山。焦燥亢厲。萬象易於枯槁。冬日入山。煎逼愁顏。萬事闌珊。不能長久。變中爻爲乾。日落於天。晚景逼迫。光華隱藏。難以超越。春天無日。陰雨連綿。物難發生。榮中有辱。夏天無日。暗晦陰隲。火勢消滅。物難長養。一暴十寒。凶荒必致。秋冬遇此。愈加逆躔。雨雪連連。民多愁嗟。變上爲震。爲雷。雲翳光明。掩火不炎。春天得之。雷電竝行。震動發生。夏秋雷施。物利。冬則非宜。

三三三 兌卦。兌乃正秋之神。其象爲澤。初九變爲坎。坎爲水。名謂積水而成坎。陷。天澤交施於坎水。川流盈溢。所至俱宜。物物得利。春得此象。雨澤霏霏。萬物滋榮。富貴可期。

人多拔萃。夏得此象。長養有功。榮舒萬彙。人生多遇。不苟不貪。富則金帛盈室。貴則宗廟之衛。秋得此象。水澤交加。禾穗雙成。人生值此。得民之情。慶流後裔。冬得此象。水澤相交。民物空虛。茲非廣惠。九二變。震爲雷。名謂雨澤加雷。動威致潤。啟悴發枯。六合榮和。物皆秀麗。森森仁恩。天澤滂沛。小往大來。斯爲至貴。春而得此。生榮萬物。夏而得此。長養隨宜。秋而得此。歲功樂成。冬而得此。却非所宜。雷聲隱伏。號令收藏。安可出外。若出。謂之非時。恐致災眚。六三變爲乾。乾爲天。名謂雨收澤竭。天籟清虛。人物從容。衆情多悅。春得熙和。物物欣榮。巧麗人多。繁飾傑出。羣倫自然稱意。夏秋得此象者。上仰青天。雨澤不施。水乾流竭。無豐多歉。飢饉怨望。自多傷折。冬得此象。寒凝少作。歲內豐稔。人亦富饒。自然亨泰也。八卦之象。四季合宜。則吉。悖之則凶。值月候者。不得執此論。

○六十四卦立體

〔乾〕六畫。純陽。天之道也。君道也。有剛健之德。有發育之功。且賢人君子則不可當。庸凡得此卦。則有災眚凶之道也。

〔坤〕六畫。純陰。地之道也。臣道也。妻道也。有柔順之德。厚載之功。含弘光大。安貞無疆。女命得之。無不盡善也。

〔屯〕上坎下震。中存艮坤。雷在地中。復未爲亨通。震雷發動。水澤方施。又爲坎宮所逼。君子則爲屯蹇未亨之象。

〔蒙〕上艮下坎。坤震存乎其中。山之下有險。震動坤靜。動泉靜土。未知所適。君子則爲蒙昧之象。又有富貴者。當參究合五行則吉。

〔需〕上坎下乾。中存離兌。日月之明。主爲人聰明智慧。日在於天。正當光耀。雨澤又自天而下。日爲雲所蔽。欲待雲收雨散。方著其明。需者待也。有儒者席珍待聘之義。君子則爲待時之象。

〔訟〕上乾下坎。巽離存乎中。其外剛內險而不相合。巽風方動而水欲施。又爲月明於天之上。是卦也。陽多陰少。陽尊陰卑之氣相薄。陰陽不和。君子則爲爭訟之象。

〔師〕上坤下坎。中藏有震。雷出於地。振搖山嶽。命令下行。雷一動而雨澤施。浸潤萬物。剛中而應。行險而順。主爲人出衆。敢爲服衆。有作有守。君子則爲師衆之象。

〔比〕上坎下坤。中存乎艮。山中地。地中山。正類謙光四益。蓋山地之上皆水。草木受潤。上險下順。外縱行險。內順從之。則其險何所施焉。縱或爲險。又知所止。無非柔順和樂。君子則爲比和之象。

〔小畜〕上巽下乾。中存離兌。日在天上而明。風自天上而發。雨澤自天上而施。日能照耀。風能發揚。雨能滋潤。物受其利。故有積蓄之義。君子得之。則爲小畜積聚之象。

〔履〕上乾下兌。中存離巽。日明於天。風動雨施。晦蝕其明。柔履乎剛。不得其位。則有履薄冰之憂。君子則爲履驚懼之象。得時合五行。最吉。

〔泰〕上坤下乾。中存震兌。雷動澤施於天之象。雷澤行地之下。物受其潤。正天地交泰之時。陰陽和暢。草木蕃茂。君子則爲大通之象。富貴之說。得時合節。則吉。

〔否〕上乾下坤。中存巽艮。風行山地之中。方欲扇揚萬物。又爲艮所止。不能發。又無雷澤相應。山地之中。草木就燥。甲不能坼。秀不能實。壅遏不通。君子則爲否塞之象。

〔同人〕上乾下離。中存乾巽。柔得位而應乎乾。虛心順之。光明盛大。柔濟以剛。行健。不以武而以文明。用之相應。不以邪而以中正。君子得之。則爲和同之象。

〔大有〕上離下乾。中存兌象。剛柔相濟。明暗相交。二氣循環。陰陽得位。明者離之日也。晦者兌之澤也。交雜乎火之上。日之明。能照萬物。而物受其氣。故有相感之意。君子得之。則爲大有之象。

〔謙〕上坤下艮。中存震坎。地下有山。山上有地。培植高厚之勢。資養萬物。震動雷行。坎

滿而溢。發生茂盛。皆自此始。山在地中。愈高愈卑。君子得之。則有謙光之象。

〔豫〕上震下坤。中存坎艮。上方動驗。中方滿險。下又止之。則其險無所用矣。雷在地上。震驚萬物。屈者伸。藏者露。順以動之。動以順豫。君子則爲逸豫之象。有貴合五行吉。

〔隨〕上兌下震。中存巽艮。山之中有草木。雷動風翻。雨澤萬物。風雲雷電。相隨而行。造化不違。物全其性。君子得之。則有隨順相從之義。

〔蠱〕上艮下巽。中存震兌。於文則爲血蠱。風落山。謂之蠱。又謂三蠱。食血之義。女人惑男。山下有風。山中有雷。有澤。其蠱爲風。扇揚所發。雷震動而出爲澤。草木皆受其食。不能生長。君子得之。則爲蠱壞之象。蠱者。事也。惑也。又爲多事惑亂之象。

〔臨〕上坤下兌。中存坤震。地之下有雷。有澤。雷動山嶽。命令下行。澤潤草木。恩波下逮。有爲政治之實。君子得之。則爲臨蒞之象。

〔觀〕上巽下坤。中存乎艮。地之上有山。積爲垣牆之義。成高大之勢。山地之上。又爲巽風爲之扇揚。高大光厚。威儀盛美。必有可觀者焉。君子得之。則爲壯觀之象。

〔噬嗑〕上離下震。中存坎艮。爲日月之明。主人有智有力。亦爲日月之象。然噬者嚙也。嗑者合也。凡物之間嚙而合。君子則爲噬嗑之象。又主官非爭訟之事。

〔賁〕上艮下離。中存震坎。山之下。日方離麗。使百穀草木光明正大。雖雷動而雨欲施。將使其明者晦矣。又爲上險而不可行。止遏而不可動。其爲日也。獨耀其明。而不爲陰邪所傷。小人欲犯君子而不可得。君子得之。則爲文飾之象。

〔剝〕上艮下坤。中存坤象。陰多陽少。小人衆而君子獨。陰剝陽之時。小人犯君子之義也。是卦多爲災眚天亡之象。然衆陰剝去其陽。使無其位。剝者落也。君子則爲剝落之象。

〔復〕上坤下震。中存坤象。雷在地中。未能亨奮。惟利冬月生人。餘月皆致災眚。又云。陰月生人。雷未應時。當復於地中。其時未震。震驚百里。物即亨奮。君子得之。則爲興復之象。

〔无妄〕上乾下震。中存巽艮。雷發於天之下。山之中。巽風扇揚。吹噓萬物。主人甚有威權聲譽。雷震驚怖。巽風動搖。而滅災眚。凡事不可妄爲。最宜謹守。君子則爲无妄之象。〔大畜〕上艮下乾。中存震兌。山在天之上。既高而又處高。震雷動而雨澤施。致潤乎山。物皆滋益。天與山皆藏蓄乎物。君子得之。則爲大畜之象。

〔頤〕上艮下震。中存坤象。山之下有地。地之上有山。積累高大。培植草木。山地之下有

雷。非應時不發。當行則行。常止則止。有所涵養。君子則爲頤養之象。是卦順時則吉而富貴。

〔大過〕上兌下巽。中藏乾象。剛亢居中。本末俱弱。首尾不能運掉。心性剛強。徒自勞耳。必致災難。君子得之。則爲大過之象。

〔坎〕上下皆坎。中存震艮。山之中興。雷致雨。草木發秀。主人伶俐。但凡事多有阻難。內方欲動。又爲險所陷。艮所止。進退未能。君子得之。則爲坎吝之象。

〔離〕內外皆離。中存兌巽。上下皆明。天下之人。悅其照耀。光輝盛美。又爲順而從之事。皆昭彰。令譽顯著。君子得之。則爲離明之象。

〔咸〕上兌下艮。中存乾巽。剛柔相應。二氣相和。陰陽交暢。萬物相感。各有所成。巽風發乎天之下。山之中。扇揚萬物。兌澤施乎天之下。山之上。沾潤萬物。二氣相召。陰陽和而萬物成。君子得之。則爲咸感之象。

〔恒〕上震下巽。中存乾兌。自天之中。雷動風行。雨澤於下。雷風相與。剛柔相應。皆無壅遏阻滯之患。君子得之。則爲恒久之象。

〔遯〕上乾下艮。中存乾巽。天之下有山。山之中有水。爲風動搖。枝葉不寧。或飄或落。又

無物以濟之。在人日用之事。宜自退避。君子得之。則爲遯逃之象。

〔大壯〕上震下巽。中存乾兌。天之中雷震發動。兌澤旁施。普天之下。浸漬沾濡。物受其利。能成豐稔之歲。君子得之。則爲大壯之象。

〔晉〕上離下坤。中存坎艮。山地之間。百物仰賴乎天。枯則潤之。溼則曬之。欲曬之以日。其水欲行。止之以險。水不能動。欲潤之以水。其日欲升。則止而陷之。使不能通。其造化之妙。存亡進退不已之功。君子則爲晉進之象。

〔明夷〕上坤下離。中存坎震。日方欲明。華麗之耀。文爲雷動。雨水散行。是卦陰多陽少。致使陽明之氣。竟爲邪氣所干。陰盛陽衰。不能自立。自傷其明。日落平地。沉墜埋沒。其光輝之在我。君子得之。則爲明夷之象。

〔家人〕上巽下離。中存離坎。交互日月之明。主爲人聰慧智識。大明輝耀。得風以扇揚之。其酸愈熾。中又有水以濟之。以爲隄防之地。蓋防者。乃防閑之義。初九曰。閑有家。君子得之。則爲家人之象。

〔睽〕上離下兌。中存坎離。日月之交輝並照。當使萬物明麗光華。中又爲坎窞所遏。二氣不能交通。否塞壅滯。又值兌澤。施晦氣以干之。則不能全其明。君子得之。則爲睽間。

之象。

〔蹇〕上坎下艮。中存離坎。日月之明。水火相濟。是卦也。水澤所行。爲艮所止。陽明欲麗。爲坎所陷。水阻折而不通。日虧昃而不耀。君子得之。則爲蹇難之象。

〔解〕上震下坎。中存坎離。雷聲一發而雨作。日方欲明。內外皆陷。使陰陽相搏。水澤通行。沾濡萬物。故曰險以能動。動而免險。君子得之。則爲患難解散之象。

〔損〕上艮下兌。中存坤震。雷在地中。復未能發聲。則雨澤安能沛然而下。雷震而雨方行。雷既下施。山地之上。物無滋潤。枯槁可知。君子得之。則爲虧損之象。

〔益〕上巽下震。中存艮坤。山之下有地。地之上有山。其地深厚益固。上而有山。巍巍高大。巽風發榮於天地之間。震雷發動於山地之下。君子得之。則爲進益之象。

〔夬〕上兌下乾。中存乾象。陽決陰之時。五陽獨亢。一陰至柔。陽爲君子。陰爲小人。是卦陽多陰少。無小人莫養君子。莫能行其剛健。又無柔德可以濟之。必致凶惡。君子得之。則爲夬決之象。

〔姤〕上乾下巽。中存乾象。柔遇剛也。風行天下。發榮萬物。命令發施。動化萬民。衆爲君子。寡爲小人。則其身。在貴。必成其美。君子得之。則爲姤遇之象。

〔萃〕上兌下坤。中存巽艮。山地相爲培植。兌澤自上而降。灌溉滋潤。草木之本根益固。枝葉茂盛。但見其林木繁多。不可勝用。君子得之。則爲萃聚之象。

〔升〕上坤下巽。中存震兌。雷動風行。雨澤滂沱。地上有物。受其潤澤。枯者榮而秀者實矣。咸有收成之功。君子得之。則爲升進之象。

〔困〕上兌下坎。中存離巽。日欲光而上下無應。光欲通而造化之功。壅塞阻滯。君子得之。則爲困遯之象。

〔井〕上坎下巽。中存離兌。井之中有水。其來不竭。井深而脉長。則日以華麗。春水溫則風煖。夏水熱則風溽。秋水冷則風清。冬水寒則風冽。井之德有常而不變所守。君子則爲井之象。

〔革〕上兌下離。中存乾巽。天之下有風。發揚吹扇。萬物生長。此天風姤之象。天之上。有澤沾濡。天之下有風日相交。融和條暢。如春夏秋生。最吉。萬物增新而改舊。若安身在乾剛之地。多致凶矣。君子得之。則爲改革之象。

〔鼎〕上離下巽。中存乾兌。天之上。有澤有日。天之下。有風扇榮。普天之下。江河山川。陽明照麗。雨澤沾濡。巽風生長。精神秀麗。氣象更新。君子得之。則爲鼎新之象。

〔震〕內外皆震。中存坎艮。震雷驚奮。命令施設。威聲廣播。雷聲一振。山嶽動搖。是卦也。一卦二雷太過。其聲震驚百里。得之非時。恐致災眚。又主爲聲名振揚。才華溫厚。君子得之。則爲震雷之象。

〔艮〕內外皆艮。中存震坎。雷動於險。艮又止之。發聲動威。不能行其令。內外皆阻。中存險陷。君子則爲艮止之象。

〔漸〕上巽下艮。中存離坎。有日月之明。聰明光華。水行於險。艮又止之。風和日暖。適當其時。可使雨水施布。以資生長之功。萬物受利。自此有成。君子得之。則爲有漸之象。

〔歸妹〕上震下兌。中存離坎。長男豈可與少女交。則少女有所不樂。今悅以動。女所必歸從也。人倫大義。於此反背。君子得之。則爲歸妹之象。

〔豐〕上震下離。中存兌巽。雷動雨施。陰晦不光。忽然雲收雨散。而日麗照耀。四方晦昧皆明。陰氣正衰。而陽氣獨盛。光明正大。無所不燭。君子得之。則爲豐大之象。

〔旅〕上離下艮。中存巽兌。日正明而雨下。二氣相薄。陰陽不和。山之中有風。風落山下。有山風蠱之意。物皆傷壞。事事乖忒。君子得之。則爲羈旅之象。

〔巽〕上下皆巽。中存離兌。風日交和。萬物悅順。在離明之地。照耀光華。風行會布。民皆

悅服。君子申命行權。則爲巽順之象。

〔兌〕上下皆兌。中存巽離。日明於雨澤。既行之後。晦而又明。又得風扇揚其光。無物不麗。萬物咸悅。君子得之。則爲兌悅之象。

〔渙〕上巽下坎。中存艮震。山下有雷。動搖草木。根枝不寧。伏於坎險之中。雷動爲難。雷聲阻險。不行奮發。發則物受其害。是卦也。居爻行數不吉。反爲災難。逢吉。則爲患難渙散之象。

〔節〕上坎下兌。中存艮震。山之下雷聲一動。蟄蟲皆甲。出露其狀。而又得水澤以潤之。物皆受其利。必有成功之日。造化至此。萃露於中。又爲艮所遏。方欲升進。艮又止之。凡事多阻。君子得之。則爲阻節之象。

〔中孚〕上巽下兌。中存震艮。風行當發。雨澤施沛。天地之間。草木皆受其潤。剛得中則止。柔在內則順。悅以巽人。無乖爭巧競。君子得此。則爲中孚之象。

〔小過〕上震下艮。中存兌巽。艮山之上。萬物叢聚。巽風爲之扇揚。兌澤爲之滋潤。枝葉茂盛。物物順悅。無不如意。但其中震雷發動。未能全靜。君子得之。則爲小過之象。

〔既濟〕上坎下離。中存離坎。有日月之明。存乎其中。水在火上。下發其焰。鼎沸物熱。事

無相違。中存互體。既亦如此。水能澣濯而清潔。火能照耀而光明。二氣相感。以成其功。君子得之。則爲既濟之象。

〔未濟〕上離下坎。互體存乎其中。二氣相逢。陰陽不順。事皆倒置。蓋火在水上。兩無所成。君子得之。則爲未濟之象。

○論出後天六合伏體要旨

凡天地之道。窮則變。變則通。通則久。夫人生有出六合之外者。是爲極數。此必仙姿道骨。夙善因緣。宜當推究。有出後天至九五六五上九上六者。有應援伏體。有元氣化工。辭理優長。爲能極也。却將九五上九六五上六。卽起流年推之。若遇反對。爻凶理失。則壽之所終也。此游魂伏體之法。否則終能殃及。子孫必多災眚。其人自非其疾。亦必孤獨。所謂數極。有京城有山林。京城者福。山林者苦。京城滅壽。山林崇高。卽與羽去齒附翼兩足之義也。

○詳說伏體要旨

如後天之氣數。行至君爻之位。此爲數足。到此必死。無陰隲者。千日之前便死。如遇小象。與大象反對。定死無疑。有陰隲者。到君位陽爻。延至九年必死。屯蹇天眚之患。縱到

君爻亦不許行。至上極之爻。壽必不至。此或有到此者。必主大變之禍。凶暴之撓。或生異疾。或殃及子孫。或反本復始之失。所謂反本復始者。先無官。後有官。必致反其官爲無官之人。先無財。後有財。必反失其財。損人傷口。喪幼泣卑。百種千端。殃怪並發。蓋氣數如此。先是後非。反治爲亂。是物窮則變。變則極矣。有過此上極之爻。當爲超凡越世之士。乃避世之賢。逃出先後天之命。不係數中。不屬天地所拘。非係仙姿道骨。安能有此也哉。所謂逃出六合之外。乃命之最者。斯可與並論矣。



上海文書局發行

國語詳註

全四冊

六角

戰國策詳註

全六冊

八角

國語國策與盲左異曲同工漢唐以來大家大半胎息於此惟深文奧義讀者未易了了坊本訛奪殊甚註釋又多欠闕本局依據精刻薈萃諸註校勘增補審慎周詳為第一完善之本茲將本書之特色列下

- 一 段落分明
- 二 音讀正確
- 三 註釋詳允
- 四 校勘精審
- 五 印刷優美
- 六 取價低廉

各省中華書局經售

# 歷代詩文評註讀本


本局所編歷代詩文評註讀本爲吳興王均卿先生評選開示源流啟迪後學矜慎不苟煞費苦心音註均方聞之士復經先生研創發行淺深合度循序漸進洵爲詩文選本中最完善之本通行各校僉云適用茲將各書分列如後

秦漢三國文評註讀本	二册	四角	近代文評註讀本	三册	八角
南北朝文評註讀本	二册	五角	古詩評註讀本	二册	四角
唐文評註讀本	二册	四角	唐詩評註讀本	二册	四角
宋元明文評註讀本	二册	五角	宋元明詩評註讀本	二册	四角
清文評註讀本	四册	八角	清詩評註讀本	三册	六角

上海文明書局發行

各省中華書局經售





數理洛河

冊二第

行印局書明文海上

河洛理數 卷二上

宋 華山希夷先生陳搏著  
康節堯夫先生邵雍述  
明覃懷史應選念冲甫重訂

乾卦 三三

○象曰。天行健。君子以自強不息。

乾以六龍取象。生於二月至八月以前。得時也。爲福之深。蓋此卦屬四月。納甲是甲子。甲寅。甲辰。壬午。壬申。壬戌。借用甲申。甲午。甲戌。壬子。壬寅。壬辰。若生於四月。及納甲本命者。富貴。雖失爻位。亦爲福善之人。乾金秋旺。如不及時。不納甲者。貧賤。雖當爻位。亦有奔走勞役。矯詐之徒也。

○初九。潛龍勿用。

此爻是隱德之象。而示以固守之占者也。故叶者固深學廣。心懶志疑。好靜無求。名利不耀。不叶者。隱居下處。刑尅太重。奴僕少力。歲運逢之。在仕退阻。在士淹留。在商窒滯。惟僧道隱逸羽衣之流。則盤桓安樂。女命則興家業。孕生子。凡人利用幽靜。若一動作。卽生災疾。謀事則有咎。且變得姤卦。謹防小人染污之患。

○九二見龍在田利見大人。

此爻是大人德與時顯而天下不失望者也。故叶者貴而有利名。龍象也。富有產業。不叶者亦主中直。多見潤澤。歲運逢之。在仕者逢明主。居要津。在士者擢高科。馳名譽。在農者進田園。增金帛。商賈獲利。僧道加持。常人得貴人提携。然龍田德普四字。或是官職姓名字也。若女命則居富配貴。

○九三君子終日乾乾夕惕若厲无咎。

此爻是因占設戒。而示以憂勤補過之占也。故叶者最是公正之人。有名利。勤學力行。見識之廣。憂慮之深。每逢難事。變而爲易。不叶者。乍勤乍怠。無敬畏之心。有躁動之失。歲運逢之。在仕必主兼職重之任。而事多繁冗。能惕若憂勤。則可免咎。在士進取艱辛。而佳會難逢。在常俗必往來不停。而財利艱獲。凡事詳審。躁動者失。女主性躁。刑尅太重。難於內助。

○九四或躍在淵无咎。

此爻是能審於進退。而不輕於動者也。故叶者可行則行。可止則止。進德修業。及時行道。有志之士。多見科甲之遂。不叶者。雖有富貴之慕。進退多疑。終不成事。歲運逢之。在

仕則停缺待職。在士則藏器待時。在庶俗則百爲艱難。疑而未定。若女命與僧道。則安樂富貴矣。

○九五。飛龍在天。利見大人。

此爻是德位之隆。而下觀不容已者也。故叶者。立大功名。享大富貴。不叶者。難當此任。雖有高飛遠舉之志。亦難克遂。成立之願。如升天之不易也。歲運逢之。在仕未遂。清高之職。在士必飛黃騰踏之有階。在庶俗必遇尊貴之擡舉。而謀遂志得。養晦者。或近勢大宦家。或造甲第王家。或建龍宮殿宇。女命則兼男權。難免孤尅。爻拆數凶者。有見官之兆。

○上九。亢龍有悔。

此爻是履盛之危者也。故叶者。貴而無位。高而無名。能知謙戒。則可長守其富貴。不叶者。自尊自大。欺公玩法。招尤啟釁。難于成立。若是女命。其性必悍。內助艱辛。歲運逢之。在仕則退職遭貶。在士則高薦後當有損折。在庶俗則有過剛取凶之禍。五十以後者。不壽。

坤卦 三三三

○象曰地勢坤。君子以厚德載物。

節氣在十月。納甲是乙未乙巳乙卯。癸丑癸亥癸酉。借用乙丑乙亥乙酉。癸未癸巳癸卯。如生於十月。及納甲本命者。必爲名高德厚之大臣。如生不及時。卦爻失位者。亦主有田產厚祿長壽。爲僧道者。亦享厚福。女命則有柔順之德。而見夫榮子貴。

○初六履霜堅冰至。

此爻是陰始生之象也。故叶者必幼習詩書。壯得功名。蓋必生於陽月可也。不叶者則不中不正。違上習奸。損人益己。諫之則怨。諛之則喜。終不能善其後。歲運逢之。在仕則防讒佞之禍。在士則防妬忌之嗟。在庶俗則防仇怨之虞。惟陰命則大興家業。坤道方長故也。

○六二直方大。不習。无不利。

此爻是盛德之至者也。故叶者爲中正貴人。譽望高。力量大。且直方大三字。爲兆甚多。或太常。太僕。太尹。方伯之類。不叶者。亦忠實之人。多動少靜。而爲鄉里之所推重。歲運逢之。在仕則位高遷。在士則偉名上達。在庶俗則粟帛多增。在女命則爲賢良起家。

○六三含章可貞。或從王事。无成有終。

此爻是人能含晦章美者也。故叶者主學問充實。作一時之標準。主一生榮顯。享爵祿於無窮。不叶者。亦韜光斂跡。公己公人。而爲智愚謹厚之士也。歲運逢之。在仕則職修而陞遷有期。在士則文華而進取有日。在庶俗則謀深而經營有獲。在女命則爲德婦。

○六四。括囊无咎。无譽。

此爻是因時以自守者也。故叶者。雖有居位食祿之美。而謀猷不能顯設。亦終不能任重致遠。徒小補而已。不叶者。爲謹厚朴實之人。而豐厚飽煖以有餘。歲運逢之。在仕則謹守常職。而難於陞遷。在士則艱於進取。在庶俗則經營阻滯。大凡宜謹固收斂。則无非橫之禍。女命則賢而起家。

○六五。黃裳元吉。

此爻是有中順之德。而獲大善之吉者也。故叶者。文章高世。科甲冠倫。黃字爲黃榜。黃屋。黃門。宗室之兆。元字爲解會。殿三元之兆。又文字中字。爲兆甚多。不叶者。亦施爲公正。衣祿豐足。謹厚退遜。不招猜疑。歲運逢之。在仕則爲內授之選。在士則有飛黃之榮。在庶俗則有財利之招。事事安穩。災害不生。女命則爲命婦德婦。而爲內助之工人。

○上六。龍戰于野。其血玄黃。

此爻是陰盛之禍者也。故叶者。或爲將帥而臨陣有功。或居高位而僭越無忌。或處勢危而威福自恣。不叶者。性多兇狠。冒尊凌上。好大喜功。更變無定。甚則爲軍戎。歷其艱辛。吏卒受其苦楚。或好生而被殘傷。或好訟而苦其刑罰。歲運逢之。在仕則見貶斥之禍。在士則爲鏖戰於文場。雖有飛黃之榮。難免憂害破損之危。在庶俗則有爭鬪之擾。而破敗危亡之甚。

屯卦 ䷂

○象曰：雲雷屯。君子以經綸。

此坎宮二世卦。屬六月。納甲。是庚子庚寅庚辰。戊申戊戌戊子。如生於六月及納甲者。功名富貴人也。又二月至八月。得其時者爲福厚。餘月得此。則勿用有攸往。

○初九。盤桓。利居貞。利建侯。

此爻是屯難之時。進則爲民。退則守己。故叶者。當位至公侯。職居藩門。但恐非太平之時。必在險要之地。不叶者。雖守己居正。亦有威權而爲人望。但處事遲疑而少果決。歲運逢之。在仕則職修而有顯達之選。在士則從貴而有建明之義。在庶俗則安常守分。而無躁動之虞。大抵事事宜當審擇。躁妄則屯。屯。女命則賢良婦而興家。

○六二。屯如遭如。乘馬班如。匪寇婚媾。

此爻是進之有累。從之有道者也。故叶者。先孤而后不孤。先困而后不困。則爲鄉里善士。岩穴幽人。守節之女。甘貧之士。不叶者。圖遠忘近。違親向疎。雖得尊上取用。而招下猜疑。歲運逢之。在仕則取班改職。必致五馬之榮。或禦兵寇而權柄日盛。在士則進取蹉跎。在庶俗則有婚嫁交締之美。男女之生。數凶者。主辭訟勾連。程途阻滯。進退不決。而屯遭不遂矣。

○六三。卽鹿无虞。惟入于林中。君子幾。不如舍。往吝。

此爻是妄行取困。而深戒其妄行取困者也。故叶者。知幾固守。順理安行。如舜與鹿豕遊。而險陷可免。不叶者。飄泊生涯。殷勤活計。履危蹈險。而不知避。歲運逢之。在仕則招貪污之斥。在士則招停降之辱。在庶俗則遭禁獄之殃。不如守分安常爲佳。

○六四。乘馬班如。求婚媾。往吉。无不利。

此爻是求賢以濟屯。而獲遂者也。故叶者。初作賢才。終逢明主。進列清班。出爲五馬。已不求人。人自仰己。若是女命。夫榮子貴。不叶者。離鄉改祖。柔懦不能自立。雖遇提携。亦難振作。歲運逢之。在仕則祿美譽彰。而陞遷有地。在士則進取易爲。而嘉命自至。在庶

俗則人情和合。而百謀克遂。大抵得朋之助。交締之美。而吉无不利也。

○九五。屯其膏。小貞吉。大貞凶。

此爻是德不下究。而業不可大者也。故叶者稟中正之德。懷濟惠之心。則名小就不叶者。好大喜功。必遭凶禍。歲運逢之。凡有爲者。不可急躁妄誕。以取凶。但要斟酌審處。以避難也。

○上六。乘馬班如。泣血漣如。

此爻是進無所之。而憂懼甚切者也。故叶者。進前退后。心志不堅。知古通今。功名難遂。生長悲感。多艱多難。不叶者。親有刑傷。婚姻孤尅。歲運逢之。居榮見辱。在仕防讒。在士防辱。在庶俗防損。數凶者無壽。防父母之喪。

蒙卦 ䷃

○象曰。山下出泉。蒙。君子以果行育德。

離宮四世卦。屬八月。納甲。是戊寅戊辰戊午。丙戌丙子丙寅。生於八月中。納甲者。功名富貴人也。

○初六。發蒙。利用刑人。用脫桎梏。以往吝。

此爻是詳君子發蒙之道。而因以戒之者也。故叶者親近尊貴。力勤德業。或不由進取成名。或不用文字改秩。甚則修國史而立典刑。掌無權而行賞罰。不叶者亦爲良民善士。飽食煖衣。不受艱辛。歲運逢之。在仕則爲掌文教之職。或理刑名之任。在士則小試有發軔之美。在庶俗多主官訟。親朋不和。干戈爭鬪。暗昧是非。終得解脫。凶者有刑。

○九二。包蒙吉。納婦吉。子克家。

此爻是任師道之美。著其象而善其占者也。故叶者必大賢君子。大量容物。和氣待人。孝養忠國。不叶者亦能起家立業。或得妻力。得貴子。歲運逢之。在仕則守官職。在士則爲師範。在庶俗則人情和協。而百爲有成。或結婚姻。或生子孫。尊賢交接。行藏遂志。動止平安。

○六三。勿用取女。見金夫。不有躬。无攸利。

此爻是溺于自暴自棄。而不足與取者也。故叶者多學問。縱有利名。亦是棄本逐末。達正從邪。女命則爲寵妾。先輕後重。爲妮妓者。可以招福。不叶者必有陰險。搖唇鼓舌。虛而無實。徒奔走於塵途。碌碌難免。歲運逢之。在仕則有貪婪取辱之斥。在士則有燕僻廢學之嗟。在庶俗則生是非。或陰人不睦。而有酒色聲音之咎。大抵宜靜而謹防爲佳。

○六四困蒙吝。

此爻是不能親賢者也。故叶者雖是才人。難逢明主。獨善一身。徒居僻處。不叶者。寡與人交。自誇已德。宜僧宜道。子孫難續。歲運逢之。在仕則無引援。而少陞遷。在士則無薦拔。而進取艱辛。在庶俗則人情乖離。而經營蹇滯。大抵靜無災。而動有損。

○六五童蒙吉。

此爻是至誠以任賢。而治功成者也。故叶者幼而明敏。壯而謙恭。或幼童科甲。早承祖蔭。致君澤民之道。可以推行無阻。不叶者亦安常守分。和光同塵。歲運逢之。在士農工商。皆依附稱謀。爲攸順。

○上九擊蒙。不利爲寇。利禦寇。

此爻是治蒙過剛。蘊其用而異其占者也。故叶者有名位利祿。或幼選之戰功。或節制兵師。主官刑獄。不叶者亦有志氣。能勝重任。大事不懼。小事不欺。爲鄉里之豪傑。歲運逢之。在仕則有司寇名職。在士則寇可奪。功可成。在庶俗則防爭訟寇盜之擾。或奴婢爲災。

○象曰：雲上於天，需。君子以飲食宴樂。

坤宮四世卦。屬八月。納甲是甲子。甲寅。甲辰。戊申。戊戌。戊子。借用壬子。壬寅。壬辰。若生於八月。納甲之年者。富貴命也。須要元數歸元卦。爻叶吉者應。

○初九。需于郊。利用恒。无咎。

此爻是有遠險之象。而示以不變之占者也。故叶者清廉公正。而爲冷淡之官。郊外巡捕之職。不叶者。隱處山林。隨分衣祿。毀譽喜怒之不事。歲運逢之。在仕則守常職。而黜陟不加。在士則宜從外路。雖有造就。而志意不愜。經營者守舊安常。災不犯而禍不作。如數空者。葬于郊野。

○九二。需於沙。小有言。終吉。

此爻是擬人臣初進之象。先難而后獲者也。故叶者。必有貴人。沙字之義。在文則宰相而行沙隄。或武則將軍而行沙塞。言字終字。吉兆甚多。不叶者。奔走江湖。遊談鼓舌。或幼年知書。晚景獲福。歲運逢之。在仕則入言路。正論或阻於邪議。在士則考較必遭言責。終可免身辱之危。在庶俗必主以是非。卑幼爭訟之擾。大抵宜寬緩以待人。則百結不辨而自明。

○九三需於泥致寇至。

此爻是身近於險。而著其自取者也。故叶者。雖有利名。常見憂愁。區區然而不出乎塵。不叶者。性習剛強。身遭險陷。忠言不聽。妄語見信。而碌碌於叢棘之中。歲運逢之。在仕必遭貶逐。而自貽伊戚。在士必受恥辱。而無以自拔。在庶俗宜防寇盜失奪之嗟。行舟者被水厄。

○六四需於血出自穴。

此爻是能遠乎害者也。故叶者必爲正人。有才有德。觀變知幾。出險爲夷。而身家可免。傾危之患。不叶者。主違親向疎。出家作旅。幼失恃怙。老倚富豪。下則爲奴婢。使令之人。歲運逢之。在仕則能全身遠害。而寵辱不加。在士則國學者。可出身以成名。府州則不得志矣。在庶俗則傷害去。而平復之有漸。在囹圄者散。久淹者伸。旅處者無羈絆。數凶者則靜中退步。閑中生鬧。或爭競鞭刑。或血盡產難。或憂長上。或損嬰兒。

○九五需於酒食貞吉。

此爻是久於其道而化成者也。故叶者必大貴人。而功名無阻。中正二字之義。官職多端。不叶者。亦是金穀豐盈。安靜享福。次則爲飽煖之人。歲運逢之。在朝廷則有食邑榮。

生在仕則有御宴飲食之加。在庶俗則必有粟帛婚姻之事。中字大中。中書中順。正字卽奉正言正。卽正拜正字。

○上六入於穴。有不速之客三人來。敬之終吉。

此爻是加敬於非意之來。而險可出者也。故叶者多爲儒者。先勤後怠。早年銳志功名。晚歲棲身岩穴。親賢接善。無不順承。不叶者。處順安常。卑牧謙恭。而得好人拔舉。可以出危爲安。易險爲夷。歲運逢之。在仕則入內京。謹防護邪之厄。在士則入國學。謹避危疑之損。在常俗則入幽谷。謹防倉猝之患。大凡要能謹慎。則久憂得散。久淹得伸。數凶者。輕則係縲。重則埋塚。

### 訟卦三三

○象曰。天與水違行。訟。君子以作事謀始。

離宮四世卦。屬二月。納甲。是戊寅。戊辰。戊午。壬午。壬申。壬戌。借用甲午。甲申。甲戌。如生於二月。及納甲者。功名富貴人也。

○初六。不永所事。小有言。終吉。

此爻是不能終訟。始雖屈而終得伸者也。故叶者。心性明慧。度量寬宏。觀變之機。全身

遠害。順則入言路。修國史。而終無尤。譬之招不叶者。亦能酌事機。料時變。少有成就。次則有作爲而不能長久。歲運逢之。在仕必遭讒謗。不辨而明。在士則小有言傷。而終無大害。在庶俗剛有是非。起災訟而終可獲伸。有病者不藥自愈。數凶者壽不延永。

○九二不克訟。歸而逋。其邑人三百戶无眚。

此爻是訴訟之人。以情中而得吉者也。故叶者或守宰戶曹。而賞不受殃。或隱居退處。而富不招擊。不叶者。動則爲難。心不服人。進則阻滯。退則守己。亦不失爲守常之士。歲運逢之。在仕則有食邑之榮。在士則保守而毀辱不逮。在庶俗則戶口安寧而無眚。如元數凶者。主訟起戶婚。甚則逐竄流逃。而難反者也。

○六三食舊德。貞厲終吉。或從王事无成。

此爻是安分之人。以退讓而獲吉者也。故叶者或承祖父之恩。而蔭襲以承天寵。或守田園之業。而因人以成其事功。不叶者。先難後易。始辱終榮。剛而不虐。威而不猛。守常不競。自足無舊。歲運逢之。在仕則恪守常職。而難於剗除。在士則保全常分。而停降不加。在常人則不失其常。而百難不犯。

○九四不克訟。復卽命渝。安貞吉。

此爻是能自處以正而不陷於有過之地者也。故叶者志剛心慈。聞善必行。有過必改。命字安字之義。有爵命。壽命。安國。安家之兆。女人爲女人。命婦貞潔。不叶者。多越分凌節以犯上。不能察文理。就義以自省。吉不可得也。歲運逢之。在仕則閑中復職。在士則進取不失。在庶俗則改過遷善。而官訟不撓。吉則爲平安。凶則爲安置。又當預防之可也。

○九五。訟元吉。

此爻是德位兼隆。而爲訟者之利見者也。故叶者。文章高世。學問冠倫。其元字之義。有進取三元之兆。正字之義。有正郎正卿之應。不叶者。亦中正謙恭。知幾固守。而不失爲鄉里之善士。歲運逢之。在仕則除授封拜之大。在士則登科及第之顯。在庶俗則營謀求利之必遂。正字。正奉。正言。正拜。

○上九。或錫鞶帶。終朝三褫之。

此爻是能終訟始勝而終必敗者也。故叶者。喜功貪謀。圖遠果敢。有爲而不顧名分道理。行人之所不能行。可以倖爵苟祿。不叶者。禍起蕭牆。悔生意外。始得終失。而身家難保。歲運逢之。在仕則有成有敗。有進有退。在士則進取必見捷報之佳。在庶俗或見爭

訟。或承重服用之終訟。則凶。以之自訟。則吉。

師卦 ䷆

○象曰。地中有水。師。君子以容民畜衆。

坎宮三世卦。屬七月。納甲是戊寅。戊辰。戊午。癸丑。癸亥。癸酉。借用乙亥。乙酉。乙丑。乙亥。凡生於七月及納甲者。功名富貴人也。師字取義。大則師傅。師保。師將。次則兵師。禪師。法師。大師。不一。

○初六。師出以律。否臧凶。

此爻是深戒行師之不可苟者也。故叶者。威名服衆。恩愛及人。用心不私。而富貴福澤。享於無窮。不叶者。心慕更新。事不師古。始則富貴。終則傾危。歲運逢之。在仕則克盡臣道。而天寵日加。在士則文義合式。而功名可取。在庶俗則經營有法。而財貨日增。但輕於動者。成少敗多。數凶者。行險傷壽。

○九二。在師中。吉。无咎。王三錫命。

此爻是將兵者善其戰。而將將者隆其任者也。故叶者。剛而不虐。威而有惠。或執闔外之權。而軍民共戴。或居大中之位。而遐邇咸趨。不叶者。亦一鄉之善。而上獎下譽。之有。

地歲運逢之。在仕必加寵錫。天書爵命。在外入朝。在內出師。在士必成名而魁解可得。在庶俗則必遇貴。而百謀稱心。僧道受恩。女命受封。

○六三。師或輿尸凶。

此爻是輕敵以取敗者也。故叶者才德大弱。大眾不服。下人不信。不叶者。壽算難遠。歲運逢之。悲憂多至。或服丁憂。如與命相合者。變升三爻。有升虛邑之辭。未仕者不阻。已仕者受職待缺。十二月生人。又貴而吉。

○六四。師左次。无咎。

此爻是不倖成以取敗者也。故叶者。明炳幾先。酌事應變。見用於治朝。免禍於亂世。左字之義。爲兆頗多。有左輔左相。左選左曹之類。不叶者。退處卑約。宜靜安居。而爲全身遠害之吉人。歲運逢之。在仕則險要而居清冷之位。在士則爲內舍監生之美。在庶俗則安居樂業。而無妄動之危。或修造宮舍。或寄寓旅次。皆不失其常。而禍害不招矣。

○六五。田有禽。利執言。无咎。長子帥師。弟子輿尸。貞凶。

此爻是得用師之義。而盡任將之道者也。故叶者。進身有道。立功有德。彼動此應。先審後發。靖亂拯溺。而威聲大著於海宇。不叶者。或居村野。而有田園資畜。有學問。有權柄。

長子可克家。小子多無壽。下此則妄言妄動。多阻多拙。歲運逢之。在仕或爲執政。或居言路。而地位高顯。在士則進取成名。榜列后次。在庶俗則田稅日增。糞畜日繁。但有委任。得其人則謀遂志得。須防小子之阨。

○上六。大君有命。開國承家。小人勿用。

此爻是盡報功之典。而不濫於所施者也。故叶者。正大君子受恩寵。有壽命。或立朝廷之功。或承祖父之恩。不叶者。少公直。恃時勢。欺良善。可與同患難。不可與安樂。而福澤淺薄。歲運逢之。在仕者當權立功。未仕者技藝成名。常人可立家計。或承繼宗祀。或增祀續。大抵宜防讒佞。恐生僭越之禍。

比卦 二二

○象曰。地上有水。比。先王以建萬國。親諸侯。

坤宮三世卦。屬七月。納甲。是乙未乙巳乙卯。戊申戊戌戊子。借用癸巳癸卯癸未。如生於七月及納甲者。功名富貴人也。

○初六。有孚。比之。无咎。有孚盈缶。終來有他吉。

此爻是以誠感人。始無不得。而終無不善者也。故叶者無虛浮。有真實。遇外賢。受正祿。

不叶者。亦優游安樂。而不歷艱辛。僧道技藝。亦可立身。歲運逢之。在仕則有額外之遷。在士則有登薦之榮。在常人則有知己之遇。而百謀無不稱心矣。

○六二。比之自內。貞吉。

此爻是得其君而仕。正而且吉者也。故叶者。貴顯之大。福澤之厚。言發於真見。行出於本心。內字之義。爲內翰內舍之兆。不叶者。亦誠實之人。得妻家之力。貴人倚附勢。歲運逢之。在仕則見內除。在士子則成名不出方州之中。在庶俗則得貴倚附。而營謀協意。女命則得賢夫之配。

○六三。比之匪人。

此爻是不擇交而取損者也。故叶者。內無好親輔。而心有不足。外無好應與。而終有失志。縱能居位食祿。恐壽年虧而嗣續艱。不叶者。進學無成。好親小人。甚則帶疾生災。放溢爲非。而傷損無日。歲運逢之。在仕則防同僚不睦之愆。在士則防黜降之虞。在常俗則損友猜疑。氣血損傷。若女子所嫁必非良人。破家喪身之象。不然。則有爭訟破財刑。孝多般撓括。未免徒流。

○六四。外比之貞吉。

此爻是外比得其君正而且吉者也。故叶者虛己待人盡節事君。身處於內心比於外。而富貴可以長享。不叶者亦爲人正大而無阿諛苟合之行。鄉里推重脫凡越俗。歲運逢之。在任卑職得陞遷之榮。進取曹臺得利。在庶俗出而有爲。多得知己之力而行無不遂。

○九五顯比。王用三驅。失前禽。邑人不誠。吉。

此爻是有德足以當天下之比者也。故叶者大公至正。而致君澤民之有道。中正二字之義。有正奏正言。大中治中。給事中之兆。小則有食邑宰邑之榮。不叶者有中正之德。不拒不追。殺氣纔起。仁心便生。度量寬弘。先孤而後不孤。先難而後不難。次則爲勤苦罟網之徒。而飽煖足食。或以文及武。歲運逢之。在仕則有超遷之榮。在士則有貢舉之兆。在庶俗則有先逆後順之休。求謀有得。無往不利。

○上六比之无首凶。

此爻是無德而不能服天下之心者也。故叶者文清身正。多失機會。悔生不及。不叶者壽算難永。或孤獨失覆。歲運逢之。在仕則衆不輔而處勢危。在士則上無援引而名難成。在常人則刑剋災殃。而人情爭張。甚則壽終。

小畜卦 三十三

○象曰。風行天上。小畜。君子以懿文德。

巽宮四世卦。屬十一月。納甲。是甲子甲寅甲辰。辛未辛巳辛卯。借用壬子壬寅壬辰。如生於十一月。納甲者。功名富貴人也。

○初九。復自道。何其咎。吉。

此爻是進得其正。而善其占者也。故叶者。順理而行。知幾而止。小人不得以伺其隙。而致君澤民之心。可以克遂而無阻。不叶者。亦耿介之士。不慕浮華。而快樂瀟灑之有地。次則獨立無助。僧道之儔耳。歲運逢之。在仕則閑官復職。逆旅還鄉。常俗安靜。在士則克復肄業。數凶者。變巽初爻。進退志疑。在有爲者。當防猜忌疑惑之禍。

○九二。牽復。吉。

此爻是援同道以進。而道無不行者也。故叶者。剛中自守。親賢取友。而道行志伸。中字之義。有治中。中書省之兆。不叶者。必與小人相交。有貴而不能大用。歲運逢之。在仕則爲僚長。而牽引有階。在士則爲道長。而拔萃有地。在常人。則聯同志以尙往。而營謀得遂。數凶者。有牽連反復失事之兆。

○九三輿脫輻。夫妻反目。

此爻是剛健太過。而見畜於小人者也。故叶者。但小小營謀。而貪高望大。之有反遭傷害。剛健太過。拘執不通。諫則不從。終當見阻。或君臣疎遠不孚。或夫妻乖違不睦。或朋友是非。血氣損傷。歲運逢之。榮而見辱。進而見退。或生足目之疾。或人口分別。百弊病生。

○六四。有孚血去。惕出无咎。

此爻是誠心感人。而得免於害者也。故叶者。虛中柔順。謙己守正。遇貴人。逢知己。在內仕者外選。在國學者出選。易悲爲歡。轉凶爲吉。不失爲正道之貴人。不叶者。多猜忌。而無定見。或生足疾氣蠱。內外不睦。憂愁度日。歲運逢之。在仕則得同志舉拔。而久任者。必至轉遷。在士則得上人合志。久淹者而志可伸。在庶俗則誠能感物。而人情和合。營謀頗遂。其數之凶者。須防血肉之損。

○九五。有孚攣如。富以其鄰。

此爻是德力足以感結乎人心。而可以禦暴者也。叶者。貴不自尊。富而濟物。彼此一體。親疎一心。而仰慕趨赴之。有人不叶者。雖不得獨力自奮。亦必倚富而得受用。或得贊。

助之力。而膺傭夫之福。歲運逢之。在仕則上必信用。下必欽服。而加位增之。在士則主同協意。而功成名立。在庶俗則扶助有人。而百謀稱心。

○上九。既雨既處。尚德載。婦貞厲。月幾望。君子征。凶。

此爻是自尚乎陰德。而君子受其害也。故叶者。積之厚。養之裕。而足食聚財。而無損弊之嗟。不叶者。利名纒至。破敗疊來。若是女命。性剛心悍。壽脆災生。歲運逢之。在仕則逐於陰邪。在士則見斥於主司。在庶俗必見墮於小人之奸。而是非旋擾。惟鬧中退步。樂處休貪。則可免災。

### 履卦三三三

○象曰。上天下澤。履。君子以辨上下。定民志。

艮宮五世卦。屬三月。納甲。是丁巳丁卯丁丑。壬午壬申壬戌。借用甲戌甲午甲申。凡生於三月及納甲者。功名富貴人也。又乾兌二體屬金。正秋之時。乃逢旺地。方爲得體。

○初九。素履往。无咎。

此爻是達不離道。而得尚進之宜者也。故叶者。剛立有守。質實不浮。達則兼善天下。而無剝民玩君之志。不叶者。獨善其身。而廉隅壁於清修之地。或儒科自奮。或遇親眷。或

作僧道。歲運逢之。在仕則弘化有道。而陞遷及期。在士則幼學壯行。而利名成就。在庶俗則營謀有計。而財利日增。數凶者有皞素之象。

○九二履道坦坦。幽人貞吉。

此爻是以隱自高者也。故叶者。抱道自樂。無歎於中。無鍾鼎之榮。有田里之樂。不叶者。多作清閑之人。而榮辱不加。飽煖無求。歲運逢之。在仕則有吉休之兆。在士則有難遇之嗟。在庶俗則有安居自足之美。大抵宜行實地。謀爲審擇。則人事和諧。而貞吉可得。數凶者有幽冥之應。

○六三眇能視。跛能履。履虎尾。咥人凶。武人爲於大君。

此爻是失所履之道。而有以致凶者也。故叶者。自用自尊。而眇視天下。傍若無人。而謀猷難於設施。剛暴足以取禍。不叶者。或爲軍卒配徒之流。或爲瞽目跛足之輩。或爲愚賤夭折之人。歲運逢之。在仕則遭貶斥之禍。在士則招屈降之辱。在庶俗則招爭訟囚獄之撓。甚者家破身亡。

○九四履虎尾。愬愬終吉。

此爻是事君以敬而得其志者也。故叶者。以敬慎事君。以柔順服強暴。雖行於今。而志

則懷乎古。可以易爲安。轉凶爲吉。不叶者。或艱辛起家。平易結果。歲運逢之。在仕則有虛符將帥之兆。在士則有虎榜題名之應。在庶俗則有履危蹈險之患。惟謹畏自持。可免災患。女命得此。多是刑尅太重。敗家淫亂。不良之婦也。

○九五。夫履貞厲。

此爻是自恃其所履。而有傷者也。故叶者。勇於進德。力於行道。斥逐邪人。舉揚善類。而是非利害之不顧。不叶者。人情寡合。徒汲汲塵途。而禍患旋踵。成立艱苦。歲運逢之。在仕則功高天下而不賞。在士則道高人表而名不成。在庶俗則躁動妄行。而禍患疊至。甚則喪亡無日矣。

○上九。視履考祥。其旋元吉。

此爻是盡所履之道。而有以致福者也。故叶者。爲高才大德之貴人。行無虧欠。福必厚裕。不叶者。變爲引兌之小人。行不正之道。而福祉難獲。歲運逢之。仕顯者退旋。以享安靖和平之福。士人進取必作魁元。常人亦有財帛。數凶者有喪亡之兆。蓋考字之義。故也。凡有爲者。不可輕易反聽信外言。恐有傷於後慮。

泰卦三三三

○象曰天地交泰。后以裁成天地之道。輔相天地之宜。以左右民。

凡得此卦。若元數歸局者。貴之極也。大象之辭。皆師保師相。出將入相之事。坤宮三世卦屬正月。納甲。是甲子甲寅甲辰。癸丑癸亥癸酉。借用壬子壬寅壬辰。乙酉乙亥乙丑。正月及納甲生者。功名富貴人也。生非其時者。其福淺。六爻皆宜固守。不可輕進。

○初九拔茅茹。以其彙。征吉。

此爻是類進之象。而與其大行之占者也。故叶者。高明正大。親君子。遠小人。公而忘私。國而忘家。立功名。享富貴。不叶者。亦朋輩協理。氣合道同。而成立不難。歲運逢之。在仕則同寅協恭。而超遷有基。在士則同道尚德。而飛騰有日。在庶俗則同志合謀。則財利日增。

○九二包荒用馮河。不遐遺。朋亡。得尚於中行。

此爻是有剛中之德。而爲保大之臣者也。故叶者。量大能容。兼收並蓄。不以遠而違。不以親而比。中正不阿。足以開太平之業。而富貴悠久。不叶者。亦不失爲謹厚之士。而鄉里推重。富有殷實。歲運逢之。在仕則有禦邊疆。守江湖。或大中中奉中書省之類。在士則進取成名。營謀者獲利。常俗必遇尊貴。如不入局。不得位。則變明夷二爻。防長上有

損言語有傷。

○九三。无平不陂。无往不復。艱貞无咎。勿恤其孚。于食有福。

此爻是治泰於將否之時。終於致富者也。故叶者。艱危其思慮。正固其施爲。盡人事以挽回乎天意。而太寧之福。可享於不替。不叶者。或成或敗。艱中獲福。歲運逢之。在仕宜克艱厥任。當防小人妬忌之奸。在士宜保其所固有。不可圖倖進之名。在庶俗宜戰兢自持。以保其身家。大抵宜艱難中退步。則有功。謹厚則安。不然。小人侵凌。每事見阻。

○六四。翩翩不富。以其鄰。不戒以孚。

此爻是小人並進之時者也。故叶者。多阻多疑。心志不一。或得或失。功名難全。奔馳作旅。辛苦成家。不叶者。或倚托隣貴。倚仗親富。歲運逢之。已仕者退避。進取難成。營謀失利。居闈有謗。依止則脫禍。化工全。則出仕於遠僻。勞碌不暇。

○六五。帝乙歸妹。以祉元吉。

此爻是下賢以誠而進以格天之治者也。故叶者。富貴不驕。恭謙持已。或賢室助己。貴子克家。富貴不甚勞力。但權不由己。女命得此。勤儉成家。不叶者。亦中正吉人。不施威而人自平服。生平安樂。內助有功。歲運逢之。在仕主有遷除。或有喜事。在士則有步蟾。

之兆。在庶俗主得人擡舉。或結姻生育。而百福悠集。

○上六。城復於隍。勿用師。自邑告命。貞吝。

此爻是欲保于治否之後。而終以致羞者也。故叶者。卑約自處。庶幾小立規模。然終見阻挫而招咎。不叶者。誇已逞強。家破身亡。自大化小。歲運逢之。在仕遭謫貶。在士遭羞辱。在庶俗有破損。有疾病。難於壽。惟謹厚免禍。

否卦三三

○象曰。天地不交。否。君子以儉德避難。不可榮以祿。

得此卦者。上三爻爲君子之道。吉。下三爻爲小人之道。凶。乾宮三世卦。屬七月。納甲是乙未。乙巳。乙卯。壬午。壬申。壬戌。借用癸卯。癸巳。癸未。甲午。甲戌。甲申。若生於七月及納甲者。功名富貴人也。

○初六。拔茅茹。以其彙。貞吉。亨。

此爻是能反於正而得吉者也。故叶者。多名譽之人。改祖外立。遠近從遠。志在憂君。心不私己。不爲國家之慮。不失在己之福。不叶者。度時而進。知幾而退。惟逢艱難之時。難行中正之道。僅可保其身家。而無傾危之憂。歲運逢之。在仕受職者待缺。居位者防讒。

在士則機會難逢。在庶俗守舊。蓋小人道長之時。縱爻辭美。不足羨也。防小人牽連之事。

○六二。包承。小人吉。大人否。亨。

此爻是小人而無傷善之心。而得吉者也。故叶者。爲中正貴人。寬而有容。靜以待動。自能撥亂反治。轉否爲泰。而福澤無虧。雖時阻挫。亦無累也。不叶者。爲流俗處賢否之間。有名非正。有祿非真。惟宜愛護。保守免禍。歲運逢之。在仕宜見幾早作。在士宜藏器待時。在庶俗宜包羞忍耻。以保全身家。不然。是非好惡難明。而災害難道。

○六三。包羞。

此爻是小人志於傷善而未能者也。故叶者。遇貴人君子。信用庇護。或有卑職。亦有停阻。虛名無實。惟僧道宜之。不叶者。不能守道。窮斯濫矣。歲運逢之。在仕告休。在士防辱。在庶俗防是非爭訟之撓。

○九四。有命。无咎。疇離祉。

此爻是際天人之會。而因與其同道之受福者也。故叶者。功名之人。獲壽命。納福祉。變爲觀。則觀光上國。利用賓于王。乃得志行道而無阻也。不叶者。亦有福壽。有田園。多動

少滯。歲運逢之。在仕則朋僚助力。而爵祿日加。在士則得人薦舉。而名譽日著。在庶俗則田業日增。而吉慶多集。或庇蔭子孫。而受福祉之遠。

○九五。休否。大人吉。其亡其亡。繫于苞桑。

此爻是與其開太平之人。而示以保太之術者也。故叶者重德君子。防患有道。處事最公。謹慎詳審。固守不失。能休時之否。而富貴可以長享。不叶者。有德有才。而難於設施。亦不失爲中正之吉人。無咎無譽。平生安逸。歲運逢之。舊禍已去。新福將來。忌我者退。尙遜者名。利居家。進田園。桑麻足而倉廩實。且變爲晉五爻。有憂者喜矣。失者得矣。在仕必居正位大夫之任。數凶者有損亡刑剋。

○上九。傾否。先否後喜。

此爻是能傾時之否而獲亨者也。故叶者。剛大之志。設施過人。先歷艱辛。後享安逸。蓋物極而必反故也。不叶者。名利難遂。骨肉刑傷。惟僧道最宜。歲運逢之。在仕失職者復職。閒缺者復補。在士停降者復取。淹滯者復伸。久困者利達。久訟者解散。數凶有變。故上爻有咨嗟涕洟之辭。壽算難久。

同人卦 三三

○象曰。天與火同人。君子以類族辨物。

離宮四世卦屬正月。納甲。是己卯己丑己亥。壬午壬申壬戌。借用甲午甲申甲戌。生於正月及納甲者。乃功名富貴之人也。

○初九。同人于門。无咎。

此爻是爲格物之象。而必善其占者也。故叶者。量大能容。至公無私。其門字之義。爲類甚多。小則爲門館。大則爲門下平章事。黃門。金門。轅門。帳門之類。當看卦爻推其輕重。而詳之不叶者。多離祖戶。或就妻家。或作商旅。或作僧道。歲運逢之。在仕則入內臺而陞遷有地。在士則出學門而登薦有機。在庶俗則協心同志。以其事而經營獲利。或出家遠行。或修造門戶。或身在於他門。

○六二。同人於宗。吝。

此爻是比而不叶者也。故叶者。才高識廣。但心僻性偏。或爲科目之魁。或爲宗室之賓。或爲宗師之官。不叶者。終不遠大。常懷憂戚。或過房同宗。婚姻他室。或作山林之人。歲運逢之。在仕則局於地位。而爵祿不廣。在士則利于小試。而飛黃難爲。在庶俗事多不定。或宗族朋友不睦。或被愛此惡。而猜忌日招。或近合遠違。而是非日起。

○九三。伏戎于莽。升其高陵。三歲不興。

此爻是非分以相求。而不能致其用者也。故叶者。好強逞勢。欲前欲后。志向不一。多驚多慮。心事難測。或爲吏卒。或爲軍戎。或爲草莽之耕士。或爲丘陵之隱逸。不叶者。放盜爲非。玩法悖義。甚則招禍遭刑。而悔不及。歲運逢之。在仕防失職。在士則有升高之兆。在庶俗則有喪親獄訟之患。

○九四。乘其墉。弗克攻。吉。

此爻是能以義裁勢而善之者也。故叶者。見機而退。知足不貪。臨事而揆之以義。處物而能反之以理。或貴而鎮守邊域。或富而高大墻垣。非小器者比也。不叶者。進取費力。卓立費心。或得上人信用。下人奉承。歲運逢之。在仕則專城守土。修築城池。因功受爵。在士則有登墉弗克之嗟。在庶俗有疑忌爭鬪之事。榮中有辱。士後見榮。大槩凡事貴未然之防。則得吉也。

○九五。同人先號咷而後笑。大師克相遇。

此爻是先睽後合。而不能不假於力者也。故叶者。中正君子。有才德。有名利。初難後顯。或貴爲師帥。而總領大師。或爲中書中奉直殿等之職。不叶者。先歷艱辛。早見刑傷。晚

雖有遇。福淺禍深。歲運逢之。在仕則居言路。先謫後起。在士始阻終遇。在庶俗則先難後易。悲懼迭見。是非不一。

○上六。同人于郊。无悔。

此爻是特立自守。而可以自得者也。故叶者。心地寬大。才德清高。富貴瀟灑之流。不叶者。爲僧道而處於郊野。爲商旅而志有未得。歲運逢之。在仕則常出遠郡。未仕者。則難逢嘉會。在庶俗則守舊安常。淡薄生涯。數凶者不利。

大有卦三三

○象曰。火在天上。大有。君子以遏惡揚善。順天休命。

乾宮三世卦。屬正月。納甲。是甲子甲寅甲辰己酉己未己巳。借用壬子壬寅壬辰。生於正月及納甲者。乃功名富貴之人也。

○初九。无交害。匪咎。艱則无咎。

此爻是知富有不可以過盛。而守其艱。可以免害者也。故叶者。才清德重。未逢汲引。求名不足。求利有餘。不叶者。常遭毀辱。每遇艱辛。保守固存。咎尤可免。歲運逢之。在仕宜見幾勇退。不可貪位貪祿。在士不可處進。以招擢抑。在庶俗則心緒憂煩。小人欺凌長。

上而有災。嘗艱危自持。庶免傾危。

○九二。大車以載。有攸往。无咎。

此爻是任天下之重而無咎者也。故叶者。有大才德。理大亂。立大功。如大車之載。可以積厚於中而無敗者也。不叶者。亦有福有壽。居積致富。無憂無禍。歲運逢之。閑官驛車。選召。有大除拜。勇將出師。戰勝攻取。士子進取成名。常人營謀厚載。財穀豐裕。或曰。輿車之兆。不利老壽。

○九三。公用亨于天子。小人弗克。

此爻是大臣得君以納其忠者也。故叶者。才高德備。大公無我。得君行道。而平日之所抱負者。一一敷陳於廟廊之上。不叶者。貪謀私己。必有大害。成立艱難。易滿易消。歲運逢之。在任必勝朝廷之重任。在士必作大魁。在庶俗必招災難。晦滯蹇蹇。小輩欺凌。凶則變。睽刑傷難免。

○九四。匪其彭。无咎。

此爻是大臣履盛滿而知所戒。可以寡過者也。故叶者。大公無私。不驕淫。不矜誇。既明且哲。以保其身。善始善終。不叶者。貪小易盈。遂成僭竊之禍。身家難保。歲運逢之。在任

安職。免凌逼之禍。在士待時。免褫革之虞。在庶俗守常。免毀傷之害。或有眼疾。明則損故也。

○六五。厥孚交如。威如吉。

此爻是在君道而有威信以治民者也。故叶者。恩威並行。德望並著。上下交孚。遐邇相應。足以立大功。享富貴。不叶者。多委靡不振。恩徒施而反遭謗。澤雖布而反召怨。歲運逢之。在仕宜知幾而退。在士宜乘機而進。在庶俗宜相時而動。但不可輕慢驕縱以取禍。

○上九。自天祐之。吉无不利。

此爻是善處乎大有之時。而必獲天眷者也。故叶者。剛大。而能謙讓。德之所施。足以契天之心。行之所履。足以動天之感。富貴有長享之慶。隨在皆自得之休。不叶者。亦道德之士。豐厚富庶。而平生無非橫之撓。歲運逢之。在官進職。在士成名。常人得尊上之庇。農家進業。

謙卦 三三

○象曰。地中有山。謙。君子以裒多益寡。稱物平施。

兌宮五世卦屬九月納甲。是丙申丙辰丙午癸丑癸亥癸酉。借用乙丑乙酉乙亥。如生於九月及納甲者。功名富貴人也。

○初六謙謙君子。用涉大川吉。

此爻是行巽而達之得宜者也。故叶者退讓以明其禮。溫恭以宜其情。雖患難危厄之秋。亦可振險而投之夷。易危而措之安。在上信任。在下依歸。以牧字之義。有守土之兆。次則或修心養性。樂道優閑。災害不生。不叶者。心懶多進。則見退。拙於施爲。甘爲人下。歲運逢之。在仕爲牧民之職。在士宜懷珍待聘。在庶俗宜遠涉江湖。以作商旅。凶者變明夷之傷也。

○六二鳴謙貞吉。

此爻是名譽之隆。而示以居貞之善也。故叶者。無私無詔。有德有才。其鳴字之義。多是言路官職之兆。不叶者。亦得人舉揚濟人。歲運逢之。在仕遷職。未仕進取成名。庶俗未可輕舉。惟宜退守。

○九三勞謙君子。有終吉。

此爻是讓功之善。而與之者也。故叶者。文章高世。道義過人。能勝重任。立大功勞。不叶

者爲人誠實。鄉里推重。施恩不求報。有德不自誇。歲運逢之。在仕必高遷。在士必得際遇。在庶俗必營謀獲利。又勞字。主勞心費力。

○六四。无不利。撝謙。

此爻是行無不得。而當益致其恭者也。故叶者。有德有才。上信下服。修辭立言。恭謙無僞。足以立功名。享富貴。不叶者。亦親近尊貴。交接賢才。爲鄉里之正人。歲運逢之。無所不通。但士農工商。宜固守退讓。蓋一變小過。往厲必戒。勿用。此亦當卑約。不然。取損害爾。

○六五。不富以其鄰。利用侵伐。无不利。

此爻是人君謙德之化。而因兩善其占者也。故叶者。謙恭退讓。英雄豪傑。多入於彀中。以之而建立事功。以之而贊成德業。無不如意。不叶者。或文中成名。武中立功。富概鄉鄰。威服頑悍。歲運逢之。在仕則文武兼用。或掌兵刑。在士則有發科之兆。常人遇貴成事。則利倍獲。又主爭訟。

○上六。鳴謙。利用行師。征邑國。

此爻是能謙而爲才位之所限者也。故叶者。勤於學古。勇於行道。或作武貴。稍遂其志。

或爲縣邑督捕之官。不叶者。多遇知己。少得助力。治家保身。小小規模。歲運逢之。在仕必有闔寄征伐之權。在士則利於小試。而名譽稍彰。在庶俗有爭訟之擾。不辨自明。知幾免損。當官者貴。以清心事爲本。方免其悔。

豫卦 ䷏

○象曰。雷出地奮。豫。先王以作樂崇德。殷薦之上帝。以配祖考。

震宮三世卦。屬五月。納甲。是乙未乙巳乙卯。庚午庚申庚戌。借用癸未癸丑癸亥癸巳。癸卯癸酉。生於五月及納甲者。功名富貴人也。雷出地奮。生於三月八月爲及時。福力之厚。一震驚人。大富大貴之造也。餘月福淺。失時故也。

○初六。鳴豫凶。

此爻是得人之譽。以自鳴者也。故叶者。上有強援。得時主事。有所依附。而可成其小小營謀。不叶者。淺狹之量。多縱欲敗度。以自招傾危。歲運逢之。在仕則有待恩寵之患。在士則有一鳴驚人。之兆。在庶俗則有驚憂口舌及阻厄之難。當官者自陳免禍。

○六二。介于石。不終日。貞吉。

此爻是守中正見機之象。而因以善其占者也。故叶者。勤修德業。力行中正。見事敏捷。

名譽高遠。而富貴不能淫。貧賤不能移。威武不能屈。耿介忠烈。可以柱石朝廷。不叶者。亦介然固守。不瀆不詔。知機吉人。歲運逢之。在仕者急流勇退。始進取者。可以成名。常人獲利。

○六三。盱豫悔。遲有悔。

此爻是示人以爲豫而知所悔焉。故可以無悔者也。故叶者。雖援上賢。不能濟事。縱有卑職。多見阻挫。不叶者。進退無定。心志不安。歲運逢之。凡人所圖無實。乍進乍退。是非不一。

○九四。由豫大有得。勿疑朋盍簪。

此爻是有致豫之功。而示以保豫之道者也。故叶者。名清德厚。權重功高。行大事。決大疑。主大難。不叶者。亦福德之人。得衆尊欽。夫妻偕老。若陰命。妻叶卦者。得福得壽。但不居正位。歲運逢之。進取成名。常人經營獲利。在仕者必得知己薦舉。

○六五。貞疾。恒不死。

此爻是縱己之豫。以自溺者也。故叶者。或作貴人。正當憂阻。志多柔好。權出他人。事不由己。在世雖顯。有疾延壽。不叶者。柔懦不能自立。多見疾患臨身。歲運逢之。在仕多依

附權勢。恃恩固寵。在士則援引無人。而際遇無機。在庶俗多心事不足。災害難免。或心腹生疾。

○上六。復豫。成有渝。无咎。

此爻是縱己以爲豫。知所變焉。則可以無咎者也。故叶者。納言從諫。遷善改過。而利名頗得。不叶者。樂極生悲。終不能久。歲運逢之。在仕有貪污之謫。在士有昏冥差訛之辱。在庶俗有驕傲訟爭之擾。大抵宜遷善改過悔思。則可以免咎。

隨卦二二二

○象曰。澤中有雷。隨。君子以嚮晦入宴息。

大凡有雷澤之體。惟生於二月至八月爲及時。則福深。九月至正月爲失時。福淺。震宮八世卦屬七月。納甲是庚子庚寅庚辰。丁亥丁酉丁未。如生於七月及納甲者。功名富貴人也。

○初九。官有渝。貞吉。出門交有功。

此爻是隨人雖變其常。惟公正則可以无咎者也。故叶者。大才大德之貴人。必定大難當大變。決大疑。門字正字之義。應兆甚多。不叶者。多依附權勢。公正不敗。則與之協力。

者衆。故有功則可成立。或出外以營謀其家計。歲運逢之。在仕則遷位以從正道。在士則多得佳會。在常人多獲利。

○六二。係小子。失丈夫。

此爻是失所隨之人者也。夫叶者。小有才之人。立性不定。愛親邪媚之小人。不親正大之君子。女子元數叶者。必有配貴顯之夫。或得次子之力。不叶者。必爲卑下僕隸之賤。侍妾婢使之輩。歲運逢之。凡人皆不安寧。或小人是非之累。而有拘絆之災。當官者宜退避。進取者宜知幾。

○六三。係丈夫。失小子。隨有求得。利居貞。

此爻是所隨得其正。因其勢之利而戒之者也。故叶者。得遇上人成引進名。凡有所求。其願無有不得。但不得奴僕之力。招小人毀謗之吝。心勿躁動。事宜遲緩。不叶者。雖有名利而無子力。女命必遭貴夫。或傷子媳。歲運逢之。在仕得人保舉而爵崇。在士則得主司援引。而求名可得。在庶俗營謀可得。但皆宜道義自安。乃爲得利也。數凶者。防小口陰人之嗟。

○九四。隨有獲。貞凶。有孚在道。以明何咎。

此爻是所隨雖履其危。然惟其誠正。則可以无咎矣。故叶者精誠積乎中。舉動合乎理。位極而無凌主之嫌。勢重而無專權之過。不叶者有所獲而招凶。有所遂而招險。或得上之譴責。或惹下之猜忌。或爲商。或爲賈。而碌碌于道塗。歲運逢之。在仕必居要路而專權。進取者必成。而名可得。在庶俗必得好人擡舉。而變凶爲吉。道字明字之義。宜加察焉。或地名人名云。

○九五。孚于嘉。吉。

此爻是有任賢之誠。而獲用賢之效者也。故叶者好賢忘勢。易知易從。有親有功。凝天命於無虞。孚天祿於無疆。中正二字。爲兆甚多。不叶者亦有孚信從中道。而爲善人吉士。彼無惡而此無射。歲運逢之。在仕有遷除之喜。在士有登薦之嘉。在庶俗有營謀順適之休。多喜慶之事。

○上六。拘係之。乃從維之。王用亨于西山。

此爻是以誠隨人之象。而推其可通於神明者也。故叶者謹恪誠實。溫良慈惠。明可以感乎人。而志無不遂。幽可以通乎神。而福無不降。不叶者進則困窮。生計艱難。惟隱於山林則吉。歲運逢之。多不永年。望牽係慮。心志不能遂。在仕防讒。在士防辱。在庶俗防

損并縲紲之憂。

蠱卦三三

○象曰山下有風。蠱。君子以振民育德。

巽宮二世卦屬正月。得此卦者。多起自艱辛。不然。先迷後得。承祖宗舊業。納甲。是辛丑辛亥辛酉丙戌丙子丙寅。如生於春夏秋者及時。借用戊午丁亥丁未及納甲者。功名富貴人也。與父母不和。

○初六。幹父之蠱。有子考无咎。厲終吉。

此爻是能修業。克肖夫先人而因以戒之者也。故叶者。勇於進取。決於幹事。盡忠盡孝。經涉危難。建立事功。合先人之道義。爲後人之規模。不叶者。不靠祖業。自爲活計。遇難不辭。見榮不做。歲運逢之。在仕則承朝廷之重任。而革奸除弊。在士俗或承祖父之恩。或子孫以承考志。或謀爲遂意。數凶者有憂愁。老者不壽。考字之義故也。考字又考試之義。

○九二。幹母之蠱。不可貞。

此爻是人臣贊君之業。而示以祇順之道者也。故叶者。有剛大之才。行中正之道。常懷

直心難遇。知已補弊救偏。而飾治其緒業。爲世所仰望。不叶者。亦行中道。而有爲有守。而非鄙夫之可倫也。歲運逢之。在仕幹辨舊緒之有餘。而祿位穩固。在庶俗士子。爲營父母遠大之事。改舊更新。无不如意。女命勤儉持家。而性忠直。多富。

○九三。幹父之蠱。小有悔。无大咎。

此爻是治蠱過於剛者。所以不免悔也。故叶者。剛明勇決。當爲則爲。而無所顧忌。雖有差失。善于補過。多利終無損喪。而爲一世之偉士。不叶者。遇其事幹則易。早歷憂勤。晚始受用。歲運逢之。在仕有建立主張大過之愆。在士庶修爲。有拂戾躁急之失。大凡躬行王道。勿信邪言。免悔。

○六四。裕父之蠱。往見吝。

此爻是大臣革弊而不能速改。而弊終不可革者也。故叶者。性委靡。雖有大才。不能設施。不叶者。心多憂疑。事欠果斷。小謀則就。大用則損。歲運逢之。在仕主尸位素餐之諂。在士有燕僻廢業之失。在庶俗有盤樂怠傲之損。事事見憂。且生足疾。一變爲鼎九四。多坎屯也。

○六五。幹父之蠱。用譽。

此爻是人君得賢以敷治。斯隆美譽于天下者也。故叶者清才異俗。重德濟世。能成大業。所謂立身行道。以顯父母者也。不叶者心力不開。亦能起家。鄉里仰望。歲運逢之。在仕遷擢顯位。而名譽遠播。在士登薦而聲名揚溢。在庶俗更變門戶。別立規模。多喜慶進人口。

○上九不事王侯。高尚其事。

此爻是有德而不見用。唯隱居以求其志者也。故叶者有道可用。有德可尊。但高尚其志。而不輕於進取。不叶者亦清高異俗。淡薄生涯。不隨汚俗。歲運逢之。在官則告休。在士則待時。在庶俗則守舊。數吉者多有尊貴。獲拔寵召之慶。

臨卦 三三二

○象曰：澤上有地。臨。君子以教思無窮。容保民無疆。

坤宮二世卦。屬十二月。納甲。是丁巳丁卯丁丑。癸亥癸丑癸酉。借用乙丑乙亥乙酉。如生於十二月。納甲者功名富貴人也。

○初九。咸臨。貞吉。

此爻是有臨陰之善道者也。故叶者至大之才。至重之德。謙恭待上。慈愛及下。進修正

道排斥讒言。是爲大貴人也。不叶者。亦是公正。隨時俯仰。閭里推重。歲運逢之。在仕者。知機相從。得人共濟。而職位高遷。在士考校。必臨於諸士之首。而功名必遂。在庶俗。必臨有道而營謀稱意。

○九二咸臨吉。无不利。

此爻是擬其逼陰之象。而深與之者也。故叶者。進德之勤。行道之力。以順出逆。以仁易暴。道可行。志可伸。而動無所括。事可立。功可成。而行無所阻。不叶者。亦作善士。能起家業。而營蓄其利。歲運逢之。在仕則去邪輔正。而地位清高。在士則進取利達。而無所阻滯。在庶俗營謀獲利。大抵要斟酌時宜。不然。未順命之辭。亦美中不足戒之。

○六三甘臨。无攸利。既憂之。无咎。

此爻是以甘臨下。而深戒占者也。故叶者。損過就中。矯偏居正。亦可以居上。以臨下。但所處之位不當。不失爲教諭訓導之職。不叶者。專習邪言。巧於媚世。損物欺人。而憂思愁慮。以度生。女命多言損行。歲運逢之。在仕則有讒邪佞口之譖。在士則有詔諛奔走之失。庶俗有悲愁怨苦之虞。

○六四至臨。无咎。

此爻是與人以誠。而得補過之道者也。故叶者。必中正貴人。朋黨相信。而功業之易就。不叶者。亦有福之人。而安逸少災。有技藝。有聲名。歲運逢之。在仕則得僚友之力。在士則得麗澤之美。在庶俗則得人情和合。而經營頓遂。但變歸妹愆期之辭。凡有爲者。審而後發。方可。

○六五。知臨大君之宜。吉。

此爻是不自用。以盡乎君道。則逸而有成者也。故叶者。好賢禮士。恭謙明哲。而爲大貴。上承天寵。下係民望。中字官職之兆。行字行師之應。不叶者。亦是福人。蓋變節卦。不傷財。不害民也。歲運逢之。在仕則顯越。在士則登庸。在庶俗則謀爲順遂。

○上六。敦臨吉。无咎。

此爻是與人相親之厚。而因善其占者也。故叶者。爲大貴人。一念惓惓。與同德以共濟。移風易俗。事業豐厚。不叶者。年高德厚。改祖外立。家給人足。歲運逢之。在仕必居內侍。內翰。士子進大學。入內舍。在庶俗多獲利。近取遠取。無往不利。

觀卦 三三

○象曰。風行地上。觀。先王以省方。觀民設教。

乾宮四世卦屬八月納甲。是乙未乙巳乙卯。辛未辛巳辛卯。借用癸未癸巳癸卯。生於八月及納甲者。乃功名富貴之人也。

○初六童觀。小人无咎。君子吝。

此爻是無德。不足以近君者也。故叶者。主幼性敏穎。習於童科。亦得賴一研以聊生。不叶者。縱有利名。所見淺狹。所爲鄙吝。習於下流。不能設施大事。歲運逢之。在仕艱難。地位窄狹。在士進取遷回。在庶俗謀速應遲。算巧成拙。蒙而無見之童也。防小人暗昧之事。

○六二闕觀利女貞。

此爻是志卑而不能遠觀者也。故叶者。淺才薄德。而卑職小官。暫獲安寧。終見醜拙。或得陰貴。或得富婦助力。若女命則有福有壽。不叶者。同量淺見。鄙陋生計。歲運逢之。則有才力不及之嗟。在士有文理欠通之失。在庶俗之在家則暗。而在外則明。或喜或憂。或因婦人事起醜惡。大抵宜動不宜靜。此爻係女喜男悲。

○六三觀我生進退。

此爻是審於進退。得守己之正者也。故叶者。進德修業。及時而行。建功立勳。而無所阻。

塞。乃明哲之貴人。不叶者。乍進乍退。志向不定。卓立艱難。歲運逢之。在仕進退無常。在士爭奮不一。在庶俗得失無定。更宜詳審而行。知難而避。

○六四。觀國之光。利用賓于王。

此爻是際君之盛。而示以從王之義者也。故叶者。才至德備。柱石於朝廷。禮樂典刑。無不在於監察之下。不叶者。亦清譽高才。爲世所矜式。或爲諸侯上客。歲運逢之。在仕或居內臺內翰清高之地。在士必擢科而觀光上國。在庶俗有出商外賈之兆。而獲大利。觀光賓三字。或爲官職姓名而言也。

○九五。觀我生。君子无咎。

此爻是人君自審以爲治。斯於君無愧者也。故叶者。以己之中正。化天下之不中不正。乃重望厚德之賢臣。不叶者。亦中正君子。生之一字。爲不孤。爲有壽。歲運逢之。在仕則致君澤民之有道。而爵祿崇高。在士則爲國學生。而文章冠世。在庶俗則有生涯生計。而利日沾。在婦人則有生育。在病者則有生命之兆也。

○上九。觀其生。君子无咎。

此爻是反身以自治。斯可以爲民表者也。故叶者。有大才德。高出一世之上。可以爲民

之表儀。而仰其德者。知所興起。不失爲賢人。不叶者。其中鬱鬱不伸。乃清修之吉人。而未能發泄。歲運逢之。在仕宜退。而修省以自得。在士則進取艱難。而志有未平。在庶俗則營謀阻滯。而心不足。但病者則得生。有孕者利於生育。

噬嗑卦三三三

○象曰。雷電噬嗑。先王以明罰敕法。

巽宮五世卦。屬九月。納甲。是庚子庚寅庚辰。己酉己未己巳。生及時與納甲者。功名富貴人也。二月八月及時也。

○初九。履校滅趾。无咎。

此爻是小惡有所懲。斯可以寡過者也。故叶者。能防微杜漸。改行率德。先起卑賤。後至高。大蓋變爲晉。獨行正之象也。亦可作貴人。不叶者。卑下之人。鄙賤之輩。或心怯而退守。或足疾而難行。歲運逢之。在仕遭貶謫。在士則考校不遇其人。在庶俗防刑罰風疾。謹慎免禍。

○六二。噬膚滅鼻。无咎。

此爻是治人而不免爲其所傷。以其所遇之難制者也。故叶者。大貴人也。志大敢爲。機

深能幹。大則爲殺伐。小則爲刑罰之官。不叶者。或身帶殘疾。骨肉刑傷。隱名遁迹。修身養性。宜爲僧道。不然。多見睚背。歲運逢之。在仕則受制於梗化之民。而遭小傷。在士防辱。或考試不遇其人。而有小疵。在庶俗進退艱難。是非撓括。或生暗疾。恐骨肉有傷。

○六三噬腊肉。遇毒。小吝。无咎。

此爻是德不足以治人。而人有不服者也。故叶者。才弱志剛。銳志功名。徒能小就而未大。不叶者。一籌莫展。動輒有悔。衣食有虧。歲運逢之。在仕才力不足。而招損。在士才疎學淺。而招辱。在庶俗易事難幹。或生心腹之災。或有驚險之至。

○九四噬乾肺。得金矢。利艱貞吉。

此爻是得其用刑之宜。而示以慎刑之善者也。故叶者。爲大貴人。足勝朝廷之大任。遇大事。當大險。不畏不怯。稟剛大之才。行正直之道。金矢二字之義。爲兆甚多。金榜金門是也。矢者箭也。與薦同。在仕爲薦拔。在未仕者爲發薦。不叶者。爲富濁無德之人。一鄉巨蠹。歲運逢之。在仕必陞遷。在士必成名。在經商必獲利。

○六五噬乾肉。得黃金。貞厲无咎。

此爻是人君治人。而人不服。而因戒其占者也。故叶者。聰明撥亂反正之人。黃金爲兆。

甚多。黃門黃榜黃堂。金榜金魚金門。不叶者。亦爲大富。豐衣足食。積塵蓄紅。歲運逢之。病者得安。冤者得釋。士子進取成名。在仕用法去奸。常人亦利。

○上九何校滅耳凶。

此爻是惡極而爲罪之大者也。故叶者。雖處富貴。常懷憂懼。蓋變震上爻。爲索索矍矍之象。不叶者。爲強梁。爲剛惡。履危蹈險。是非括撓。禍患旋踵。刑獄罹身。歲運逢之。在仕防讒污貶謫。在士防停降毀辱。在庶俗防爭訟。數凶者耳。目不明。血氣不順。或喪身殞命。

賁卦三三

○象曰。山下有火。賁。君子以明庶政。无敢折獄。

此卦多主文章華麗。學問充實。又主典政禮樂。艮宮二世卦。屬十一月。納甲。是己卯己丑己亥。丙戌丙子丙寅。若人果生於十一月及納甲者。乃功名富貴人也。

○初九賁其趾。舍車而徒。

此爻是安於下者。著其義而象之也。故叶者。剛正文明。節躬厲行。達則振斯文於天下。窮則節斯文於一身。大德大才。不以窮達爲憂喜。或進取主迂回辛苦。不叶者。多是勞

碌奔波。掣肘俯仰。或倚靠富豪立身。歲運逢之。在仕防退職之患。在士防黜降之辱。在庶俗奔走於道路。棄易從難。遠親向疎。靜凶而動吉也。

○六二。賁其須。

此爻是賁於人。而與之振作者也。故叶者。有文章。有學問。上以待君之求。而佐以文明之治。不叶者。亦性敏學廣。好習上品。惡居下流。可以常享安靜之福。歲運逢之。在仕則有因人成事之功。而陞遷有地。在士則有文章之善。而得上應援。在庶俗得人提舉。而營爲無阻。但變得大畜輿脫輻之象。亦要相時而動。雖有知己。不可恃勢妄作。以取摧抑之患。數凶者。喪仆而難救。弱不能立也。

○九三。賁如濡如。永貞吉。

此爻是安逸之象。而示以處逸之道者也。故叶者。文足以華國。道足以經時。必有清名重望。而爲大貴顯宦也。不叶者。亦是見識過人。德行邁俗。或則財穀豐盈。衣食給壽。算永遠。得人助力。歲運逢之。在仕則贊助有人。而美職是任。在士則提援者多。而名可成。在庶俗則與之協力者衆。不必勞己力。而自然榮盛。縱有外撓。是非終不爲害也。

○六四。賁如皤如。白馬翰如。匪寇婚媾。

此爻是其相聯之跡。而象其相求之心也。故叶者。文高學廣。爲世標準。爲世老成。主先難後獲。進取迂回。又馬爲五馬。驕者高年。翰者飛騰。疑彼以爲寇者。反以爲我之親愛。或成名不暇於進取。或歷任不依乎次序。不叶者。亦得晚景結果。但早年偃蹇。歲運逢之。在仕先阻後順。在士先失後得。在庶俗先睽後合。憂中有喜。暗底逢明。雖有危險。終得安寧。未合者婚媾。數凶者憂服。蓋有白馬之象故也。

○六五。賁于丘園。束帛戔戔。吝終吉。

此爻是人君以恭儉致天下之治。而因善其占者焉。故叶者。多敦本尙實。雖傷於固陋。而不足以昭文采之觀。然禮奢寧儉。亦可敦淳厚之風。而不至於匱天下之財。不惟田園廣多。而且金帛積蓄。兼得壽慶善終。其爲吉人可知。不叶者。爲鄙吝喬野之逸士。而衣食不足。歲運逢之。在仕。閑官招聘。見任者福祿。衰老終壽。貴人獲利進取。大難就小有喜。

○上九。白賁。无咎。

此爻是賁極反本。而可免過者也。故叶者。有古人質朴之德。學問貫世之名。而福澤豐裕。不叶者。質直恬靜之人。而隨時衣食。歲運逢之。在仕。必主陞遷。在士。必主進取得志。

在庶俗經營朴實。而無浮蕩之失。數凶者必有服制。或有外戚之孝也。

剝卦 ䷖

○象曰。山附於地。剝。上以厚下安宅。

得此卦者。多作貴人。但未免孤立刑剋。乾宮六世卦。屬九月。納甲。是乙未乙巳乙卯。丙戌丙子丙寅。借用癸卯癸巳癸未。癸酉癸丑癸亥。如命生於九月之間。及納甲者。功名富貴人也。其餘得之者。未免兄弟不睦。離遷移坎坷不利。

○初六。剝床以足。蔑貞凶。

此爻是擬小人害正之象。而因占以戒之者也。故叶者。亦可爲君子。惟貴氣淺。福量狹。不叶者。足不停止。事無定規。或小人侵害。或自己生災。爲斗筭之鄙夫。歲運逢之。在仕者。則進宜見機相時。以觀其用舍之道。其餘則或手足之災。奴婢之損。或兄弟不睦。惟利於修造。興土木之事。凶則身亡家破。營謀不遂。

○六二。剝床以辯。蔑貞凶。

此爻是小人之禍愈近。君子不免於所傷者也。故叶者。主富貴之人。常懷忠直之心。多招邪詖之謗。不叶者。立足不閑。家計難立。親眷無倚。婚姻有虧。歲運逢之。在仕防黜降。

士子進取難成。常人幹謀不遂。或卑者侵凌。尊者猜忌。

○六三。剝之无咎。

此爻是小人之能從善而深與之者也。故叶者。多是貴人。特立獨奮。異俗超羣。學古之勤。行道之力。不叶者。薄德淺福。歲運逢之。在仕者遇明主。逢大臣。常人難遇知己。生涯薄淡。欲求名利。異路爲高。且小象有失上下之辭。或難免父母妻子之憂。須防之可也。

○六四。剝床以膚凶。

此爻是陰禍切身者也。故叶者。以陰剝陽。權重勢盛。雖作貴人。終失大體。且變得晉四爻。鼯鼠之厲。貪而畏人。不叶者。機深禍大。作孽自戕。縱有利名。終無嗣續。歲運逢之。在仕防讒邪之害。在士難遇佳會。在庶俗履危蹈險。爭訟刑剋之疊生。

○六五。貫魚以宮人寵。無不利。

此爻是率衆以從善。其獲利之大者也。故叶者。爲大貴人。或文武相兼。蓋親上九之正人。不叶者。亦居小人之上。倚靠富豪。而衣食自足。若女人。有福有貴。必自卑下而致高大。歲運逢之。在仕必加官進職。位居權要。在士考校。必居諸士之首。而名可成。在庶俗營謀拔萃。人情和合。宮觀住持。婦人進財。家和福生。

○上九。碩果不食。君子得輿。小人剝廬。

此爻是一陽存于剝盡之餘。而君子小人異其占者也。故叶者居大位。乘車馬。服民心。而爲弭亂開治之主。不叶者。乃無德小人。破祖敗家。傷親犯上。縱有技藝。亦無用于世。歲運逢之。在仕有權柄。在士得薦舉。逢知己。而名就。在庶俗而謹慎。奉公守法。斯有庇護。而可保無虞。經營者多生意。或修造宮室。數凶變坤上爻。其血玄黃之象。防下人侵損。死喪將臨。少年不利。有子不孤。

### 復卦 ䷗

○象曰。雷在地中。復。先王以至日閉關。商旅不行。后不省方。

坤宮二世卦。屬十一月。納甲。是庚子庚寅庚辰。癸丑癸亥癸酉。借用乙丑乙亥乙酉。生于十一月及納甲者。功名富貴人也。又有二月生者。及時。餘者福淺。

○初九。不遠復。无祇悔。元吉。

此爻是善事其心。斯可以進於道者也。故叶者。有剛大之才。順理而行。知機固守。爲開基創始之吉人。而富貴福澤。以厚其生。不叶者。修身養性。樂道忘勢。不求文華。而爲瀟灑清修之士。歲運逢之。在仕則位高。清而近君。贊化。在士則進取。奪高魁。經營獲利。

○六二休復吉。

此爻是因人以復善。斯善皆爲己有者也。故叶者。中正君子。不驕不傲。事上以誠。待下以信。足以立功名。享富貴。不叶者。亦安貧君子。知命達天。仁之一字。爲生意。爲長壽。爲生育。歲運逢之。在仕謫貶者復職。在士停降者復取。在庶俗得倚富豪而獲利。臨危者得安。有疾者得愈。或數之凶者。有休官下第之兆。

○六三頻復厲无咎。

此爻是改過不吝。既斥而復與之者也。故叶者。遷善敏德。不爲貴人。未免乍進乍退。或是或非。不叶者。難中取易。短中求長。憂慮抑鬱。歲運逢之。在仕爵難穩。更變無定。在士則變明夷。有得其大首之象。而名可成。在庶俗求速應。遲事多反復。疑惑差錯。而無定主。

○六四中行獨復。

此爻是美其逐於衆。而美其不昧於所從者也。故叶者。生亂世不爲之污。處污世不爲之浼。挺然自拔。以從乎中道。而居位食祿。富貴清標。不叶者。爲行旅。爲兵師。爲孤獨。歲運逢之。在仕復職。士在顯名。在庶俗獲利。

○六五。敦復。无悔。

此爻是能復于善者。斯與道爲一者也。故叶者。涵養熟。操存固。敦之一字。爲君子重厚之德中之一字。爲仕宦官職之名。不叶者。雖非貴人。亦有田穀廣積。歲運逢之。在仕有遷除。在士則登薦。在庶俗有積蓄。但要防服制。蓋考字不利于父故也。

○上六。迷復凶。有災眚。用行師。終有大敗。以其國君凶。至於十年不克征。

此爻是終迷不復而得凶者也。故叶者。改過自新。釋回增美。亦可常保其富貴。而爲吉人。蓋變爲頤厲吉。不叶者。愚昧昏蒙。爲疾厄傷殘。爲破祖破家。爲誤國累主。歲運逢之。在仕有貪位之誚。在士有取擢之辱。在庶俗有執迷取孽之嗟。靜吉而動否也。

无妄卦三三

○象曰。天下雷行。物與无妄。先生以茂對時。育萬物。

此卦最喜二月至八月爲及時。得祿深。餘月爲失時。得福淺。巽宮五世卦。納甲。是庚子庚寅庚辰。壬午壬申壬戌。生於所屬之本月及納甲者。功名富貴之人也。

○初九。无妄。往吉。

此爻是以誠而動。則行無不得者也。故叶者。重德清心。知時識勢。謀猷大展。志願大遂。

必爲國家之重器。而福祿攸崇。不叶者。亦爲吉人。彼無惡。此無射。心有誠實。事無妄舉。平生安穩。歲運逢之。在仕則得君得民。在士則進取成名。在庶俗主獲利。

○六二。不耕穫。不菑畲。則利有攸往。

此爻是心之公而行之利者也。故叶者。中正之才。柔順之德。不謀利而利自得。不計功而功自至。富貴天然。平生安逸。不叶者。怠荒自恣。流蕩自驕。生計艱難。不務根本。志向無定。歲運逢之。在仕則進職。在士則中式。皆不勞心。富人或進田產。商賈外求獲利。在庶俗。則末利多而梁稻寡。

○六三。无妄之災。或繫之牛。行人之得。邑人之災。

此爻是本無致災之由。而災自至者也。故叶者。德足以禳災。善足以遺禍。而富貴福澤。可以常保於無虞。不叶者。奔波詭詐。招尤啟禍。得失無常。憂樂不一。家業難興。歲運逢之。在仕利於郡守。行人之得也。不利邑宰。邑人之災也。田家或進牛財。商賈多獲利息。在庶俗。或閑事係絆。破財損己。在士人。必主難於進取。

○九四。可貞。无咎。

此爻是能守正自安。斯可以寡過者也。故叶者。爲才德君子。守正不阿。執德不回。獨善

其身。福量寬洪。不叶者。亦平生安逸。衣食豐足。歲運逢之。在仕守其常職。在士保其常分。在庶俗守其舊業。圖謀有實。不致虛浮。

○九五。无妄之疾。勿藥有喜。

此爻是君臣一德。而擬以意外之變。不勞而弭之者也。故叶者。有陽剛中正之德。足以拯溺亨屯。禦災捍患。上有益於朝廷。下有益於身家。矜式當時。標準後世。不叶者。有福之人。而災害不生。喜慶多至。歲運逢之。在仕進之列者。縱有變生不測。禍起無虞。不辯自明。不解自釋。在庶俗有病。不藥自愈。謀爲有成。生育可喜。

○上九。无妄行有眚。无攸利。

此爻是信之固。而卒用於信者也。故叶者。執而能通。固而知變。足以防危杜患。身家可保。福澤無虧。不叶者。志大謀拙。馳驅不停。孤獨不倚。災眚不離。歲運逢之。在仕不達於政。而貶逐難道。在士不達於理。而耻辱難逃。在庶俗不諳於事。而是非迭生。惟變通以趨時。免禍數凶者。不保其終。

大畜卦三三

○象曰。天在山中。大畜。君子以多識前言往行。以畜其德。

艮宮三世卦屬十二月納甲。是甲子甲寅甲辰丙戌丙寅丙子。借用壬子壬寅壬辰。如生於十二月及納甲者。乃功名富貴之人也。

○初九有厲利已。

此爻是不利於進而利於退者也。故叶者明哲保身。知機以圖存。災不犯而福有餘。不叶者處常處變。隨時定計。歲運逢之。在仕宜去位。在士宜待時。在庶俗宜守舊。不然變生不測。禍將臨矣。

○九二輿說輶。

此爻是深擬其自止之象也。故叶者變爲賁。有與上輿之象。必有才德。心性明敏。聞見廣博。守正不移。時上之用。或急流勇退。或掛冠致仕。不叶者幼小不行。老大足疾。或生腰疾。數凶者難於壽考。歲運逢之。防失脫災非。

○九三良馬逐利艱貞。曰閑輿衛。利有攸往。

此爻是擬其同升之象。而示以允升之道者也。故叶者文章學問。如良馬之捷。如大輿之堅。兵衛之臨。足以勝朝廷重任。馬字衛字。是節制軍馬茶馬司。薄轉運。皆佳兆也。不叶者雖與君子合志。或妄舉躁動。不自愛重。損失難免。縱有成就。亦起於艱辛。歲運逢

之。在仕則有五馬朱旛之應。在士則有飛騰之應。在庶俗得尊上使用。知己相助。以濟其艱。或奔走勞役。而後方可有獲。

○六四。童牛之牯。元吉。

此爻是止惡於初。而因善其占者也。故叶者。或爲童科。或爲魁元。富貴雙全。不叶者。爲童僕近貴。或力小不能任重。或見淺而拙於謀。歲運逢之。進取領解。蓋牛爲解星。常人。有喜添牛財。在仕有升遷之喜。

○六五。豮豕之牙。吉。

此爻是制惡於著。而因善其占者也。故叶者。大才大德。出類拔萃。足以立大功。享富貴。不叶者。志氣卑微。小小規模。生計狹隘。亦有喜事。歲運逢之。在仕陞擢。在士高遷。在庶俗多有吉慶。而營謀克遂。元氣失者。福量淺狹。

○上九。何天之衢。亨。

此爻是畜極而通。而其道之所施者廣矣。故叶者。間世奇英。當時重望。功高千古。名播四夷。道德充大。足以開太平。繼絕學。不叶者。志大心高。機深禍重。變泰上交。有城復于隍之象。歲運逢之。在仕者得薦舉登天。在士者進取成名。在庶俗謀爲皆利。天衢二字。

應兆非輕。

頤卦 二三三

○象曰。山下有雷。頤。君子以慎言語。節飲食。

巽宮四世卦。屬八月納甲。是庚子庚寅庚辰丙戌丙子丙辰。如生於八月及納甲者。功名富貴人也。二月至八月爲及時。九月後則非其時矣。

○初九。舍爾靈龜。觀我朵頤。凶。

此爻是自喪其所守而深鄙之者也。故叶者。因人成己。他邦立基而貧賤。貪而有失。所得者少。所失者多。不叶者。爲不義之人。貪污之士。必遭凶禍。歲運逢之。在仕則遭失廉之辱。在士則有荒淫之誚。在庶俗則有悖逆爭財之禍。大抵惟守正道則吉。士子進取。有食廩之兆。蓋因朵頤欲食故也。

○六二。顛頤。拂經于丘。頤征凶。

此爻是求養失其類者也。故叶者。守正不動。保身養性。可耐歲月之久。不叶者。更變無定。習學不專。交下先欺。親上見斥。或患難顛強拘束。歲運逢之。在仕防謫。在士防辱。在庶俗作事進退。是非不一。數凶者多病致死。

○六三。拂頤貞凶。十年勿用。无攸利。

此爻是所養非其道而取凶者也。故叶者。改過自新。窒慾自懲。則變爲賁如濡如。光華潤澤之文。亦可作小小規模。不叶者。扶揚違正。悖義放肆。禍不旋踵。身家破損。歲運逢之。在仕有喪名失節之患。在士有縱欲敗度之虞。在庶俗有荒淫无忌之禍。甚則喪身悲傷之至。

○六四。顛頤吉。虎視眈眈。其欲逐逐。无咎。

此爻是任賢以養民而爲德澤之普者也。故叶者。大才重望。端謹威嚴。以正驅邪。立太平之基業。成格天之事功。虎字之吉兆。爲虎榜虎符之類。不叶者。多顛倒拂亂。縱欲耽樂。損財破家。甚則爲虎所傷。爲斥逐而難以容生。歲運逢之。在仕則爲太守。得尊上光寵。在士則進取成名。在庶俗得好人贊助。而營謀遂意。數凶者防擯斥驅逐。是非之危。○六五。拂經居貞吉。不可涉大川。

此爻是賴大臣以養民而因戒占者也。故叶者。多享現成富貴。或承祖宗之恩。或倚權內之貴。不叶者。平生不受辛苦。得人助力。亦有受用。歲運逢之。在仕則因人成功。而位可保。不可明白主事以招咎。在士則進取。得人引拔而小就。在庶俗作爲有倚靠。而志

可得。不可乘舟涉險。

○上九。由頤厲吉。利涉大川。

此爻是人臣任天下之重。當敬事而盡其力者也。故叶者。位尊德重。常懷憂惕。上承天寵。下係民望。功勳冠世。福澤深遠。不叶者。亦有福壽之人。推戴仰望者多。而爲鄉里之善士。歲運逢之。在仕爵祿崇重。在士必爲魁解。在庶俗謀爲光顯。無往不利。

大過卦三三二二

○象曰。澤滅木。大過。君子以獨立不懼。遯世无悶。

震宮四世卦。屬二月。納甲。是辛丑辛亥辛酉。丁亥丁酉丁未。如生於二月及納甲者。功名富貴人也。

○初六。藉用白茅。无咎。

此爻是著以敬慎之象。而示以寡過之占者也。故叶者。德行高潔。譽望清廉。處下以謙恭。得上以信任。富貴福澤。優悠堅牢。不叶者。志謀清虛。隱跡山林。知足不貪。謹厚無失。歲運逢之。在仕謹持而祿位固。在士謹密而德業修。在庶俗謹約而財利周。數凶者防孝服之憂。

○九二。枯楊生稊。老夫得其女妻。无不利。

此爻是陽得陰助。兩擬其象而善其占者也。故叶者。特立獨奮。持危扶顛。撥亂反正。建大業。立大功。不叶者。難中求易。死處逢生。早年辛苦。晚景榮華。或妻少子遲。歲運逢之。在仕則去位者復職。在士久淹者復起。庶俗或娶妻。或生子。或納妾。僧道或進徒弟。君子得少妻。義子。

○九三。棟橈凶。

此爻是過剛而無益於事者也。故叶者。勇於立功。力於濟世。但傷於暴戾。非惟不足以奏天下之功。而適足以償天下之事。非惟不足以底天下之績。而適足以成覆餗之危。不叶者。凶暴猜狠。禍患迭至。且變困于石之象。而其刑傷損折可知。歲運逢之。在仕必防謫。在士宜防危。在庶俗須防傾覆之患。或有足目之疾。

○九四。棟隆吉。有它吝。

此爻是剛柔相濟。而擬以大臣克任之象。而戒其不可過于柔者也。故叶者。真剛大之才。爲國家棟梁。功勳蓋世。譽望冠倫。不叶者。亦有才德譽望。雖不爲世用。家業興隆。福量深厚。歲運逢之。在朝必爲宰任。初入仕當重任。在士進取成名。在庶俗多有修造之

舉皆宜執見論事不一墮于柔好以取吝數凶者爲窒制是非。

○九五枯楊生華老婦得其士夫无咎无譽。

此爻是剛柔不足以濟世而難以致譽者也。故叶者剛過之極。所遇非其人。好狎小人。所資非其良。不足以圖事功。而名譽不著。足食足衣。無榮無辱。不叶者。或妻年高而性悍。或嗣慳而壽脆。碌碌庸常。成立艱辛。歲運逢之。在仕不可久任。在士難於進取。在庶俗難於營謀。或喜中生憂。美事成醜。或有老婦之差。治母之陋。枯楊生華。先逆後順之象。

○上六過涉滅頂凶无咎。

此爻是擬以死難之象。而因以致其許國者也。故叶者。有德有位。當大難。臨大危。而殺身以成仁。舍生以取義。名標青史。望重華夷。不叶者。志大謀小。輕動妄舉。取禍招孽。難容於世。歲運逢之。在仕有震主身危之禍。在庶俗有疾首蹙額之危。惟士子求取。則可奪魁頂字之義故也。

坎卦 三三

○象曰。水洊至。習坎。君子以常德行。習教事。

坎宮一世卦屬十月納甲。是戊寅戊辰戊午。戊申戊戌戊子。生於及時與納甲者。功名富貴人也。

○初六習坎。入于坎窞凶。

此爻是無濟險之道。而終無出險之功也。故叶者。知機守節。不失其道而行險。不入于險也。不叶者。才弱志怯。所遇非時。所處非地。汨沒泥塗。超接無路。歲運逢之。在仕防擯斥之嗟。在士防黜降之辱。在庶俗防陷溺之危。惟僧隱逸者。可以免矣。

○九二坎有險。求小得。

此爻當艱難之際。而求濟險之道者也。故叶者。有剛中之德。身當變故之秋。雖未能大有所成。可以靖天下之難。而猶能扶植乎天運。而不流於傾覆之危。不叶者。不能大有施設。亦作小小規模。歲運逢之。在仕則歷任小成而未大。在士則利於小試而未出身。在庶俗則經營小就。在女命或爲侍妾。凶者防險難。或生心腹血氣之疾。宜以未出中三字詳之。或仕寓朝中。在士學業中。常人處于家中。

○六三來之坎坎。險且枕。入于坎窞。勿用。

此爻是往來皆險。而終不能以濟險也。故叶者。雖無拯溺亨屯之才德。亦能斡旋以保。

固。區畫以圖存。而身家不至傾危。不叶者。才弱志短。動輒掣肘。貧難艱苦。終無出日。歲運逢之。在仕則宜退步。在士惟宜修藏。在庶俗多坎坷爭訟之事。

○六四。樽酒簋飯。用缶。納約自牖。終无咎。

此爻是與其善於格君。而功可成者也。故叶者。誠實謙厚。不事浮華。足以去險濟難。而德業昌榮。不叶者。易成易破。驟榮忽散。衣食儉約。福澤淺薄。歲運逢之。在仕有祭酒修讀之兆。在士則遭際之難。在庶俗有交締結姻之應。數凶者。或喪祭之憂。

○九五。坎不盈。祇既平。无咎。

此爻是盡濟險之道。而成濟險之功者也。故叶者。剛明之才。中正之德。傾否爲泰。而措斯世於平康。易危爲安。而拯天下於陷溺。上足以應天命。下足以慰民心。而功業非小。補不叶者。小有才能。排忿解厄。一世平寧。而坎坷少致。歲運逢之。或顯仕。或爲平章評事。而官小亦有職無危。在士利於小就。而未大。庶俗謀爲平坦。而無危。

○上六。繫用徽纆。寘於叢棘。三歲不得凶。

此爻是以無才而居險。極深著其危亡之象者也。故叶者。抱道自重。隱逸於山林。付世事於不知。或僧道安置於叢林之中。不叶者。傷親破祖。骨肉難合。壽算難逃。招辱犯刑。

歲運逢之。在仕防縛綁安置之憂。在庶俗防縲紲牢獄之災。惟士子則鑿戰棘闈之兆。  
離卦三三

○象曰。明兩作離。大人以繼明照于四方。

離宮一世卦。屬四月。納甲。是己卯己丑己亥己巳己未己酉。生於四月五月六月及納甲者。功名富貴之人也。

○初九履錯然。敬之无咎。

此爻是著其妄行之象。而示以敬慎之占也。故叶者。剛明是用。敬慎是持。審事機之會。而損過就中。酌物理之宜。而糾繆歸正。功業竟成。縉紳欽仰。不叶者。亦能改行率德。始焉行多拂戾。終焉福頤受享。歲運逢之。在仕防躁妄不謹之咎。在士防差訛之辱。在庶俗防越理犯分之危。行者防跌足之疾。

○六二黃離元吉。

此爻是人臣有中德以麗君。斯足以成文明之化者也。故叶者。以謙柔之德。行中正之道。忠順不失。上足以相文明之君。仁慈丕闡。下足以成文明之化。福量寬洪。器識遠大。不叶者。亦誠實謹厚。家業興隆。平生安樂。歲運逢之。在仕得君。黃閣偉器。在士必得解。

魁。在庶俗必沾利息。

○九三。日昃之離。不鼓缶而歌。則大耋之嗟凶。

此爻是值天運將衰之時。而無能以挽之者也。故叶者。深知盛衰循環之理。盈虛消長之常。樂天知命。安土敦仁。以挽回乎天命。而福澤無損。不叶者。必致損身傷財。刑妻尅子。歲運逢之。在仕告休。在士防辱。在庶俗樂中生悲。吉中生愁。險難迭至。喪亡無日。

○九四。突如其來如。焚如。死如。棄如。

此爻是人臣恃剛以革政。自速其斃者也。故叶者。守舊安常。循章約法。上不犯刑憲。下不招怨仇。蓋變爲賁。有終無尤之兆。而身家可保。不叶者。不中不正。無遜無讓。進逼乎尊。率意妄行。罪不容死。歲運逢之。在仕有凌逼之嫌。在士有作聰之謬。在庶俗有逐忤長上之愆。或遭兵火。或死亡棄逐。而百孽難逃矣。


○六五。出涕沱若。戚嗟若。吉。

此爻是戒人君盡保泰之道。而得安者也。故叶者。柔麗乎中。謙以致和。其操心也危。慮患也深。而強梁不得以乘其隙。剛暴不得以肆其志。而富貴福澤。可以長保於無虞。不叶者。柔弱昏暗。權出乎人。或麗王公大人。而志意頗伸。先難後易。歲運逢之。在顯仕者。

得志。退職者多險危。進取者難成名。經營者多蹇滯。甚則憂愁思慮。悲泣嗟號之難道矣。

○上九。王用出征。有嘉折首。獲匪其醜。无咎。

此爻是人君之位而征伐能以正也。故得无咎。故叶者。剛明遠振。用刑不濫。文武全才。足以開太平之事。基不叶者。或爲兵卒。或爲商旅。碌碌奔走衣食。或頭目帶疾。聲名醜惡。歲運逢之。在仕出師歷任。而功業就在。士進取作魁。常俗見喜。經營獲利。數凶者變。豐有闕其無人之象。



河洛理數 卷二下

宋 華山希夷先生陳 雍述 明覃懷史應選念冲甫校訂  
康節堯夫先生邵

咸卦三三

○象曰。山上有澤。咸。君子以虛受人。

兌宮三世卦。屬正月。納甲。是丙辰丙午丙申。丁亥丁酉丁未。如生於正月及納甲者。功名富貴人也。

○初六。咸其拇。

此爻是不當感而感也。故爲咸其拇焉。叶者分雖卑而志高。力雖微而謀遠。成名於青年。食祿於晚景。不叶者。中年離祖。身謀未遂。歲運逢之。京官出。閑官起。進取有待而未速。庶俗宜遠。商僧道宜游行。大抵值此爻者。雖急急營求。亦多難於成就。

○六二。咸其腓。凶。居吉。

此爻是利於靜而不利於動者也。故叶者相時而進。慮善以動。上順乎君。而不敢越分。以要功。下順乎民。而不敢違道。以干譽。災害不生。吉祥自至。不叶者。志大心高。貪得無

厭奔走衣食。辛苦成家。歲運逢之。在仕居位者叶吉。差遣者有阨。在士難逢嘉會。在庶俗奔波徒勞。大抵宜靜而不宜動也。

○九三。咸其股。執其隨。往吝。

此爻是主於有感。則非其正矣。故不免於往吝之失者也。故叶者。度時而進。知機而止。或爲股肱執政之大臣。而悔吝不及。不叶者。謀巧見拙。志在隨人。多致敗失。歲運逢之。在仕爲宰執。防謫降之咎。常俗爲執幹。在士子考校。則隨人下。而無出類之美矣。

○九四。貞吉。无悔。憧憧往來。朋從爾思。

此爻是能王霸之效者也。故叶者。剛正君子。無思無慮。誠足以格君。惠足以感民。功業盛大。爵位崇高。不叶者。心多暗昧。交情偏疏。奔走勞役。求逐不暇。器宇小成。未得光大。歲運逢之。在仕秉公執政。而遷除有階。在士小有利而未光。在庶俗朋友相倚。小謀可就。大用則虧。心緒少安。

○九五。咸其脢。无悔。

此爻是不能感物之象。而與其可以無累者也。故叶者。崇尚之志。而孤介以自立。雖無功業。以見於世。亦無尤悔。以累其功。不叶者。志昏量狹。棄本逐末。斗筭鄙夫。福氣淺薄。

歲運逢之。在仕執一。多失同僚之歡。在士進取難爲。在庶俗人情乖難。而營謀微小。

○上六。咸其輔頰舌。

此爻是感人以言者也。故叶者。有德有言。或居言路。或掌詞翰。必得君而行道。有以來衆口之稱譽。不叶者。鼓簧口以亂俗。招尤啓禍。塵世難容。歲運逢之。在仕防譖論。或遭言責。在士庶爲游說。爲技藝。爲評論。爲毀謗。

恆卦 三三

○象曰。雷風恆。君子以立不易方。

震宮二世卦。屬正月。納甲。是辛丑。辛亥。辛酉。庚午。庚申。庚戌。如生於正月及納甲者。功名富貴人也。九月至十二月。失時爲福淺。

○初六。浚恆貞凶。无攸利。

此爻是執理而不度時勢。不當恆者也。故叶者。定其爻而後求。度其勢而後行。志得謀遂。亦可作貴人。不叶者。不安分命。不量淺深。動輒阻滯。謀爲偃蹇。歲運逢之。在仕不得於君。在士難逢知己。在庶俗不通人情。而徒遑遑於路途。惟靜守則免凶爾。

○九二。悔亡。

此爻是有中德而能寡過者也。故叶者。執中行道。節躬厲行。見善則遷。有過則改。富貴福澤。享之無虧。且中字是官職之名。久字是長遠之義。不叶者。亦平生不凶。老者無疾。聲名清潔。壽算最久。歲運逢之。在仕謹身而無曠職之誚。在士來崇德之美。在庶俗固守而無損耗之嗟。

○九三。不恆其德。或承之羞。貞吝。

此爻是不能久於其道者。而深著其不善之占者也。故叶者。執德不固。而有隙以啟人之誚。信道不篤。而有間以招人之議。不叶者。損行滅德。失節喪名。有以來衆口之訕。而無所容於天地。歲運逢之。在仕防諫議之貶。在士防損德之謗。在庶俗防毀辱爭訟之撓。

○九四。田无禽。

此爻是久所不當久者也。故叶者。或以異術見寵於朝黨。或以他技而濫與其爵祿。或功名早退。而難久於其位。不叶者。謀爲無實。生涯淡泊。佃田捕獵之子。歲運逢之。在仕退步。在士進取者無成。營謀費力而無益。

○六五。恆其德貞。婦人吉。夫子凶。

此爻是以柔德爲恆而不善者也。故叶者。是中正有德之人。或得賢妻而助之。不叶者。權出他人。拙於自謀。或妻悍爲家之累。歲運逢之。在仕多阿諛於權勢之門。而招誚議。在士則圖倖進而取辱。在庶俗則居家不善。而多招毀謗損斥之虞。

○上六。振恆凶。

此爻是任躁動而不知固守。不能恆者也。故叶者。施爲當于理。不至于債事。制作協於義。不至於越分。蓋變爲鼎玉鉉之象也。不叶者。好大喜功。違法妄作。紛更多事。反成覆敗之禍。歲運逢之。在仕勞碌役志。多動少靜。求名望利。小則有成。大則無功。女人不利夫子。

遯卦三三三

○象曰。天下有山。遯。君子以遠小人。不惡而嚴。

乾宮二世卦。屬六月。納甲。是丙辰丙午丙申壬午壬申壬戌。借用甲午甲申甲戌。生於六月及納甲者。功名富貴人也。

○初六。遯尾厲。勿用有攸往。

此爻是舉遯爻之危。而戒其能遯。則無患者也。故叶者。先起卑微。後至高大。先歷艱危。

後享安逸。不叶者。常懷憂慮。動受辛苦。縱有提携。不能設施。歲運逢之。在仕則見機解組。在士則藏器待時。在庶俗則營謀逆遭。安常守分。則絕災咎。

○六二。執之用黃牛之革。莫之勝說。

此爻是擬其固守之志者也。故叶者。固守素志。遠絕羣邪。以中順之德。見用於世。必爲執符黃堂。近而郡宰之官。不叶者。性疏志鄙。歲運逢之。先看根基。在仕位高者。以宰執言路。士人進取。牛則爲解星。亦爲黃榜黃門黃堂黃甲之兆。農人有進牛畜之喜。數凶則訟起家人。牽執不悅。或防下人侵侮。安常守分。則免災咎。

○九三。係遯有疾厲。畜臣妾吉。

此爻是當遯而有所係。不能遯以取危者也。故叶者。明哲以保其身。勇退以避其難。或得賢室以成其內助之功。或得童僕以足其使令之任。不叶者。溺于宴安。貪才悅色。疾厲係纏。舉動無措。或下句縮奴婢連累。歲運逢之。在仕有希功固寵之虞。在士進取。不能成大事。庶俗多疾厄驚危之禍。數吉者。得妻之力。進入口之應。

○九四。好遯。君子吉。小人否。

此爻是決志於遯。而深有望於君子者也。故叶者。卓有定見。確有定守。出仕之早。而英

銳足以發其志。勇進之速。而利祿不足以撓其念。全身遠害。福澤永遠。不叶者。貪得無厭。趨赴權勢。或技藝立身。或管幹公使。或厭世無求。歲運逢之。在仕則告休以避難。在士則際遇非時。而難於進取。在庶俗雖得小人之陰庇。而終防陰禍之係纏。

○九五。嘉遯。貞吉。

此爻是美其遯之善。而因以示占者也。故叶者必爲撥亂反正。綱維世道之大人。不叶者。亦中正守己。恬淡養性。平生安樂。榮辱莫加。歲運逢之。在仕陞遷。必得嘉會。在士及常人。必近尊貴。或招慶祉。

○上九。肥遯。无不利。

此爻是遯之裕者。而嘉其保身之哲也。故叶者。福祿豐厚。宅心正大。而寵辱不以爲憂。樂。決事快便。而禍福不以爲忤戚。不叶者。亦得衣食滋深。而無是非。無榮無辱。歲運逢之。在仕退閑。在士待時。在常人營謀獲利。家肥業厚。無往不利。

大壯卦 三三

○象曰。雷在天上。大壯。君子以非禮弗履。

坤宮四世卦。屬二月納甲。是甲子甲寅甲辰庚午庚申庚戌。借用壬子壬辰壬寅。生於

二月及納甲者。功名富貴人也。在春夏福深。秋冬福淺。七月八月。雷未收聲。亦爲及時也。

○初九壯于趾。征凶有孚。

此爻是妄進。適以取困者也。故叶者有剛明之才。從容以觀變。而不躁進。以取禍。含章以圖機。而不遽進。以取困。名節可全。身家可保。不叶者。恃剛妄爲。無所顧慮。困窮摧折。偃蹇艱辛。歲運逢之。在仕則防讒邪之辱。在士則遭倖圖之恥。在庶俗則招爭訟。動輒有悔。更防足疾。

○九二貞吉。

此爻是得反正之道。而動罔弗臧者也。故叶者。矯其偏而歸於正。易其過以至於中。足以爲國家之重器。中字之義。爲兆甚多。大中給事中。中書皆是。不叶者。亦是穩實之人。衣食饒足。平生少禍。歲運逢之。在仕位居清高。在士進取成名。在庶俗謀爲稱意。數凶者。變爲豐蔀之憂。

○九三小人用壯。君子用罔。貞厲。羝羊觸藩。羸其角。

此爻是恃其壯而難以免厲者也。故叶者。亦可爲君子。但輕天下之事。爲不足爲。而不

能持重以觀變。視天下之人爲不足畏。而不能從容以審機。事雖出于正。亦不免厲。不叶者。多逞血氣之剛。而好勇鬪狠。招尤起釁。損財敗家。歲運逢之。在仕爲禍所絆。進退難安。在士進取阻滯。在庶俗官訟牽連。孝刑多端。人財不利。

○九四。貞吉。悔亡。藩決不羸。壯於大輿之輹。

此爻是反正之善。而兩擬其可進之象也。故叶者。矯偏從正。不極其剛。進無所阻。而可以建功立業。文章發於青年。福澤裕於晚景。不叶者。亦平生安逸。謀爲快便。轉否爲泰。出險爲夷。家業豐厚。歲運逢之。在仕閑散者起。進取者達。常人得福。久靜者必動。動則吉。御試占高魁。

○六五。喪羊于易。无悔。

此爻是德不足。而不能進。而有爲者也。故叶者。以柔居中。不驕不傲。能以和順服強暴。易艱難爲平易。雖不足以建功。而亦不至於僨事。不叶者。懦而無立。弱而無爲。福量淺薄。壽算有損。歲運逢之。在仕爲罷軟荒政。在士爲喪名不就。在庶俗爲籌策莫展。而一無所利。病者有喪身之兆。

○上六。羝羊觸藩。不能退。不能遂。无攸利。艱則吉。

此爻是處壯之終。而用其壯也。此其所以無攸利也。故叶者能戒其輕動妄舉之失。處以慎重敬謹之心。內審事理之機。外順時勢之宜。則善用其壯而得以遂其進。不叶者。志壯才弱。不量可否。貪望太過。常遭危險。歲運逢之。在仕遭貶斥之危。在士有難進之咎。在庶俗越分悖義。是非爭訟纏擾。而進退無措。

晉卦三三三

○象曰。明出地上。晉。君子以自昭明德。

乾宮四世卦。屬二月。納甲。是乙未乙巳乙卯。己酉己未己巳。借用癸未癸巳癸卯。生於二月及納甲者。功名富貴人也。

○初六。晉如。摧如。貞吉。罔孚。裕。无咎。

此爻是惟有德。故雖摧而終可獲吉焉。叶者守義於己。不枉道以求合。知命於天。寧寬裕以自守。功名之志。終得以遂。而无咎。不叶者。欲有謀而屢見阻。在仕則政事怠而爵難久。在常人則作爲拙而壽難永。歲運逢之。在仕者常阻於邪議。進取者不見孚於主司。而命難受。常人士彼此不孕。憂樂相半。靜則吉而動則凶。

○六二。晉如。愁如。貞吉。受茲介福於其王母。

此爻是惟有德。故雖愁而終可受福焉。叶者有中正之德。受大福於王母。蓋嘗畏天命。悲人窮。而愁其道之不行。不叶者。亦是端人正士。憂喜無常。更變無定。多得母庇。或陰貴之寵任。歲運逢之。在仕則進王明。在士始挫而終得。在常人求謀稱意。多得母力之扶助。或得妻財。

○六三。衆允悔亡。

此爻是得同升之志。而進無所抑者也。故叶者。同道相孚而德行修。同氣相求而德業進。其始也。獲麗澤之資。其終也。遂彙征之願。事不固於外。心不歉於中。何悔之有。不叶者。亦誠正善士。親賢友能。贊助者多。仇怨者少。平生安樂。無憂無虞。歲運逢之。在仕有陞遷之美。在士有薦舉之休。在庶俗有得朋共事之益。而營謀遂意。悔亡二字。防失脫人亡之兆。

○九四。晉如鼫鼠。貞厲。

此爻是德不足以稱位者也。故叶者。位居百僚之上。但妬忌者多。不叶者。必爲無德損物之人。剛狠橫狂。亦無結果。歲運逢之。在仕見阻于諫議。在士難圖倖進。在常人難免鼠牙之訟。

○六五悔亡。失得勿恤。往吉无不利。

此爻是王者普無心之化。而天下成大順之休者也。故叶者。文章道德。高出一世。特立獨行。不計功而自有其功。不謀利而自有其利。推無不準。動無不化。何所往而不利。不叶者。亦是心明志廣。識遠慮深。得失付之自然。行止皆獲其志。歲運逢之。在仕遷擢有喜。在士進取成名。庶俗營謀獲利。

○上九。晉其角。維用伐邑。厲吉无咎貞吝。

此爻是無德雖居于上。而不免于伐邑國之羞。故叶者。以剛處勢分之極。但仕不顯。或作縣宰軍官。蓋有邑之象也。雖艱難亦無大害。不叶者。一生剛狠。德不稱才。骨肉寡合。多事爭鬪。或爲武卒公吏。歲運逢之。仕者有食邑之榮。常人有修造屋宇之喜。士子進取而道未光。其數之凶者。主有征伐爭訟之舉。

明夷卦 ䷣

○象曰。明入地中。明夷。君子以蒞衆用晦而明。

坎宮四世卦。屬八月。納甲。是己卯己丑己亥。癸丑癸亥癸酉。借用乙丑乙亥乙酉。生於八月及納甲者。功名富貴人也。

○初九明夷于飛。垂其翼。君子于行。三日不食。有攸往。主人有言。

此爻是見機以避傷者也。故叶者。明哲足以保其身。廉潔足以飾其行。見用於治朝。免禍於亂世。不叶者。志大心高。動必見挫。雖有功名。難於食祿。歲運逢之。在任爲驄馬五馬之榮。大則爲股肱之臣。謹防暗主之傷。在士則有捷報之兆。在常人則有災眚手足之傷。數吉則富人進馬匹之應。

○六二明夷于左股。用拯馬壯。吉。

此爻是人臣伐暴之象。而戒以順天之舉也。故叶者。勇於進德。力於行道。威望重。權勢大。得以專征伐之柄。以弔民安國。不叶者。多得志橫行。凌上侮下。罪孽疊至。惟武卒軍人。頗獲功利。歲運逢之。在仕當權。有閫帥之任。在士有得大魁之喜。在庶俗有災眚之招。

○九三明夷于南狩。得其大首。不可疾貞。

此爻謂上下兩傷。而明照有碍之象也。若不見文訟之爭。亦有疾厄之苦。叶者。有化工元氣之全。則有修屋宇造作之兆。不叶其數者。主左股有忌夷之所傷。或乘騎千里而去。必主有憂愁分張之應也。

○六四。入于左腹。獲明夷之心。于出門庭。

此爻是居暗地而尙淺。而猶可得意於遠去者也。故叶者。則必有才德。履公正。或執政命而爲朝廷心腹之寵。又文有右。武有左。職司門令黃門之顯。不叶者。多無德行。立心詭譎。蠹物害民。不可測度。歲運逢之。在閑官必任事。在朝中者必出外郡。久於養晦者。必出身成名。淹於囹圄者。必脫身免禍。出外營謀者。必得心交之力。婦人有孕。必生子。凶者或生心腹之疾。

○六五。箕子之明夷。利貞。

此爻是當內難而能正其志者也。故叶者。有正大之機謀。而能明哲保身。不叶者。難遇知己。常懷憂心。經營艱難。奔馳勞苦。歲運逢之。在仕當儉德避難。在士難逢知己。在常人必有家難之禍。

○上六。不明晦。初登于天。後入于地。

此爻是無德之君。故無以保天下之大位也。故叶者。志遠謀大。處高位而能保當大難。而知避。且天者。有天府。天曹之兆。不叶者。恃勢妄行。損人利己。早歲猖獗。晚受波濤。歲運逢之。在仕防擯斥之嗟。在士有登天之兆。後必擯斥。庶人先達後阻。老者窘而不壽。

家人卦三三

○象曰。風自火出。家人。君子以言有物而行有恆。

巽宮二世卦。屬六月納甲。是己卯己丑己亥。辛亥辛未辛巳辛卯。若生於六月及納甲者。功名富貴人也。

○初九。閑有家。悔亡。

此爻是盡正家之道。而家無乖戾之失者也。故叶者。才德廣大。思慮深遠。不惟能區畫營爲。以成其家業。亦且能立綱陳紀。以植其國體。富而且貴。福澤無虧。不叶者。亦是謹厚之士。家給人足。一生安樂。歲運逢之。在仕。閑官者。則超遷而爲大夫。已仕者。則官帶閑處。在士者。進取則利於小試。庶俗謀事有成。未妻者。有室家之好。僧道主住持。老者。不利於壽。

○六二。无攸遂。在中饋。貞吉。

此爻是克盡婦道。而有以獲宜家之效者也。故叶者。有柔順之德。不驕不傲。平易近民。而愛敬者多。家道興隆。而福澤深。女命則相夫益子。而大成內助之功。不叶者。足衣足食。優游享福。歲運逢之。在仕。則入朝中。而有光祿之秩。常人必主營謀成家。而有貲糧。

之增。士寓學中。而有廩給之喜。

○九三。家人。嗃嗃。悔厲吉。婦子嘻嘻。終吝。

此爻是取其處家之嚴。而又以寬裕爲戒也。故叶者嚴整以肅其威。剛斷以制其義。配納整肅。人心祇畏。吉而有終。不叶者喜怒不常。尊卑失序。縱欲敗度。家業凋零。歲運逢之。在仕嚴而少寬恕之恩。在士進取平等而未大。常人憂喜相半。謹防耽迷之恙。

○六四。富家大吉。

此爻是能裕利於國。而有德以感之者也。故叶者有柔順之德。而居上位。善能理則聚利。使邦本固而民生遂。理義興而和氣治。不叶者亦粟帛豐厚。爲鄉里吉人。歲運逢之。在仕則祿以馭富。而超遷有地。在士則受賞賚於考校之餘。在常人謀爲沾利。孤寡見親。

○九五。王假有家。勿恤。吉。

此爻是大君獲內治之助。而深決其家之慶也。故叶者言行以正。標準當時。扶助有人。助贊有力。勿恤其吉而吉自來也。不叶者亦主粟帛豐盈。親眷和睦。歲運逢之。仕路最顯。進取成名。常人遇貴人提携。數凶者變賁于丘園。有入境土之兆也。

○上九有孚威如終吉。

此爻是能正家於其終而吉可得者也。故叶者文章高世威望服人。上肅朝綱下清民俗。而爲天地之全人。不叶者亦是剛柔相濟之碩士。德業廣大。福量寬洪。歲運逢之。在仕位高權重。在士進取成名。其在庶俗之人。主營謀稱意。在婦人必主爲命婦。

睽卦三三

○象曰。上火下澤。睽。君子以同而異。

艮宮四世卦。屬二月納甲。是丁巳丁卯丁丑己未己酉己巳。如生於二月及納甲者。功名富貴人也。

○初九。悔亡。喪馬。勿逐。自復。見惡人。无咎。

此爻是著其失應而復得之象也。故叶者德望足以起人之敬信。中正足以消人之暴戾。謀猷難發於初年。志願大遂於晚景。不叶者成立艱難。遭際不遇。先貧後不貧。先孤後不孤。歲運逢之。在仕閑官復職。降謫者復陞。在士難遇知己。而進取遲滯。在庶俗營爲先失而後得。人事先睽而後合。謹防六畜之損。凶惡之患。

○九二。遇主于巷。无咎。

此爻是盡誠以事君。斯於臣道無歉者也。故叶者爲忠臣義士。上能格君心之非。下能挽民俗之厚。功業建而志謀遂。不叶者亦善通人情。而親輔贊相者多。幽居閭巷。榮辱不加。歲運逢之。在仕必遇明主。而陞遷有期。在士必遇主司。而進選有賴。在庶俗必遇知己。而營謀遂意。

○六三。見輿曳。其牛掣。其人天且劓。无初有終。

此爻是與始睽而終合者也。故叶者稟性最敏。見事生疑。始雖見忤於人。而束縛其施。爲終必見合於人。而求謀無不順。不叶者多在車前馬後。驅役刑傷。先受勞苦。後享安樂。歲運逢之。在仕防諛邪之阻。在士考校。則取於既遺之後。而有登天府之兆。在庶俗進望有阻。險中求安。先迷後順。數凶者有骨肉刑傷之厄。

○九四。睽孤。遇元夫。交孚厲无咎。

此爻是得其所遇。而深勉其慎所處也。故叶者有拔萃之才。善於交際。得良朋益友之贊助。而撥亂反治。轉睽合一之事業可立。先孤後不孤。先逆後不逆。女子得之。爲命婦受誥。不叶者。子然自立。謙恭持已。始雖睽離。終得際遇。歲運逢之。在仕得同志薦拔。在士則見遇於主司。求婚者必配。處危者身安。遇閑者志行。外圖者先阻後順。

○六五。悔亡。厥宗噬膚。往何咎。

此爻是君臣相合之易。而利有攸往者也。故叶者。德重位尊。謙恭下士。而得賢能輔助。立功名。享富貴。不叶者。多承祖宗恩澤。生來受用。不勞己力。出而營謀。多遇知己。但骨肉有噬齧之傷。歲運逢之。在仕必有除拜之勞。在士必有登魁之應。庶俗經營獲利。拾舉有人。未婚者配。數凶者。親朋怨惡。骨肉刑傷。官事牽連。

○上九。睽孤。見豕負塗。載鬼一車。先張之弧。後說之弧。匪寇婚媾。往遇雨則吉。

此爻是與應始異而終同者也。故叶者。負剛明之才。過明而察。過察而疑。初涉艱難。終見平易。或重疊婚姻。或兵立功。又雨者福澤利人。濟物之兆。不叶者。爲孤獨。爲污濁。虛詐乖戾。是非不一。聚散無定。歲運逢之。在仕遭謗怨之謫。在士進取。先迷後得。在常人遭污受誣。先損後益。

蹇卦 三三

○象曰。山上有水。蹇。君子以反身修德。

兌宮四世卦。屬八月。納甲。是丙午丙申丙辰。戊申戊戌戊子。如生於八月及納甲者。功名富貴人也。

○初六往蹇來譽。

此爻是時有不可進而人亦所當止者也。故叶者大才清譽。善處逆境。見險能止。明哲保身。初雖偃蹇。終有濟遇。不叶者。循途守轍。安貧樂道。歲運逢之。在仕來獎譽之加。而制誥之有待。在士則待時而進。在常俗則惟宜守舊安常。

○六二王臣蹇蹇。匪躬之故。

此爻是盡誠以事君者也。故叶者孝親忠君。竭力效誠。豈非才末技所能爲。不叶者父子同受艱辛。夫妻共甘寂寞。潔身清慮。鄉里欽仰。歲運逢之。在仕則效忠貞之節。以靖國家。在士則所遇非時。而難進取。在庶俗則涉艱歷險。而營謀有阻。數凶者難以保身。

○九三往蹇來反。

此爻是時不可進而義亦所當止者也。故叶者見幾相時。得人贊助。或居內翰內舍中書省治中中順之職。而安樂自知。不叶者改過自能。外立歸宗。守祖生涯。或得內助。歲運逢之。在仕入朝進取。利會試。位高者必翰林中書。庶俗有妻子之喜。數凶者變此六三刑尅損傷。

○六四往蹇來連。

此爻是時雖不可進。而義不容已。故連下合力以濟者也。故叶者。親賢下士。同心者多。協力者衆。而拯溺亨屯。興衰撥亂之有賴。或上承祖愛。下續賢嗣。功名不虛。福祿允當。不叶者。道克事實。得人贊助。平生安逸。或婚姻嗣接續。歲運逢之。在仕連接歷陞之無阻。求名望利。皆有實而不虛。數凶者牽連訟非。動止蹇難。

○九五。大蹇朋來。

此爻是人君當蹇之重。而深慶其助之者也。故叶者。行道執中。虛己守正。明王道。信任良朋協從。而轉否爲泰。易亂爲治。不勞力而自成。且中字之義。則爲大。中。中。丞。中。書。之。兆。不叶者。身家雖困。常得良朋提携。幹事助力中節。先蹇後泰。歲運逢之。在仕外郡者。必擢清要。進取者多用關節。而中式。或入大學之選。營謀者好人提舉。無往不利。

○上九。往蹇來碩。吉利見大人。

此爻是有可進。而義當從乎君者也。故叶者。大才碩德。篤志事君。勳業著于當時。譽望昭于千古。不叶者。依附尊貴。卓然生涯。內助有人。平生安逸。歲運逢之。在仕必入內台。內翰。進取成名。庶俗近貴獲利。

解卦三三二

○象曰。雷雨作。解。君子以赦過宥罪。

震宮二世卦。屬十二月。納甲。是戊寅。辰。戌。午。庚午。庚戌。庚申。生於十二月。及納甲者。功名富貴人也。又二月及八月。雷雨及時。福重。九月至正月。失時。福淺。本命月卦。不在此論。

○初六。无咎。

此爻是有相濟之德。斯可以寡過者也。故叶者。剛柔相濟。寬猛得宜。既足以立渾厚之體。而不至多事以擾民。亦足以立清名之功。而不至廢事。災難解而福澤深。不叶者。立心平易。舉措得宜。知己扶佐。受用無窮。歲運逢之。在仕德位相稱。而陞遷有機。在土有登科之喜。未婚者合。經營者濟。

○九二。田獲三狐。得黃矢。貞吉。

此爻是得去邪之善者也。故叶者。中正不偏。德高望重。擯斥奸邪。扶植善類。上有以成君德。下有以正民俗。而爲一代之元老。不叶者。亦能親賢遠奸。田產豐裕。婚姻重結。或虞夫矢人。亦足衣食。歲運逢之。在仕。有爲三狐三公。黃門黃堂之兆。在土。有爲二甲三甲。黃榜之應。又矢者。薦也。有薦拔薦舉之佳。在庶俗。有進田產之慶。或武將有征獵。

之舉。又利更改。三謀三就之吉事也。

○六三。負且乘。致寇至。貞吝。

此爻是無德而有位。禍不能免者也。故叶者。或起卑微而受富貴。保固周密。寇害難侵。不叶者。專行險詐。竊濫貪謀。有玷名教。醜辱可恥。招尤啟釁。舉止無措。婦人值此。尤爲不堪。歲運逢之。在仕防擯斥之虞。在士防謫降之辱。在庶俗防寇盜訟非之擾。乘字。士人有中選者。但禍不旋踵。

○九四。解而拇。朋至斯孚。

此爻是嚴以絕邪。斯向道合志者也。故叶者。爲人正端。遠絕羣邪。而與良賢相協助。于廟廊之上。所謀無不遂。所行無不成。不叶者。不能遠小人。以親君子。器宇不洪。事功有限。歲運逢之。在仕防朋黨習狎之禍。在士防淫朋荒德之損。庶俗防奸黨失事之尤。

○六五。君子維有解吉。有孚於小人。

此爻是君子黜惡之有獲。而因示其去惡之多力也。故叶者。秉公持正。進賢良。退不肖。國家賴以清寧。生民賴以安息。而功業之大。非小補者比。不叶者。誠信足以協上。人之心。慈惠足以得小人之力。德業隆盛。福量寬宏。歲運逢之。在仕多居要路。擯斥奸邪。或

兵伐重權以立功。士子成名。常人獲利。訟者釋而疾者愈。

○上六。公用射隼于高墉之上。獲之无不利。

此爻是擬以解悖之義。而因以與之者也。故叶者。才大志高。望尊名重。有文以綏太平。有武以截禍亂。而爲功勳之大臣。不叶者。亦高堂大廈。享福優游。上多君子之推重。下爲小人之畏承。歲運逢之。閑官超遷。兵師之功。士子中舉。有一鶚橫空之兆。常人多葺門牆。謀爲獲利。仕途必獲薦剡。

損卦三三

○象曰。山下有澤。損。君子以懲忿窒欲。

艮宮二世卦。屬七月。納甲。是丁巳丁卯丁丑。丙戌丙子丙寅。生於七月及納甲者。功名富貴人也。

○初九。已事遄往。无咎。酌損之。

此爻是嘉其友道之盡。而示以進言之機者也。故叶者。宣力王室。而不爲身謀之便。隨機應變。而不失其淺深之宜。事功顯越。名譽著聞。不叶者。雖有才德。設施亦難巧於人謀。拙於自爲。欲進不達。欲退無機。奔走衣食。福量虧損。歲運逢之。在仕則國而忘家。而

天寵之日加在士。則上人合志。而必得優選。在庶俗則會計允當。而利無不獲。數凶或因酒食費事。

○九。利貞征凶。弗損益之。

此爻是示以守正之道。而因大其效者也。故叶者。含章以守貞。安土以敦仁。雖不能興道致治。以顯事功於朝廷。亦足以致頑者廉。懦者起。以維風俗於草野。不叶者。敦本尚實。不務浮華。財用隨足。終身無損。歲運逢之。在仕固守己職。而難遷。在士確守常業。而難進。庶俗則謹守常度。而難於遠謀。

○六三。三人行。則損一人。一人行。則得其友。

此爻是交友多。擇其類者也。故叶者。取仁以爲輔。擇善以爲資。不惟能共成德業。而下有益於己。亦且共贊乎皇猷。而上有益於君。不叶者。亦善交際。扶助得人。而營謀易就。福澤無損。歲運逢之。在仕同寅協恭。而政事舉。在士則同道爲朋。而有麗澤之益。或遇知已。而進取陞騰之有賴。在庶俗則協力者衆。而營謀獲利者多。未婚者配合。僧道領衆。

○六四。損其疾。使遄有喜。无咎。

此爻是示人以反性之學。而因言敏以圖之爲貴也。故叶者。勇於從善。樂於改過。置身於高明正大之域。而不流於小人之歸。功名成就。福澤深厚。不叶者。有疾速醫。有過速改。早年艱遇。必晚景平康。歲運逢之。有災者免。有疾者愈。晦者明。憂者喜。閑官將起。士人有喜。庶俗獲利。

○六五。或益之十朋之龜。弗克違。元吉。

此爻是以德而居尊位。而必著其得賢弘治之益者也。故叶者。虛中無物。得賢才之協力。君心得而治道成。人心歸而天命眷。富貴福澤。爾熾爾昌。不叶者。亦有譽望出羣。而爲鄉邦所景仰。榮身起家。慶祉並增。歲運逢之。在仕職美近天顏。士人進取。中選占高魁。常人大發天財。與卦小異。須防孝服。

○上九。弗損益之。无咎。貞吉。利有攸往。得臣无家。

此爻是與其益下之善。而勉以得正之道者也。故叶者。存心於天下。嘉志於窮民。德足以立功勳。祿足以享富貴。不叶者。不貪不謀。自得飽暖。親近尊貴。多好游談。或爲商旅獲利。或爲僧道成家。歲運逢之。在仕民歸心。而天寵固。在士則有得志之喜。在庶俗則得地利之多。貴人扶持。出入尤利。

益卦三三三

○象曰。風雷益。君子以見善則遷。有過則改。

巽宮二世卦。屬七月。納甲。是庚子庚寅庚辰辛未辛巳辛卯。若本命生於七月及納甲者。功名富貴人也。又二月至八月生者。福重。餘者福淺。

○初九。利用爲大作。元吉。无咎。

此爻是報效於君。固多大有所爲。而尤多善有所爲也。故叶者。任大事。建大功。周悉萬全。而爲經久之良圖。上有以益於君。下有以利於民。不叶者。亦有善行良才。安時處順。或大有作爲。而小有耕作。而家興業舉。歲運逢之。在仕必有遷擢。進取者必中大魁。且大字之義。爲兆甚多。大夫大師大中是也。僧道則有大德大師之說。庶俗則有大謀大有大稱心之義。

○六二。或益之十朋之龜。弗克違。永貞吉。王用享於帝。吉。

此爻是君臣受益之善者也。故叶者。虛中無私。良朋類集。上爲君寵。下爲民慶。或得王官。或得高年。或爲配享。不叶者。守己奉上。活計良久。利官近貴。受用頗足。歲運逢之。仕途榮遷。在士進取成名。商賈獲利。享祀獲福。

○六三。益之用凶事。无咎。有孚中行。告公用圭。

此爻是示以盡臣道而慰君心者也。故叶者爲忠臣烈士。必當危難而盡心竭力。有益於生民。有益於風教。考其中字。公字圭字。圭字之義。而官職顯然矣。不叶者。操危慮深。動心忍性。出險爲夷。易危爲安。尊貴信用。福澤晚受。歲運逢之。在仕朝貴大用。兵將立功。士子成名。選人改秩。庶俗獲利。數凶者。有非常之凶。官災最忌。

○六四。中行告公從。利用爲依遷國。

此爻是人臣有益下之德。而君民皆信從之者也。故叶者。公平正大。建功立業。上得君寵。下副民望。而爲一世之勳臣。不叶者。亦能幹辦。遂意創業。維新。歲運逢之。在仕責任之重。而得君寵渥。在士則得上人薦舉。而名可成就。在庶俗則有修造遷移之喜。訟者利官得伸。

○九五。有孚惠心。勿問元吉。有孚惠我德。

此爻是益下者。而著其誠心誠應之機者也。故叶者。才猷足以輔國。利澤足以感民。功名利達。福祿豐盈。不叶者。亦厚仁存心。恩惠及物。有優游厚福。或爲僧道。有聰惠之譽。或爲商賈。有惠我之利。歲運逢之。在仕入要津。逢明主。在士進取者。成名。常俗營謀。稱

意。僧道住持。卑賤謁尊貴。多有知遇。

○上九。莫益之。或擊之。立心勿恆。凶。

此爻是求人之益者。而至於或擊之。則人之報怨者多矣。故叶者。貪才損物。圖名獲利。立心有恆。禍可苟免。不叶者。險詐利己。損人災禍並至。身家難保。歲運逢之。在仕有貪謀之謫。在士有奪競之辱。在庶俗有專利取怨之禍。刑剋損傷之慘。

### 夬卦三三

○象曰。澤上於天。夫君子以施祿及下。居德則忌。

坤宮五世卦。屬三月。納甲。是甲子甲寅甲辰。丁亥丁酉丁未。借用壬子壬辰壬寅。如生於三月及納甲者。功名富貴人也。乾兌二體屬金。若生於秋月。亦爲及時也。

○初九。壯於前趾。往不勝爲咎。

此爻是君子不能慮勝以決小人。而不免有激變之危者也。故叶者。觀時以尙往。見危而知避。雖不能行道濟世。亦能全身遠害。不叶者。無德而逞志。誇能處下而爭高。自滿禍患疊生。摧抑難支。歲運逢之。在仕遭躁動之斥。在士招倖圖之尤。在庶俗罹妄行之患。

○九二惕號莫夜有戎勿恤。

此爻是有備斯可以無患者也。故叶者。整治於未亂。保邦于未危。中道足以服衆。威望足以弭暴。文中成名。武中有功。不叶者。多謀多變。憂喜不常。或因功而得祿。或從戎而得名。歲運逢之。在仕多掌兵戎之權。在士進取。武選爲高。在庶俗多驚危。憂號寇盜之事。

○九三壯於頄有凶。君子夫。獨行遇雨。若濡有愠。无咎。

此爻是決小人過於剛。而因示以善處之道者也。故叶者。才大志剛。機深慮遠。爲國除害。而上有補於朝廷。爲民除弊。而下有補於風俗。功名遠大。奸暴消除。不叶者。好勇鬪狠。招尤啓釁。孤獨寡親。常懷憂懼。歲運逢之。在仕有除奸反噬之殃。在士有含愠違世之嗟。在庶俗有爭訟結構之虞。大抵從正則吉。從邪則凶。宜見幾。初見艱難。終受安靜。

○九四臀无膚。其行次且。牽羊悔亡。聞言不信。

此爻是去小人而未能。而因示以善決之術者也。故叶者。才德頗高。知識稍大。立功而不逞能以爭先。聞善而能樂聽。以信從。志得謀遂。功成名舉。不叶者。執迷不明。謀爲頓挫。或躓蹙不便。或牧養生涯。歲運逢之。在仕有才力不及之謫。在士進取落後。惟初利。

於殿試。蓋譬字去月有殿頭之兆。在常人必有爭訟杖責之處。或瘡痍耳足之厄。蓋次且者。不前之意也。

○九五。寬陸夫夫。中行。无咎。

此爻是人君能決小人而不勇。而因戒以必決之爲善者也。故叶者。見明而不墮於小人之奸。中道而不激乎小人之變。上肅朝綱。下清民俗。事功宏大。福澤遠深。不叶者。畏縮而多欠乎果斷。偏僻而不合乎中道。好行小惠。災眚莫測。歲運逢之。在仕防柔邪之侵害。在士進取。小利而未光。久淹者。心通。閑官者。復任。在庶俗營謀。遂意。訟者。伸疾者。愈。

○上六。无號終有凶。

此爻是小人之黨類已盡。而災不能退者也。故叶者。雖爲富貴。多恃高壓衆。盜物弄權。陰賊良善。終不遠大。且變爲亢龍。亦有悔矣。不叶者。人已相忌。舉目無親。動則有悔。終不能久。歲運逢之。在仕難於久任。而勇退爲佳。在士難於進取。而藏修爲愈。在庶俗難於營謀。而安常爲美。甚則骨肉刑剋。是非括撓。老難於壽。

姤卦三三

○象曰。天下有風。姤。后以施命誥四方。

乾宮二世卦。屬五月。納甲。是辛丑。辛亥。辛酉。壬午。壬申。壬戌。借用甲申。甲午。甲戌。生於五月及納甲者。功名富貴人也。

○初六。繫於金柅。貞吉。有攸往。見凶。羸豕孚蹢躅。

此爻是戒小人當自守者也。故叶者。學古之勤。行道之力。雖不能設施以建立事業。亦善區畫而修身保家。不叶者。才短力微。妄行取困。歲運逢之。在仕有貶謫之虞。在士有難進之憂。在庶俗或遇尊貴信朋。或得金帛進入。或婦人必得生育。數凶者防疾訟憂。虞陰人不潔之事。

○九二。包有魚。无咎。不利賓。

此爻是以君子而遇乎小人。以能止爲正者也。故有包魚之象。叶者有大才寬量。容物愛民。得賢者佐助。民心服從。不叶者。鄙吝富人。不好賓朋。損人益己。固執不通。歲運逢之。在仕則遷除。有錫金魚銀魚之兆。在士則門下無人。而難於賓興之選。在庶俗有金帛水利之多。或進奴婢。婦人有孕。

○九三。臀无膚。其行次且。厲无大咎。

此爻是以剛而與人無所遇也。故不免於厲焉。叶者以之求名則不足。以之榮家則有餘。蓋變爲訟二爻。食舊德之象。或承祖恩。或守田業。無初有終。不叶者。孤立無助。作事艱辛。或腰足生疾。福量淺狹。歲運逢之。在仕退步遭謫。在士子進取惟利於殿。蓋臂字去月字。有殿頭之兆故也。庶俗則有災眚杖責之虞。

○九四。包无魚起凶。

此爻是遇民者失其正。故有无魚之凶者也。故叶者貴而無位。高而無民。知機固守。可免災害。不叶者。求名望利。多失機會。孤立寡與。奴僕少力。歲運逢之。在仕有擯斥之殃。在士有停降之辱。在庶俗有爭訟是非之擾。在老者不利於壽。

○九五。以杞包瓜。含章。有隕自天。

此爻是以陽制陰。而示以靜制之道者也。故叶者寬洪大量。包納羣生。文章克積。志不舍命。而富貴利澤。爾熾爾昌。不叶者。亦學問之勤。器量之大。雖無爵祿之榮。亦可成其富有之業。歲運逢之。在仕棟梁之材。以者加秩。章字爲平章之類。天字有登天府受天恩之兆。常人必遇尊貴提携。而所獲出於非望。婦人有孕育之喜。數凶者損壽。

○上九。姤其角。吝。无咎。

此爻是以剛而與人無所遇。故不免於吝者也。叶者。高名清譽。出萃冠倫。忠言正論。多阻於邪議。而祿位不穩。不叶者。氣大志剛。不近人情。結仇構怨。勞碌不暇。歲運逢之。在仕必爲僚長。防過高之誚。在士進取。必居魁首。僧道住持。常人獨立無助。營謀艱辛。

萃卦三三三

○象曰。澤上於地。萃。君子以除戎器。戒不虞。

兌宮二世卦。屬六月。納甲。是乙未乙巳乙卯。丁亥丁酉丁未。借用癸未癸巳癸卯。生於六月及納甲者。功名富貴人也。

○初六。有孚不終。乃亂乃萃。若號一握爲笑。勿恤往。无咎。

此爻是戒違衆以從正。則無妄聚之失矣。故叶者。執己見而聽乎訛言。改過而必從乎正道。廣大之業。可保於無虞。不叶者。憂喜不常。邪正不定。德薄行虧。成立艱辛。歲運逢之。在仕必遭貶逐。在士則遭蹇難。在庶俗有小人結搆受誣之危。大抵皆先凶後吉。戒之爲是。

○六二。引吉无咎。孚乃利用禴。

此爻是得人事君之誠。而因著卜祭之占者也。故叶者。寬洪以擴其量。忠直以事其心。

推賢簡能。引善率德。明足以事君。而德修道行。幽足以格神。而德盛福隆。廟廊著跡。海宇流芳。不叶者。亦存心誠實。交接好人。多得尊貴接引。謀爲利達。福澤無虧。歲運逢之。在仕得人引薦。必有陞除。中字有大中中順中奉給事中之兆。在士主得上人引援。而登庸有賴。在庶俗之人。營謀得好人提舉。謀爲遂意。

○六三。萃如嗟如。无攸利。往无咎。小吝。

此爻是萃於二陰。萃非其正也。故必往而勿恤其羞。故叶者。志謀遂而四海爲家。協力者衆。而生涯利達。不叶者。六親冷淡。家業寂寥。離祖外立。方得遂志。歲運逢之。在仕難萃於朝。而歷在遠方之爲艱。在士進取難逢佳會。在庶俗家不安寧。六親有損。老者凶也。

○九四。大吉。无咎。

此爻是大臣有君民之寄者也。必盡其道。而責斯塞焉。故叶者。秉鈞執政。數道弘化。上有以致君。下有以澤民。而萃大之昌。可保於无咎。不叶者。雖有才志。無德可守。非凶於國。必害於家。歲運逢之。在仕防猜忌之謗。棄高就下。急流勇退爲吉。在士進取有不當之咎。在庶俗謀爲不從正道。皆難免禍。惟大德君子。方可改過得福。

○九五萃有位无咎。匪孚元永貞悔亡。

此爻是著其君位之隆。尤必戒君德之修也。故叶者祿重位高。不以為榮。士從民悅。不以為樂。常存敬畏。富貴永久。不叶者亦能反身修德。雖無爵士之榮。亦能致其家業之興。歲運逢之。在仕則人心未孚而志未光。在士有道德未修之歎。在庶俗則人情不合。而營謀有阻。

○上六齋咨涕洟无咎。

此爻是無才無位。得天下之萃者也。故不免於懼。叶者治而不忘亂。安而不忘危。雖無所利而尤可以自保。雖無所利而尤可以免害。不叶者懦弱無為。憂愁度日。孤立無助。碌碌小就。歲運逢之。在仕進前不穩。事多煩擾。不能安靜。或上下逼迫。長幼憂愁。退悔嗟悲。名利成虛。壽算不永。

升卦 ䷭

○象曰。地中生木。升。君子以順德。積小以高大。

震宮四世卦。屬八月。納甲是辛丑。辛亥。辛酉。癸丑。癸亥。癸酉。借用乙丑。乙亥。乙酉。生於八月及納甲者。功名富貴人也。

○初六。允升。大吉。

此爻是進而有助者。而深幸其得君行道也。故叶者有謙恭之德。獲上人接引之助。功名利達。必爲國家棟梁。不叶者。亦善通人情。扶持者多。謀爲遂意。家業興旺。歲運逢之。在仕超遷。在士高薦。庶俗營謀稱心。

○九二。孚乃利用禴。无咎。

此爻是誠實上交之象。而著其享祀之吉占者也。故叶者。大才大德。誠實中正。上有以得君。下有以得民。功業不顯。志願大行。不叶者。立心以誠。結交以正。清名日著。德業興隆。歲運逢之。在仕有陞。或爲祭酒配享之職。士子成名。常人有喜。疾者安。而用者達。數凶者有喪祭之兆。

○九三。升虛邑。

此爻是仕進之易者也。故叶者。南征以從王之。而進無所摧。奮庸以熙帝之載。而動無所括。大則當要路。小則食邑郡。不叶者。亦謀爲遂而無所阻。家業興而無所虧。或道習清虛。身居空洞。歲運逢之。在仕陞遷。必居大郡。在士成名。在庶俗營謀遂意。數凶者變爲師或輿尸之象。

○六四。王用亨于岐山。吉。无咎。

此爻是王者祀神之誠。而獲福者也。故叶者。柔順之至。誠信之極。明足以格君。而得恩光之隆。幽足以格神。而得福澤之深。功名顯達。志願大遂。不叶者。誠實足以動人。求謀無阻。家業興隆。歲運逢之。在仕得君。而陞必高。在士用賓於王。而名成。在庶俗必得山林之利。隱者有山水之樂。僧道獲祭享之益。數凶者。有歸山塚追祭之兆。

○六五。貞吉。升階。

此爻是人君守至正以臨民。而有以致天下之順治者也。故叶者。科甲登於少年。功業建於朝廷。志量大得。福量寬洪。不叶者。亦守道立身。進取有爲。動皆合志。德業日新。歲運逢之。在仕超遷。在士高薦。庶人謀遂得志。

○上六。冥升。利於不息之貞。

此爻是速於上升。而不知止者也。故叶者。爲君子進德修業。有忠鯁清度之美譽。不叶者。爲小人貪利之切。難免辱身之禍。歲運逢之。在仕告休。在士反身修德。庶俗有貪得不厭之禍。數凶者。有幽冥之非。

困卦三三

○象曰。澤无水。困。君子以致命遂志。

兌宮二世卦。屬五月。納甲。是戊寅戊辰戊午。丁亥丁酉丁未。如生於五月及納甲者。功名富貴人也。

○初六。臀困于株木。入于幽谷。三歲不覿。

此爻是無濟困之才。終於困而不能自拔者也。故叶者。有爲有守。雖不能見用於世。亦爲一世之高士。而幽巖之無辱。不叶者。爲懦弱之才。爲昏暗之質。明不能以有見。困不能以自拔。歲運逢之。在仕退職。在士待時。庶俗有驚憂服制之患。

○九二。困于酒食。朱紱方來。利用享祀。征凶。无咎。

此爻是有剛中之德而無其時。故不能以成濟困之功。叶者。有才有德。必居高位。必享厚祿。明足以感結乎人。君幽足以感格乎神明。雖無拯溺之力。亦免犯難之凶。不叶者。性多偏僻。貪食好酒。必依附於朱門。或爲師巫。足食足衣。但不能遠謀大成。歲運逢之。在仕陞遷。或爲祭酒方面配享。中丞中奉中書之類。閑官必起。天書自來。士人有慶。庶裕得貴人提携。營謀獲利。靜吉動凶。數凶者有喪祭之兆。

○六三。困于石。據于蒺藜。入于其宮。不見其妻。凶。

此爻是無才德以濟困。而身不能保者也。故叶者。多栖身山林。與木石居。或入於宮門。而爲閹人。雖無妻子之慶。尤得保身之術。不叶者。無才無德。出入頓挫。身孤勢危。大困急迫。歲運逢之。在仕有人清禁之兆。在士有人棘闈之喜。但恐遭妻妾之變。數凶者名辱身危。死期將至。況有妻子之可見乎。

○九四。來徐徐。困于金車。吝。有終。

此爻是才弱不足以濟初之困。而終有相與之分也。故叶者。成名雖早。食祿尤遲。上進有難於速。得遇有難於近。其金字之義。有金榜金門金階之兆。不叶者。先難後易。或依附權勢。而後有立。或受制尊貴。而不得自尊。謀爲阻節。終有受用。歲運逢之。閑官超越。事有兼權。而不勝其叢挫之憂。在士進取。多綴朱榜。在庶俗謀望。有頓挫之禍。而終有出險之喜。爲商者爲金車。而遭困。

○九五。剝。困于赤紱。乃徐有說。利用祭祀。

此爻是本其德之足以濟困。與其誠之足以格神也。故叶者。勤於學古。力於行道。始焉進取艱阻。終則機會適逢。或居言路以罄其中直。或爲大臣以配享其祭祀。不叶者。亦先受艱辛。後享安逸。或骨肉有刑。或身體有虧。歲運逢之。在仕則先阻後順。或爲奉直。

中奉社令祭酒祭祀之職。士子進取。先逆後順。庶俗營謀。先挫後獲。數凶者有訟刑之擾。喪祭之兆。

○上六。困于葛藟。于臲臲。曰動悔有悔。征吉。

此爻是無濟困之才德。而示以善反之道者也。故叶者。改過以復於善。易惡以至於中。才足以援其危。德足以濟其困。不叶者。心至柔暗。身處困極。縛束而不能解。危懼而不能安。或離祖遠方。方可成立。歲運逢之。在仕防刑罰縛束之虞。在士防停降之辱。在庶俗防憂驚服制之危。惟商旅則利有攸往。

井卦三三

○象曰。木上有水。井。君子以勞民勸相。

震宮五世卦。屬三月納甲。是辛丑。辛亥。辛酉。戊申。戊戌。戊子。如生於三月及納甲者。功名富貴人也。

○初六。井泥不食。舊井无禽。

此爻是無德而爲世所棄也。故叶者。有才。有德。而難逢機會。未見其名利之遂。恆嗟其道德之窮。不叶者。身處卑下。污濁昏昏。成敗無定。終爲廢才。甚則下有痢疾。上有隔氣。

之終壽。歲運逢之。在仕退閑。求名者不遂。營謀者阻滯。數凶者棄世。

○九二。井谷射鮒。甕敝漏。

此爻是德足於己。而力不足以及物者也。故叶者。文章道德。屈處困時。難逢明主。養道全真。樂天知命。不叶者。學業之寡。名利之薄。或生癘疾。或見妬忌。損漏之多。僅能養家。歲運逢之。在仕宜退處以自養。在士宜藏器以待時。在庶俗宜謹守以避禍。

○九三。井渫不食。爲我心恻。可用汲。王明並受其福。

此爻是惜其未爲世用。而逆許其見用之功也。故叶者。德足以來明主之用。惠足以濟斯民之窮。功名利達。福澤豐隆。不叶者。貴不受祿。富不受用。一籌莫展。常懷憂戚。歲運逢之。在仕難逢明主。而見機解組之爲佳。在士難逢佳會。而養晦之時之爲美。在庶俗安常守分之爲吉。值數之凶者。主有憂慘之兆。

○六四。井甃无咎。

此爻是惟知自修之象。而僅許其得獨善之道者也。故叶者。有謹厚之德。無果斷之才。雖未能建功立業。以鳴國家之盛。亦能存心養性。以盡成己之美。不叶者。善於會計。難於際遇。外節雖可觀。內虛則可憫。歲運逢之。在仕條陳利害。而修政立事之爲尙。在士

則窮經學古以待用。常人則耕田鑿井以厚生。或有造屋修築之兆。

○九五。井冽寒泉食。

此爻是德全於己。而功及於物者也。故叶者經濟之術。素具於己。而德澤之施。普及於物。功名富貴。並隆無虧。不叶者。清才達道。守義安貧。歲運逢之。在仕則德位兼隆。而膺天寵。在士則名利兩全。而有登薦之美。在庶俗則營謀遂而獲利。

○上六。井收勿幕。有孚元吉。

此爻是著其德澤及物之普。而示以有本之治者也。故叶者。實德裕於己。有本之治。自足以溥潤澤之恩。至誠根於心。而有體之用。自足以敷浩蕩之化。事功隆於當時。而名譽昭於千古。不叶者。亦養之裕而積之厚。雖無鐘鼎之榮。亦有陶朱之產。歲運逢之。在仕則功高德厚而高遷。在士則道全德備而名成。在庶俗則才用充足而謀遂。

革卦三三

○象曰。澤中有火。革。君子以治曆明時。

坎宮四世卦。屬二月。納甲。是己卯己丑己亥。丁酉丁亥丁未。如生於二月及納甲者。功名富貴人也。

○初九鞏用黃牛之革。

此爻是無變革之任。故以不革爲革者也。故叶者雖有才猷。而多阻於職業之未就。安常守分。居易以俟命。不叶者。自處卑下。執一不通。雖無禍患。鄙陋可恥。歲運逢之。在仕保位。不可懷出位之思。在士安已。不可圖倖進之舉。在庶俗。謹守常度。不可存妄作之念。

○六二巳日乃革之。征吉。无咎。

此爻是從容以觀變。得善變之道者也。故叶者。能察乎時勢。能燭乎事機。通變以宜民。創立於一人。達諸四海而不悖。更化以善治。建立於一時。傳諸萬世而無窮。上承君寵。下係民望。不叶者。亦存心忠厚。處事得宜。革先人之弊緒。成一代之規模。在仕遷職。士子成名。庶俗多喜事之作。

○九三征凶貞厲。革言三就。有孚。

此爻是當革之任。病於燥而貴於審者也。故叶者。從容周密。相時以更其弊。持重詳審。以觀其變。事功崇高。功名遠大。羣情允協。百代欽仰。不叶者。輕舉妄動。成少敗多。卓立艱辛。營謀頓挫。歲運逢之。在仕有躁動失政之謫。在士有復試三就之舉。在庶俗多紛

華之擾。數凶者夭折。

○九四。悔亡有孚。改命吉。

此爻是協民心以革政。斯治道維新者也。故叶者。道大德宏。謀遠志高。補弊救偏。以成莫大之功名。革故鼎新。以成可久之制度。上有以叶君心。下有以孚乎民情。命字有爵。命壽命之吉兆。不叶者。宅心忠厚。區畫有方。先難後易。改祖外立。生涯乃久。歲運逢之。在仕有陞遷之驟。在士有登薦之榮。在庶俗有增美之吉。改命二字。亦有深意。

○九五。大人虎變。未占有孚。

此爻是有革命之象。而因示以順民之情者也。故叶者。奇才重望。出類超羣。制禮作樂。以成百代之規。修改明刑。以闡百王之秘。虎榜龍池。特其餘事。不叶者。福力之厚。聲價之高。見事無疑。行不負志。歲運逢之。在仕有遷超之榮。在士有高薦之喜。在庶俗幹爲有變通先顯之休。惟賤士陰人不利。餘皆吉兆。

○上六。君子豹變。小人革面。征凶居貞吉。

此爻是變革之后。革道之成也。而其占必欲其居貞焉。故叶者。下修己德。文章有豹變之美。上從君命。爵祿有榮膺之休。不叶者。作聰罔法。率意妄爲。強貪不厭。禍患迭生。歲

運逢之。未仕者進秩。已仕者退閑。在士有文蔚之喜。而名必成。庶俗有守法之心。而患害免。革面主是非。

鼎卦三三

○象曰。木上有火。鼎。君子以正位凝命。

離宮二世卦。屬十二月。納甲。是辛丑辛亥辛酉己酉己未己巳。如生於十二月及納甲者。功名富貴人也。

○初六。鼎顛趾。利出否。得妾以其子。无咎。

此爻是德足以革故而從新者也。故叶者。舍己以從人。屈己以受善。非於進德修業。以淑在我之身心。且能革弊改舊。以新天下之耳目。文章發於少年。福祿隆於晚景。不叶者。多改祖外立。先逆後順。名輕利重。有妾有子。歲運逢之。在仕有因敗致功之美。而遷職。在士有因賤致貴之休。而成名。在庶俗有因人成事之益。或得妾。或生子。憂者喜。賤者貴。

○九二。鼎有實。我仇有疾。不我能即。吉。

此爻是能以道而自守。必著其象而善其占者也。故叶者。有陽剛之才德。居大臣之正。

位如鼎之實。可薦於上帝。奉王公。養天下。所以爲宗廟之重器也。不叶者。秉性敦厚。謀爲篤實。家基豐富。得人妬忌。歲運逢之。在仕執政秉公。謹防讒邪之誘。在士雖有學而難逢知己。營利者雖有獲。亦當防外擾。下人侵害之禍。或時沾小疾而無害。

○九三。鼎耳革。其行塞。雉膏不食。方雨虧悔。終吉。

此爻是鼎之實。擬其睽於始而合於終者也。故叶者德蘊於己。而充積之有素。但嘉會難遇。而科第多阻於初年。然大德不廢。爵祿終膺於晚景。不叶者。有德不能見用。有才不能施行。或足疾而艱於步。或悖義而專於利。早歲艱辛。晚景安逸。歲運逢之。在仕多阻於邪議。而始擢終得。在士則難於進取。在庶俗營謀多無初有終。老者受福。幼者少遂。

○九四。鼎折足。覆公餗。其形渥凶。

此爻是大臣用人之非。以傾覆國家者也。故叶者。貴爲大臣。但委任非人。必有累己之禍。不叶者。有才無德。棄正從邪。恃強妄作。成敗無常。破祖外立。聚散不一。歲運逢之。在仕有貶逐之虞。在士有難進之失。在庶俗有破損之災。或生足疾。數凶者折壽。

○六五。鼎黃耳。金鉉利貞。

此爻是擬其任賢圖治之象。而勉以克終允德之占焉。故叶者。德重位尊。虛己納賢。上以承天寵。下以係民望。不叶者。亦秉性忠直。善通人情。家業豐厚。福量寬洪。歲運逢之。在仕則進。吉兆甚多。蓋鼎有三台之象。黃字有黃榜黃甲黃堂。金字有金魚金榜金紫。中字有中奉大中給事中之兆。治中中書省之應。商賈獲利。僧道住持。

○上九鼎玉鉉。大吉无不利。

此爻是鼎之居上者。象其德之美。而要其功之成也。故叶者。爲富爲貴。知進知退。左選則爲玉堂。右選則爲建節。女子可爲節婦命婦。不叶者。清名重望。隱避巖谷。金玉滿籬。福澤深遠。歲運逢之。在仕未仕者。進職已仕者。退閑。在士子有高薦之喜。在庶俗安穩。利達而謀成。數凶者。身亡。但德小者。不能當之。

震卦三三

○象曰。洊雷震。君子以恐懼修省。

震宮一世。卦屬十月。納甲是庚子庚寅庚辰。庚午庚申庚戌。如生於十月及納甲者。功名富貴人也。

○初九。震來虩虩。後笑言啞啞。吉。

此爻是知所懼而懼焉。故後可以有則也。故叶者稟剛大之才。文章足以補袞。威望足以服衆。事功遠大。爵祿崇高。不叶者亦能恐懼修省。先涉艱辛。後享福祿。次則或足失爲暗啞。歲運逢之。在仕有先驚後喜之應。在士有一鳴驚人。之兆。有爲縣宰社令主祭之職。在庶俗多有虛驚。后或進喜。

○六二震來虜。億喪貝。躋於九陵。勿逐。七日得。

此爻是知所懼而懼。故終可以有得者也。故叶者有才重望深。思長慮遠。遭事變而有轉移之術。罹禍害而有區畫之謀。雖不能創立新居。亦能保守舊業。不叶者履危險而不知避。貪貨貝而不能舍。常慮常憂。奔馳四野。先逆後順。先危後安。歲運逢之。在仕有遭陰險奸邪之虞。在士有先迷後得之兆。在庶俗有爭訟失脫之虞。老者壽險。少者心驚。七日者。乃刻期之應。

○六三震蘇蘇。震行无眚。

此爻是無德致禍之象。而示以改過之端者也。故叶者安而不忘危。治而不忘亂。雖不能奮發勇爲。以擴大其事業。亦能恐懼修省。以保全其常分。素位而行。清修日著。不叶者柔懦不能立。驚惶失志。進退無定。利名皆虛。歲運逢之。在仕有尸位之諂。在士有廢

業之患。在庶俗有災害憂懼之損。謹戒之。免凶耳。

○九四。震遂泥。

此爻是從欲惟危者也。故叶者。節其欲而不至於流。損其過而不至於溺。雖不能設施。以成其光大之業。亦可以圖存而保其陷溺之危。不叶者。苟處卑下。乖失正體。塵泥汨沒。生涯淡薄。歲運逢之。在仕有貶逐之危。在士有停降之禍。在庶俗卑污苟賤。而一籌莫展。甚至縲綽拘係。而無光亨之日。

○六五。震往來厲。億无喪有事。

此爻是無才固不免於厲矣。而求之有德。則能知懼者也。故叶者。才不足而德有餘。能保其前日之業。圖治匡世之績。足以振不顯。不叶者。存心忠厚。保固圖存。早年奔馳。晚景安逸。歲運逢之。在仕常職可保。在士守其固有。在庶俗有虞。或手足之憂。

○上六。震索索。視矍矍。征凶。震不于其躬。于其鄰。无咎。婚媾有言。

此爻是無才固不免於凶矣。故叶者。患未至而先備。害未來而先防。威望服於鄉鄰。而身家可保。不叶者。不能謹畏。強很招禍。妻妾不和。狀貌委靡。歲運逢之。在仕防謫。貶在士防停降。庶俗有防。則免禍害。震驚之憂。修之則吉。或夫婦有刑。親鄰遭難。

艮卦 三三三

○象曰兼山艮。君子以思不出其位。

此艮卦屬四月。納甲。是丙辰丙午丙申丙戌丙子丙寅。生於四月及納甲者。功名富貴人也。

○初六艮其趾。无咎。利永貞。

此爻是得其守正之道者也。故叶者。從之正而無從逆之凶。守之固而得厚終之道。雖無發達之美。亦免傾危之憂。不叶者。謙卑是持。謹厚是守。災害不生。身家可保。歲運逢之。在仕保守已職而無失。在士進取落後。庶俗安常守分。而不陷於從欲之危。

○六二艮其腓。不拯其隨。其心不快。

此爻是僅能成己而歉於成物者也。故叶者。乃是中正之人。才德甚高。有志事君。而其謀猶難以進用。且阻於權樞。而其心常懷不歉。然雖不能建於世。而亦爲後世所矜式。不叶者。心無定見。邪正相混。家難而不知排遣。父蠱而不知幹治。卓立艱難。心緒撓括。歲運逢之。在仕無扶危持顛之才。在士無機會之美。在庶俗無求謀之遂。或馳他郡而苦于勞役。或有足疾而動止難安。或爲家患而心有不快。

○九三。艮其限。列其夤。厲薰心。

此爻是不當止而止。失時之極者也。故叶者必爲顯宦執柄。貪得不足。敗君誤國。阻隔正路。而上下之情不通。敗逆之罪難道。不叶者。富藏金谷。必起強梗。惡事常行。善緣不作。歲運逢之。在仕顯者必遷要津。邊闖選人。立班改職。士子前則成名。庶俗強梗不順。破損不寧。危厲不安。數凶者老幼或爲心病。或患眼。或腰疾。或阻碍。刑孝破家。

○六四。艮其身。无咎。

此爻是時止而止。有不安動之義者也。故叶者鎮靖安穩。藏修謹厚。雖不能兼善天下。而亦可以成獨善之志。雖不能以濟時。而亦可以無僨事之愆。不叶者。單身自謀。適己自便。或爲僧道。歲運逢之。在仕安職。不可懷出位之思。未仕者不可圖倖進之學。在庶俗安分。不可懷越分之謀。

○六五。艮其輔。言有序。悔亡。

此爻是於其言而寡尤者也。故叶者有德有言。大則爲輔相。爲言路。爲大中中奉給事。中中書省。小則爲序首庠序之職。不叶者。而爲陶情吟哦。談今說古之幽人。或得朋友親輔麗澤之功。而活計可以養身。歲運逢之。在仕顯者必獲大位。居朝堂之職。未顯者

則爲言路之官。在士則一言而合主司。科名成就。在庶俗則公言足以合人情。而謀望遂意。若小人當此。則反有唇吻之咎。老少難於頤養。

○上九。敦良。吉。

此爻是止於至善者也。故叶者高風勁節。必爲大人君子。而標準當時。福澤厚深。不叶者。主誠實。不浮華。或田業之廣。壽算之高。歲運逢之。在仕遷職。在士成名。農家進田業。商賈獲利。在庶俗獲福。但變得謙上爻。有志未得伸之兆。數凶者亦防之。

### 漸卦三三三

○象曰。山下有木。漸。君子以居賢德善俗。

艮宮八世卦。屬正月。納甲是丙辰丙午丙申辛未辛巳辛卯。如生於正月及納甲者。功名富貴人也。

○初六。鴻漸于干。小子厲。有言无咎。

此爻是不得所安。無其時而不能進者也。故叶者清才賢德。入仕以漸而有序。非但登科及第。而且入言路以爲去奸逐佞之臣。不叶者亦起立生涯。自微積累。或涉艱辛。或憑口舌。如小子之行不躡等。歲運逢之。在仕多作正言。或條陳利害。或上本諫諍而爲

文訟論謫。在士無應援汲引之人。而進取阻於時。在庶俗多遭其窮阨。而謀爲不阻。

○六二。鴻漸于磐。飲食衎衎。吉。

此爻是安於祿位之隆。而深幸其所遇者也。故叶者才高德重。足以措國家於磐石之安。納君民於和衍之樂。富貴極其長久。福澤極其深厚。不叶者亦飽煖衣食。爲良善之士。或逸而處於巖穴。或散而游於江湖。歲運逢之。在仕爲食祿祭酒之職。在士爲鹿鳴瓊林之宴。在常人爲金谷庖廚之事。無往不利。隨處皆安。

○九三。鴻漸于陸。夫征不復。婦孕不育。凶。利禦寇。

此爻是不得所安。無其德而不能進者也。故叶者有兼人之勇。濟世之才。文中成名。武中有功。但艱於妻子之爲。尤不叶者。離祖外居。棄文就武。自高自大。親朋寡合。妻子刑剋。作事乖違。歲運逢之。在仕有謫貶之憂。在士有阻滯之虞。在庶俗有驚恐之患。人情不睦。盜賊侵害。

○六四。鴻漸于木。或得其桷。无咎。

此爻是遇暴而得所安。斯可以無虞者也。故叶者德重能謙。位高能讓。平生安樂。保無傾虞。不叶者。生計艱苦。常見憂懼。才畜無定。恭儉自約。晚有受用。歲運逢之。在仕有強

暴難制之嗟。遷除無定。兼用不一。在士秋試可望。或發解。常人利於修造。家給人足。而無驚憂之虞。

○九五。鴻漸于陵。婦三歲不孕。終莫之勝吉。

此爻是進得君位之象。終得賢臣之助。而成治功者也。故叶者。才大德厚。功名難發於青年。爵祿終膺於晚景。不叶者。有清譽而處於巖谷。足衣足食。志願晚遂。嗣續晚成。歲運逢之。在仕多招謗議。先暗後明。在未仕者。始失終得。在常人。先阻後順。老或損壽。少或難養。數凶者。有葬丘陵之兆。惟正月生人。主大富貴。

○上九。鴻漸于陸。其羽可用爲儀。吉。

此爻是超乎人外者也。故叶者。有德有言。居上可法。道義可尊。或爲一世之表儀。或爲四方之師表。高下欽仰。遐邇皆服。不叶者。多爲羽衣僧道之流。而功名付於度外。或爲翼從之輩。而富貴難享。歲運逢之。朝臣大拜。足爲天下儀刑。士子成名。有一飛冲天之兆。在庶俗得人提舉。而謀爲卓然。禍患不侵。福澤永崇。

歸妹卦三三

○象曰。澤上有雷。歸妹。君子以永終知敝。

此是兌宮二世卦屬七月納甲。是丁巳丁卯丁丑庚午庚申庚戌。如生於七月及納甲者功名富貴人也。

○初九歸妹以娣跛能履征吉。

此爻是有德而無正應。阻於所遇。而得因分以自盡者也。故叶者有德而無時。居下而無應。雖不能大有所爲。以享其厚祿。亦能小有所就。以上承乎君恩。不叶者亦執守有常。舍己從人。亦起自艱辛。或疾患跛跣。歲運逢之。在仕者多助僚長而有政聲。在士則有小試之喜。在庶俗則有小德而謀爲頗遂。或納婢妾。或投勢豪。以求活計。

○九二眇能視利幽人之貞。

此爻是有德而不遇於君。示以守重之道者也。故叶者才德修於己。雖不逢乎明主。而忠貞靖恭之節。確乎其不可拔。不叶者。寡學而無名利。有道而處山林。財帛豐足。福澤固穩。或有目疾。或好淡靜。歲運逢之。在仕職位艱遷。選人求改。士子不遇機會。庶俗守舊安常。禍害不生。數凶者幽險之人。喪身幽冥之兆。

○六三歸妹以須反歸以娣。

此爻是無德無應者也。故歸妹而爲娣。故叶者多阻於嘉會。而不可以有爲。小就則可。

大用則阻。不叶者謀爲逆。遭志量淺狹。倚托勢豪。福澤有限。歲運逢之。在仕有降謫之禍。在士有待時之困。在庶俗有勞役悲苦之嗟。反復進退之憂。如元堂值吉。主有出妻之應。或納寵婢。

○九四。歸妹愆期。遲歸有時。

此爻是守其道而不苟於進者也。故叶者正大之才。固守其道。待時而動。科甲無早發之休。大器有晚成之喜。不叶者雖有大德。多逢艱阻。或妻遲子晚。晚景榮華。歲運逢之。在仕外方者歸朝待制待用。在士進取待時。國學待補。求仕待闕。商旅在外未歸。婚姻者未就。

○六五。帝乙歸妹。其君之袂。不如其娣之袂良。月幾望。吉。

此爻是象女德之純。而示其風化之善者也。故叶者才全德備。守古之道。寬量容物。黜浮崇雅。功名利達。福澤豐隆。不叶者迎貴待賤。古直良善。富而不驕。欲而不貪。歲運逢之。在仕有陞遷大中。中奉給事中。中丞等官之兆。在士有登科及第之喜。在庶俗謀爲遂志。或婚姻得財。或作國賓之貴。

○上六。女承筐。无實。士刲羊无血。无攸利。

此爻是無德無應約婚而不終者也。故叶者有才而難獲科甲。有貴而難爲爵祿。有妻而難爲子媳。不叶者。孤苦勞神。多謀愈窘。歲運逢之。在仕徒居虛位而無實祿。在士進取。徒有虛名而無實勝之善。在庶俗營謀皆空。老者有喪祭之兆。

豐卦三三三

○象曰。雷電皆至。豐。君子以折獄致刑。

坎宮五世卦。屬九月。納甲是己卯己亥己丑。庚午庚申庚戌。如生於九月及納甲者。功名富貴人也。又二月至八月。福重。餘則福輕也。

○初九。遇其配主。雖旬无咎。往有尙。

此爻是厚其德之相敵。而要其功之相濟者也。故叶者以剛大之才。當盛明之世。同德相濟。而豐亨裕大之業。可以常保於無虞。不叶者。恃才傲物。招尤啟釁。謀爲不稱。心志刑傷。多見於骨肉。歲運逢之。在仕必遇明主。必逢大臣而超遷。在士則進取成名。多過知己。在庶俗得貴人提携。謀望克遂。凶者作爲大過。必招禍殃。

○六二。豐其蔀。日中見斗。往得疑疾。有孚發若。吉。

此爻是有德而見蔽於君之象。必示以積誠之占者也。故叶者當明盛之時。居朝堂之

位在君雖昏暗。而有猜疑忌疾之心。在我則誠積內蘊。而有轉移化導之術。不叶者。无所庇蔭。孤親寡眷。惹誘招疑。先逆後順。歲運逢之。在仕則忠言多阻於邪議。而始失終得。在未仕者。有久淹發達之機。在庶俗。有久困發財之美。有訟者。不辨自明。有疾者。不藥自愈。數凶者。或防長上。必有憂悲。

○九三。豐其沛。日中見沫。折其右肱。无咎。

此爻是所遇非其君。雖明而無所用者也。故叶者。雖有明德。而遇暗君。大則爲股肱之臣。次則爲佐貳之官。但恐有同僚傷毀之咎。不叶者。傷親破祖。秀而不實。或手足有疾。小小營謀。有才難用。歲運逢之。在仕有告休之兆。在士有難進之虞。在庶俗營謀難遂。或明而受蔽。爭訟日起。或手足有厄。而難於作事。

○九四。豐其蔀。日中見斗。遇其夷主。吉。

此爻是大臣有德。而遇非其君。而示以同升之吉占也。故叶者。有剛明之德。而爲柔邪所蔽。雖不能自主。以顯其謀猷。然同德相爲。協力贊助。亦可以成其事功。豐亨之時。可保福澤之享。無虧。不叶者。改祖外立。先暗后明。多倚貴戚。以求活計。歲運逢之。處於君臣之間者。必有猜忌。而位不安。在士則遇知己。而進取有賴。在庶俗則明而受蔽。得人

解釋爲吉。商旅棄內就外。反有遭際。行舟者防折桅之驚。

○六五來章有慶譽吉。

此爻是勉人君以求賢。而因與其有得賢之善者也。故叶者先暗后明。虛心積德。舍己從人。必爲顯宦大貴。功名利達。福慶豐厚。不叶者亦有聲譽。文章過人。居朝堂而高爵是膺。在士必獲高魁而名成。在庶俗必有好人提舉。謀望稱意。老者有榮膺官帶之兆。○上六豐其屋。蔀其家。闕其戶。闕其无人。三歲不覲凶。

此爻是明極反暗而得凶者也。故叶者受祖宗已成之業。而難堪任事。恃在己之聰明。主作爲妄誕。終迷不復。災眚難道。不叶者主有才無德。妄自尊大。絕親離友。拘執不定。百爲成空。惟僧道隱於山林。則免災咎。歲運逢之。在仕高而招危。在士則翱翔於天際之兆。在庶俗則骨肉相殘。離祖成家。難免獄訟口舌之憂。或困於門戶之咎。

旅卦三三

○象曰。山上有火。旅。君子以明慎用刑。而不留獄。

離宮初世卦。屬五月納甲。是丙辰丙午丙申己酉己未己巳。如生於五月及納甲者。功名富貴人也。

○初六。旅瑣瑣。斯其所取災。

此爻是處旅卑猥者也。故不免于取災。故叶者才猷出衆而小官薄職。亦可以圖求。事多艱阻。功終微細。不叶者習下爲卑。事稍濟遇。則驕溢而志張。一值蹇滯。則困迫而志窮。災來莫測。禍至不及。歲運逢之。在仕有才力不及之歎。在士有卑污賤陋之嗟。在庶俗有局量褊淺之禍。

○六二。旅即次。懷其資。得童僕貞。

此爻是旅道之善者也。故叶者文可華國。才可濟世。上膺天位之榮。下得民心之戴。事業崇高。德位悠遠。不叶者雖不入仕。亦有資才豐盈。堂廈華麗。童僕繁多。厚福人也。歲運逢之。在仕顯耀。有師旅僕射資政神童之兆。在士則進取成名。在庶俗或進修造之舉。或進僕從之喜。此爻值者多自立規模。外郡營立。

○九三。旅焚其次。喪其童僕。貞厲。

此爻是旅之高者也。故不免凶厲。故叶者有剛正之德。出風塵之表。貴而無位。高而無民。好大喜功。招尤啟釁。不叶者剛明自恃。離鄉改祖。動必有悔。无所容立。歲運逢之。在仕有去職之誚。在士有喪名之玷。在庶俗有焚廬之殃。損人口之阨。

○九四。旅于處。得其資斧。我心不快。

此爻是得處旅之善。而表其憂天下之心者也。故叶者。才德足以爲世用。或爲武職。而立功于外方。多動少靜。難中見易。不叶者。多爲外賈而獲利。奔波險阻。心有不寧。歲運逢之。在仕必陞外闕。而征戰有功。顯者樞相資政。在士子進取難爲。在爲商者獲利。常人在外者有成立。但美中不足。而憂慘傷悲之事作。

○六五。射雉。一矢亡。終以譽命。

此爻是擬其小有所失。而決大有所得者也。故叶者。功名發于青年。聲聞達于帝側。富貴福澤並隆。不叶者。亦有文章之美。聲譽之著。德業之廣。爲鄉里之吉士。歲運逢之。在仕爲薦剡。而位居清要。在士爲請舉。而名成就。在常人發則近尊。上老者推恩。婦人封誥。數凶者終不可以言吉。

○上九。鳥焚其巢。旅人先笑後號咷。喪羊于易。凶。

此爻是處旅過高者也。所以有凶。故叶者以剛明之才。處百僚之上。但驕亢足以取禍。而終難保其安榮。不叶者。或流于羈旅。或奔于道途。喪家辱身。終難受福。歲運逢之。在仕者難保其位。有先得後失之嗟。在士有飛騰之兆。在庶俗好中有損。或移居修造。以

避災貴。或目疾火殃之危。或仕進登優。大抵先見榮處。乃禍之根也。

### 巽卦三三二

○象曰。隨風巽。君子以申命行事。

巽宮本世屬四月。納甲是辛丑。辛亥。辛酉。辛未。辛巳。辛卯。如生于四月及納甲者。功名富貴人也。在春夏長養爲福重。

○初六。進退。利武人之貞。

此爻是擬以不果之象。而因示以果斷之占者也。故叶者。沉潛而不能剛克。多文中成名。武中立功。棄內出外。決意圖遠。先逆後順。不叶者。自處卑下。進退無定。小小營謀。則可。大謀則招災害。農工商技。亦棄本逐末。常得工人之力。歲運逢之。在仕則宜右選。或有差除。進退不一。或有兼權。難中有易。在士則利于文選。武選則有阻。在庶俗營爲。有得有失。凶者多招疑謗。

○九二。巽在牀下。用史巫紛若。吉。无咎。

此爻是有得于臣道之純者。而有以善之者也。故叶者。大德辨才。接人以謙。功名顯達。爵位崇高。在貴人吉兆甚多。如史巫字義。有太史御史之官。又得中字義。有大中中奉。

給事中中書省之類。不叶者。小小規模。或爲巫醫僧道。心緒多端。卓立不一。歲運逢之。在仕有遷除。非言路則在史館。士子成名。庶俗則誠實感人。而謀圖利達。凶者有巫祝之祭。

○九二頻巽吝

此爻是不能巽者。故無以免其咎也。故叶者過剛不中。無下人之資。挾人之勢。高焉而不能自卑。亢焉而不能自屈。志意窮極。爲世所忌。不叶者。多適己自便。招釁啟尤。志驕意悍。窮迫難容。歲運逢之。在仕有謫降之嗟。在士有損失之虞。在庶俗有窮困之阨。宦途有差遣者。或兼用。或再幹。屢得屢失。羞吝難免。

○六四悔亡田獲三品

此爻是不見害於人。而因表其獲多取之功也。故叶者清才美譽。柔順謙恭。或爲三公大夫。大祀山川社稷之大祀。或爲總制軍門。而有戰勝攻取之略。不叶者。亦先難後易。雖非仕路之賓。亦不失爲田舍翁。豐衣足食。安樂自如。歲運逢之。在仕大用。或爲邊關以總制三軍。或爲祭酒。在士功名成就。在庶俗獲利獲福。

○九五貞吉悔亡无不利无初有終先庚三日後庚三日吉

此爻是君德之未純者。既舉其得正之功。復示其更化之善也。故叶者矯偏以歸於正。損過以就乎中。思慮之深。謀爲之審。謀猷難發于青年。功業終成于晚景。不叶者。先難後易。改祖外立。事見重疊。謀爲反復。雖不能大用。亦清譽結果。歲運逢之。在仕雖有遷除。先阻後順。三日先後。皆刻期之日。事有兼權。中正字爲官職之兆。其餘人謀望皆有轉移之方。无初有終。士子成名。庸人獲利。獲福。

○上九。巽在牀下。喪其資斧。貞凶。

此爻是過于巽者也。故失其陽剛之德以取凶。故叶者。心平氣私。謙恭足以服強暴。巽順足以服剛狠。雖不能見用于名世。亦可以明哲以保身。不叶者。器識鄙陋。圖謀艱辛。凶災難除。歲運逢之。在仕有罷軟之嗟。在士有上窮之損。在庶俗有損疾之虞。但變得井上爻之佳。凶中有救。絕處逢生。反有成功之喜。

### 兌卦三三

○象曰。麗澤兌。君子以朋友講習。

純兌卦屬十月。納甲是丁巳丁卯丁丑丁亥丁酉丁未。如生于十月及納甲者。功名富貴人也。

○初九和兌吉。

此爻是和以處衆。斯得民心之應者也。故叶者神情凝遠。器宇冲和。道德潤身。傳心聖賢之學。文章華國。耀乎星河之煥。功名早遂。福澤愈洪。不叶者安常處順。和氣同塵。雖无爵祿之榮。亦有田園之廣。歲運逢之。在顯仕者。臣鄰賡歌于一堂之上。次則同寅協恭。而政事有聲。在士朋友。有麗澤之益。而且利于進取。在庶俗。人情和合。而百謀皆遂。在夫婦。有相守之宜。數凶變困初爻。有幽冥官訟之兆。

○九二孚兌吉。悔亡。

此爻是人臣一誠以結乎君心。斯得之尊。而无媚悅之非者也。故叶者才德出衆。誠信之至。上可以得乎君。下可以得乎民。事功成垂乎一世。聲名播及于海宇。不叶者亦能結交以信。處事以和。吉祥壘至。休咎不生。歲運逢之。在仕有陞遷之兆。在士有進取之喜。在庶俗有百爲和順之休。暗昧者由是而光明。結搆者由是而和解。

○六三來兌凶。

此爻是佞悅以取凶者也。故叶者上結勢權。下交富豪。雖不能振拔有爲。以高大其事。功而贊助有賴。亦可以安守其職業。不叶者阿順爲榮。逢迎爲悅。非惟不足以得人之

與。而且。有以取天下之惡。淪於污濁。難免恥辱。歲運逢之。在仕有邪媚諂瀆之尤。在士有奔競之嗟。在庶俗有詭隨苟合之禍。甚則失道忘身。

○九四。商兌未寧。介疾有喜。

此爻是絕邪以忠君而獲福之隆者也。故叶者。多見其去邪遠奸。親賢讓能。物至而善于揆度。德立而介然有守。事功立于可大。德業衍于無窮。不叶者。混于賢否之間。趨向無定。心事有不寧之嗟。作爲無變通之美。先逆後順。僅可支持。歲運逢之。在仕必居要津。而爲逐佞之謀。遷陞有賴。在士有進選之喜。商賈獲利。常人進人口。次則疾病少安。心志未寧。

○九五。孚于剝。有厲。

此爻是人君有所恃而誤用奸邪以招害者也。故叶者。有陽剛之德。居崇高之位。但誤用奸邪。而事功有傾覆之厄。不叶者。立志無定。或正或邪。任意妄作。委任非人。招尤啟讟。損益不一。歲運逢之。在仕有讒邪之謗。在士有失奪之嗟。在庶俗有陰邪擾害。

○上六。引兌。

此爻是專務悅人者也。故叶者。上引君子正道。下引民以悅懌。和氣薰於九有。福澤履

于不替。不叶者。爲奸邪蠱惑之人。爲世所忌。而謀望未成。歲運逢之。在仕爲引宰。爲引道。同聲相悅於朝堂。在士爲引進引領。但上達有未光之欠。在庶俗爲和光同塵。而營謀不顯。甚則害眸之陋。或受污濁之類。

渙卦三三二

○象曰。風行水上。渙。先王以享于帝立廟。

離宮五世卦。屬三月納甲。是戊寅戊辰戊午辛未辛巳辛卯。如生于五月及納甲者。功名富貴人也。

○初六。用拯馬壯。吉。

此爻是濟天下之渙。而得陽剛之助。而渙无不濟之者也。故叶者有才有德。力于行道。進取多遇乎知己。有謀必得乎加會。人心歸服。國勢奠安。不叶者。亦容易起家。不甚勞力。出乘車馬。得人扶持。歲運逢之。在仕陞遷之速。有五馬戎馬之兆。在士有飛騰之應。在庶俗得尊上提舉。而謀爲意遂。

○九二。渙奔其机。悔亡。

此爻是所據得其地。而濟渙之心可慰矣。故叶者有剛中之德。當渙散之秋。乘機觀變。

而匡濟之功可成。養銳蓄威。而興復之謀可就。先涉艱苦。後見平易。不叶者。必離祖奔逐。自營獨修。勤苦艱辛。初年失志。安靜豐泰。晚景得願。歲運逢之。在仕或爲百僚之長。執權柄之重。登壇拜將。運籌帷幄。士子成名。常人成家。謀望者合志。僧道受恩。數凶。奔波失脫逃亡。

○六三。渙其躬。无悔。

此爻是人臣許身以濟難。斯无可咎者也。故叶者。矯偏以歸於正。損過以就乎中。不爲一身之謀。而有天下之慮。上足以拯君之艱。下足以救民之溺。非小器淺量者比也。不叶者。遠親向疎。離祖業。立外基。无榮无辱。亦是近上之吉人。或爲僧道。修心養性。歲運逢之。在仕朝中者。必轉遷外郡。進取者。不利州縣。而外試則遂。有禍阨者。必散。在國學者。必出身。常人獲利。

○六四。渙其羣。元吉。渙有丘。匪夷所思。

此爻是有見于人臣尊主之象。而深致其許焉者也。故叶者。見識高遠。德大望重。散朋黨之私。立匡世之業。上膺君寵。下一民心。信非常人思慮所能及。不叶者。亦才德出衆。有名有利。但多聚散不一。心持二思。志無定守。歲運逢之。在仕爲百官之長。或郡縣之

主在土則爲超羣而魁元可得。在庶俗先凶者散。謀望者合。求利者獲。數凶者則不利。蓋有丘葬之兆。

○九五。渙汗其大號。渙王居。无咎。

此爻是班王師而廣王澤。君道無忝者也。故叶者位高任重。道大德宏。威聲遠著于華夷。惠澤覃敷于九有。事功顯赫。福澤寬洪。不叶者志大心高。好勝出衆。縱非富貴。亦有聲譽。歲運逢之。在仕有陞遷之榮。未仕者宜進取。有凶者散。求利者遂。蓋王居王字。有大魁大拜大夫。王公起居舍人。正奏正言之兆。

○上九。渙其血。去逖出。无咎。

此爻是大臣而有濟渙之功。斯无愧于臣道者也。故叶者才大識廣。忠肝義膽。救天下之險難。拯斯民之陷溺。功成業就。祿重位尊。不叶者度時而進。知機而退。遨遊遠方。卓立外郡。出險爲夷。易危爲安。歲運逢之。在仕朝中者外選。武將靖難。在土有出潛離隱之兆。在庶俗有出險就安之美。在訟獄者必散。有疾陋者必愈。在幽暗者必明。數凶有血氣泣血之殃。

節卦三三

○象曰：澤上有水，節。君子以制數度，議德行。

坎宮初世卦屬十一月納甲。是丁巳丁卯丁丑。戊申戊戌戊子。如生于十一月及納甲者，功名富貴人也。

○初九不出戶庭，无咎。

此爻是因時以自守，斯無枉道之辱者也。故叶者，學足而貫古今，識廣而知通塞，顯仕則不出於內京，或爲門下平章，或戶部，或內翰，次則不出于州縣，以理人，丁戶口之任，不叶者，或謹守正道，不爭不競，或拙守祖業，无灾无害，歲運逢之，在仕入朝中者，不出外郡，閑居亦不遷，士人進取不利，常人守舊，數凶者有坎陷之兆。

○九二不出門庭，凶。

此爻是守已昧時，而深著其不善之占者也。故叶者，有才而不知設施，遇時而不知進取，懷寶迷邦，潔身亂倫，不叶者，鄙吝拘革，不通人情，困守無爲，難免尤悔，歲運逢之，在仕有失時之阨，在士無援引之人，而難于進取，在庶俗有不通之禍，有謀者當幹不幹，居家者當出不出，大抵宜動不宜靜，不出門故也。

○六三不節若，則嗟若，无咎。

此爻是不能節以自致其憂者也。故叶者雖居位食祿。但不能節以制度。未免傷財害民。而自貽悲感。不叶者。專行邪媚。躐等犯分。衣食無餘。終遭阻滯。歲運逢之。在仕有窮奢極欲之陋。在士有不恆其德之羞。在庶俗有費出不經之嗟。

○六四安節亨。

此爻是大臣能順其君。而輔治之功成矣。故叶者。則君以自治。而不忘乎憲章之法。事君以自顯。而不忘乎效順之節。名位于是。乎永保。福祉于是。乎永綏。不叶者。亦平生安穩。而無傾覆之患。在婦人能任承夫子以克家。歲運逢之。在仕或上承天寵。下撫八方。節制承直承務。女子或爲安人節婦。在士有遵王章之喜。而名可成。在庶俗奉公承上。而福可獲。

○九五甘節吉。往有尙。

此爻是能安節之善。而兩有以嘉其占者也。故叶者。制度數。議德行。推之無不準。動之無不化。事功顯立于當時。名譽昭垂于千古。不叶者。不爭不競。不奢不華。樂道安貧。謹身節用。在仕則遷擢。其節字中字居字。爲節制起居大中之類。未仕者。有上達之美。在庶俗謀望遂意。

○上六。苦節貞凶。悔亡。

此爻是節之太甚。而自招尤者也。故叶者恭儉自持。廉潔自守。省費以示天下之樸。崇簡以節天下之流。雖若拂乎人情物理之宜。亦不至傷財害民之嗟。不叶者鄙吝之徒。縱有先業。不知變通。人情寡合。悔尤難道。歲運逢之。在任有過執之尤。在士有過疑之嗟。在庶俗有失度之愆。求名望利。皆無益也。老者不利壽。

中孚卦三三二

○象曰。澤上有風。中孚。君子以議獄緩死。

艮宮四世卦。屬八月納甲。是丁巳丁卯丁丑辛未辛巳辛卯。如生于八月及納甲者。功名富貴人也。

○初九。虞吉。有它不燕。

此爻是著以從正之善。因示以貞一之道者也。故叶者柔順而中。精誠而明。啟沃得其人。而道德昭崇高之美。輔翼有其助。而事功極豐隆之盛。不叶者。動靜無常。趨向不一。謀望多不協于思。惟身世不得于燕安。歲運逢之。在任有薦拔之美。在士有汲引之佳。在庶俗則貴人提舉。而謀克遂。但喜中有憂。甚至人財破損。凡在士庶之類。欲有爲者。

宜操守以圖其成。不可宴安以視其敗。

○九二鳴鶴在陰。其子和之。我有好爵。吾與爾靡之。

此爻是兩儀其同德相孚之象者也。故叶者。志同于上下之交。心契于明良之會。不惟建明盡善。以彰其美于前。且接武有人。而傳其盛于後。不叶者。德行可尊。文章可法。貴人提携。賢子承襲。清高一世。灾害不生。歲運逢之。在仕者進職。未仕者願遂。在庶俗則獲利益。生子或壽命。無往不利也。惟老者有疾。在陰之兆也。

○六三得敵。或鼓或罷。或泣或歌。

此爻是不能有所主者也。故叶者。內無賢父兄。外無賢師友。以致德業無成。執守不定。雖處富貴之地。亦或鼓而起。或罷而止。或泣而怨。或樂而歌。不叶者。誠信少。詐僞多。成敗進退。鰥寡孤獨。歲運逢之。在仕則同僚不睦。或先進職。或後退位。在士庶或喜中有憂。或悲中生樂。求名謀利。得失相仍。

○六四月幾望。馬匹亡。无咎。

此爻是大臣履盛忘私。以事君。斯無負于責者也。故叶者。散其私黨。賓于王庭。秉精白以承伏。篤忠貞以效命。勢不招而自集。而望隆于百僚之尊。權不張而自大。而寵冠于

羣工之表。不叶者。徒有機謀而志難遂。縱有員成之時。復有缺損之日。或婚姻有傷。或父親有損。歲運逢之。在仕有高遷之榮。在士有步月之慶。在庶俗有上人提拔之休。但謂之馬匹亡者。有失配偶。或喪馬匹之憂。

○九五。有孚攣如。无咎。

此爻是君臣以相信而無所失者也。故叶者。至誠盛德。治邦而民斯從。感物而物斯應。涉險則險斯平。動天則天斯助。享大福。立大功。富貴特其餘事。不叶者。亦有德之人。上者敬信。下者服從。享用豐足。壽算優長。歲運逢之。在仕則君臣一心。而寵任加。在士則進取成名。在庶俗則人情和合。而百謀克遂。無往不利。

○上九。翰音登於天。貞凶。

此爻是信非所信。不能變。則反誤於信者也。故叶者。科甲發於青年。名位極其崇高。但多執一无變。難於長久。不叶者。家本微而驟興。勢本弱而乍強。執拘不通。災害難免。惟身居洞天。足達天台。清虛樂天之吉利也。歲運逢之。在仕有近天顏之喜。在士有名登天府之兆。在常人則爭高抑強。而困迫無路。在商賈物或招損。數凶名壽不長年。

小過卦三三三

○象曰。山上有雷。小過。君子以行過乎恭。喪過乎哀。用過乎儉。

兌宮四世卦。屬二月。納甲。是丙辰丙午丙申庚午庚申庚戌。如生於二月及納甲者。功名富貴人也。

○初六。飛鳥以凶。

此爻是宜下之義。而自招孽者也。故叶者功名發于科甲。官位極于台閣。上承天寵。下係民望。但多志高意滿。自孽難活。不叶者。恃勢傲物。招尤啟釁。破家損命。追悔莫及。歲運逢之。在仕則有驟進取禍之尤。在士則有一飛冲天之兆。在庶俗則有好招損之危。

○六二。過其祖。遇其妣。不及其君。遇其臣。无咎。

此爻是盡人臣之分。而與其可以寡過者也。故叶者文章智略蘊于己。而有超衆蓋世之譽。守正安分以事君。而無犯分越禮之愆。不叶者。謙恭自持。謹厚自守。遇知己而謀望克遂。繩祖武而家聲益振。歲運逢之。在仕則克盡己職。而高遷如願。在士則見遇主司。而進取有成。在庶俗則貴人汲引。而凡謀克遂。或得陰人之利。數凶者。有妣號之兆。多傷母也。

○九三。弗過防之。從或戕之凶。

此爻是失防陰之道。而陰禍之必至者也。故叶者禍未至而先爲之備。害未生而先爲之防。剛德足以服人。明哲足以保身。不叶者。自恃剛強。多招妬忌。禍害迭生。身家難保。歲運逢之。在仕防陰邪之害。在士防停降之虞。在庶俗防陰禍羣邪之傷。

○九四。无咎。弗過遇之。往厲必戒。勿用永貞。

此爻是過乎恭。不致於驕傲以招尤者也。故叶者位高而處之以卑。功高而居之以讓。上不亢于君。下不驕于民。隨時變通。福澤深厚。不叶者。亦不失謹厚之士。平易安靜。無榮無辱。歲運逢之。在仕安常守職而無虞。在士多於際遇而利於小試。在庶俗安貧守分。而無損弊之嗟。

○六五。密雲不雨。自我西郊。公弋取彼在穴。

此爻是乖乎宜下之道。而無成功者也。故叶者才大而阻于機會。志高而限于時勢。雖不能大有所爲。亦可以圖其小就。不叶者。驕亢自恣。人情乖戾。僻處幽居。志願莫遂。歲運逢之。在仕有告休之危。士之在窮谷者。有見取于公王之兆。常人不利于遠謀。而守舊爲佳。惟老者病者。皆不宜也。

○上六。弗遇過之。飛鳥離之。凶。是謂災眚。

此爻是過之已亢而招禍者也。故叶者驕盈自恣而不勝其矜口誇人之念。高亢自持而不勝其恃勢傲物之私。功名雖得于志願而福澤終難于己有不叶者。恃强妄作。貪高圖遠。災害並至。身家難保。歲運逢之。在仕有過剛則折之嗟。在士有飛騰之兆。在庶俗有越分致孽之尤。甚則變旅上爻有服制之憂。

既濟卦 二二二

○象曰。水在火上。既濟。君子以思患而豫防之。

坎宮三世卦。屬正月。納甲是己卯己丑己亥。戊申戊戌戊子。如生于正月及納甲者。功名富貴人也。

○初九。曳其輪。濡其尾。无咎。

此爻是兩礙其謹始之象。而因善其占者也。故叶者。制治于未亂。而邦家可以享無疆之休。固存于未亡。而社稷可以獲無虞之慶。功業偉茂。爵位崇高。不叶者。心明志巧。進退無定。機會多遲。名利無實。歲運逢之。有職未受。有位未登。營爲進取。欲動未動。將濟不濟。謹戒俟時。安保無虞。

○六二。婦喪其茀。勿逐。七日得。

此爻是其有德而不見用之象。而因示以守重之道者也。故叶者德蘊於己。足以爲黼黻皇猷之治。道積厥躬。足以爲施張治具之本。始雖難行其道。而志願未遂。終必會逢其適。而功名晚成。不叶者。識見有定。執守有常。早歲鬱抑艱難。老年衣豐食足。歲運逢之。在仕有先逆後順之美。在士有先失後得之佳。在庶俗有先難後易之休。數凶者喪亡之兆。

○九三。高宗伐鬼方。三年克之。小人勿用。

此爻是擬以行師之象。而示以任將之道者也。故叶者才猷雖蓄于有素。功效則難于速成。大則爲將帥之職。小則爲督捕之任。不叶者率意妄爲。欺公罔上。不用則怨生。用之則驕盈。好爭喜頌。力疲財匱。歲運逢之。在仕有差遣征伐之舉。在士進取有久而後克之嗟。在庶俗有結怨爭訟之損。

○六四。繻有衣袽。終日戒。

此爻是大臣思患而預防之。可以得保治之道者也。故叶者圖危于安。而驚天動地之謀。旣無所不用其極。制亂於治。而戒謹恐懼之念。无所不致其全。富貴可保於無虞。福澤可享於悠久。不叶者亦不失爲謹厚之士。多疑多慮。防虞杜怨。衣食充足。歲運逢之。

在仕有預防之計。而爵祿穩固。在士養之有素。而進取无辱。在庶俗有活計。有備用。而無傾覆之危。行舟者隙漏之驚。

○九五。東鄰殺牛。不如西隣之禴祭。實受其福。

此爻是人君處時之過。不如人臣得時於下者也。故叶者。周思遠慮。而事不敢以輕動。持盈守成。而法不敢以輕變。既濟之業。可保於无虞。大有之福。可享于无疆。不叶者。多務華靡。而少誠實。終无益于世教。損物害人。身家難全。惟山林幽客。可受其福。歲運逢之。在仕必居宗廟祭祀之職。而有過時招尤之失。未仕者有從事失時之阨。在庶俗謀遠則成虛。謀近則有實。謀望者不利東方。而利于西也。

○上六。濡其首厲。

此爻是才足以濟世。擬其象而危其占者也。故叶者。安而不忘危。治而不忘亂。天命永固。人心永懷。而既濟之業。不致于終亂。不叶者。志高意滿。恃才妄作。天厭人怨。喪亡无日。歲運逢之。在仕有過高則折之厲。在士有沉溺難進之危。在庶俗有小人濡染之患。行舟者防溺水之患。

未濟卦三三

○象曰。火在水上。未濟。君子以慎辨物居方。

離宮三世卦屬七月納甲。是戊寅戊辰戊午己酉己未己巳。如生於七月及納甲者。功名富貴人也。

○初六。濡其尾。吝。

此爻是無才無德無時。而難以有濟者也。故叶者雖有經濟之才。難逢機會之美。守己安分。榮不辱加。不叶者。身微運弱。妄動輕舉。或學小成。有頭無尾。心不知足。危殆難免。歲運逢之。在仕路險阻。不能前進。在士進選。或得末榜。常人經營。終不稱意。涉水行舟。謹防濡溺。

○九二。曳其輪。貞吉。

此爻是能守臣道之正。而深與之者也。故叶者。宅之以中順之心。持之以謹畏之念。上焉見信于君。而寵渥不衰。下焉見信于民。而名成不毀。不叶者。亦不失爲謹厚之士。和以處衆。與物无忤。中以行正。而處事不偏。財祿衣食。豐足不欠。歲運逢之。在仕克艱。厥職。而得寵任之專。在士有上往不前之咎。在庶俗則安常守分。而謀望遂。不可妄行取困。

○六三。未濟征凶。利涉大川。

此爻是才弱不足。以有爲。惟因人可以濟事者也。故叶者多拙于守己。而力不能爲。而所以經濟其世者。有弗克負荷之愆。然樂于從人。則人爲我格。而所以鼓舞其利者。有倡和成能之美。不叶者。柔奸陰險。寸步難行。可與同患難。不可與同安樂。歲運逢之。在仕則己德不足。而有因人成事之美。在士則有尙往不勝之吝。在庶俗則有摧抑之患。在商旅則涉川歷險而利可獲。登山走陸者不宜。

○九四。貞吉悔亡。震用伐鬼方。三年有賞於大國。

此爻是勉其從正之效。而必象其成功之難者也。故叶者變化氣質之偏。求合中和之正。發科甲雖遲。受恩光則大。不叶者。亦是能遷善改過之人。得賢人提舉之力。謀遂志行。無往不臧。歲運逢之。在武職或有闔外之寄。而專征伐。在文職則位極人臣。功高天下。而受恩賜之重。封誥之榮。士子進取有魁元之兆。常人獲利。必得好人提舉。數凶者。有鬼錄之慘。

○六五。貞吉无悔。君子之光。有孚吉。

此爻是大君得資之佐。而因與其成德之美者也。故叶者。求賢理政。而贊化出治之有

賴文章事業。煥赫在當時。而爲休休斷斷之大臣。不叶者。亦正大高明之君子。大業隆。富有之盛。景福有昌熾之美。歲運逢之。在仕必有超選之榮。在士亦有文光之喜。在庶俗則謀爲光顯。而金帛有積蓄之休。

○上九。有孚于飲酒。无咎。濡其首。有孚失是。

此爻是能善順乎天命。而因戒其當盡人事也。故叶者。有拯溺亨屯之才。當亂極復治之日。上有以凝天休。下有以一民心。事功著于當時。名譽隆于昭代。不叶者。縱慾而不知節。悖義而不知反。覆墜之易。成立之難。歲運逢之。在仕必超遷。而有祭酒知府節度使之職。士人進取。必居首選。在庶俗有出險爲夷之佳。在耆老有鄉飲燕享之舉。數凶者。有溺水之厄。縱酒之禍。



上海文書局發行

傳染病之知識

一冊 一角

李元珏編輯 陳醒箴校閱

本書於傳染病之來源之種類之療法敘述詳備為居家旅行必要之書

醫學常識

一冊 四角半

顧子靜編 陳醒箴校

本書上編敘述一切疾病的狀況及治療常識下編為劑配藥物之常識乃居家旅行必備之書

霍亂自療新法

一冊 一角半

德醫陳醒箴編著

霍亂為夏秋時之流行急病傳染迅速若不預其預防治療之法一旦遇之往往有慘遭不測之虞本編詳其病由別其症候施以最新最驗之療法誠對己對人不可不備之書

家庭細菌學

一冊 四角

上猶蔡松筠編著

細菌學不特為農業醫學上所需即家庭日用之間亦不可無細菌學知識以防患未然本編解釋精詳字句顯豁允宜家直一編也

各省中華書局經售

上海文書局發行

性慾常識

全一冊 定價一元

日本羽太銳治原著 華純甫譯

性慾問題，已引起多數人所注意。本書數  
陳利害，歷述性慾上一般知識：何者應關  
除之，何者宜灌輸之，務使讀者得澈底了  
解性慾之真義，解脫一切煩惱與罪惡；譯  
筆亦淺顯明暢，男女之金丹也。

各省中華書局經售

